

WANTOK

NIUSPEPA BILONG OL PAPUA NIUGINI STRET

Ernst & Young audited/
circulation 15,177

48 pes

Namba 911

Wik i stat long Fonde Desemba 19, 1991.

40 toea

Gavman painim rot bilong holimpas ol timba mani

SAM VULUM i raitim

NESENEL gavman bai stapim ol timba kampani i wok long PNG long salim mani i go long ol mama kampani bilong ol long ovasis.

Long wanem, taim ol kampani i mekim olsem, mani ol i salim i go i save helpim ol narapela kantri. Na PNG bai lus. PNG i lusim planti milien kina pinis long kain pasin olsem. Dispela i kamap klia long bikpela ripot bilong wanpela olpela jas bilong Nesenel Kot, Jastis Tos Barnett.

Minista bilong Fores, Jack Genia i tok long Trinde olsem gavman bai stapim wanpela grup insait yet long Fores Dipatmen. Ol bai kolim dispela grup "State Marketing" bilong was long ol kampani.

Em i tok ripot bilong Jastis Barnett i sutim tru gavman long strongim wok bilong State Marketing. Dispela senis bai kamap aninit long nupela Forestri Ekt em palamen i bin oraitim long mun Julai.

Genia i mekim ol dispela toktok taim em i tokaut long wanpela nupela buk bilong Fores Dipatmen yet ol i kolim long "Nupela Fores Polisi". Dispela buk i gat ol nupela plen na as tingting em dipatmen bai bihainim wantaim nupela Forestri Ekt long mekim ol wok bilong en.

Plen i gat planti ol samting tru bai dipatmen i bihainim. Wanpela bikpela senis em ol i kolim long Fores Menesmen Agrimen o FMS. FMS i kisim ples bilong Timba Raits Pejes o TRP.

Aninit long FMA, ol papa bilong graun i gat moa papa bilong toktok long wanem kain developmen em ol i laikim timba projek i kamapim.

Pater Krismas limlimbur long ol Madang viles



Pater Krismas i sindaun stori na givim presen long ol pikinini bilong Kosa long Bogia distrik bilong Madang provins.

KRISMAS de bai pundaun stret long neks wik Trinde (25 Desemba). Long Mosbi na Lae, Pater Krismas i save kamap long ol bikpela stua, ol hotel na ol bikpela hap tasol.

Tasol long Madang, dispela i no gat. Pater Krismas i stat limlimbur nau bilong go lukim ol pikinini long olgeta hap bilong provins.

Stat long Mande yet i kam inap nau, Pater Krismas i raun toktok, givim presen na bungim ol pikinini bilong Bogia na Ramu distrik. Long asde

Trinde, em i plai long balus bilong Islands Airways fri i go long Moki na Bundi. Ol pikinini i harim pinis nius olsem Pater Krismas bai go na olgeta i wetim em.

Tude em bai go bungim ol pikinini long Kanaij, Simbai, Dusin, Aiome, Bank pies, Sangapi, Josephstaal, Anaberg na Forok.

Long Sarere, 21 Desemba em bai kamap long Madang taun.

INSAIT



• Mendi haus sik sasim K60..pes 4

• Gavman givim K30,000 long spakbrus...pes 2

• Is Nu Briten na Nu Ailan provins tambuim nesanel yut sevis...pes 3

• Madang autim K10 milien baset...pes 5



16 pes KRISMAS SPESEL sapli-men

RAGBI LIG NIUS



• Tim bilong Unagi lig

NCDC gat K3 milien dinau long PNGBC

NESENEL Kapitel Distrik Komisn (NCDC) i gat K3 milien dinau i stap yet wantaim Papua Niugini Benking Kopresen (PNGBC).

Dispela em ripot bilong wanpela sinia beng opisa bilong Mosbi long asde.

Olsem na PNGBC i

BERNARD MALADINA i raitim

no laik oraitim ol sek bilong NCDC em i kam long beng. Long las wik Fraide, Menesing Dairekta bilong PNGBC, Sir Mekere Morauta i odaim PNGBC long Waigani

long no ken givim mani long ol sek bilong NCDC.

Na ol hevi nau i kamap long Mosbi i bagarapim tu 1992 baset bilong NCDC. Baset bilong neks yia i

stap long mak bilong K35 milien.

Ripot i kam long beng i tok NCDC i bagarapim pinis olgeta K1.5 milien bilong en long IBD las wik. Na em i no gat mani nau i stap long beng bilong mekim ol wok.

Wanpela sinia opisa

bilong NCDC i bin tok long asde olsem dispela i tru. Tasol em i sutim tok long komisn bikos em i no save kisim gut mani bilong wara, pipia, takis bilong graun na ol samting insait long siti. Planti lain tru long siti i gat dinau wantaim NCDC.

Na sampela bilong ol bikpela lain em ol komisina yet, ol politisen, gavman dipatmen na ol kampani.

Ol ausait lain i gat K6 milien dinau wantaim NCDC. Ripot i kamap olsem komisn bai holim wanpela kibung i go moa long pes 3

TOYOTA
HILUX



NAMBAWAN
TRU LONG
PAPUA NIUGINI

ELA MOTORS
WIL BILONG
OLGETA HAP

PORT MORESBY 229400 • LAE 433655 • RABAU 921988 • MADANG 822188 • GOROKA 721844 • MT HAGEN 521888 • WEWAK 862255
POPONDETTA 297266 • KAVIENG 942132 • KIETA 956083 • KIMBE 935155 • TABUBIL 589660 • VANIMO 871254 • PORDERA 508203

EM6578

Komanda askim komyuniti long helpim plis

PLIS komanda bilong Sentrel provins, Sief Suprintenden Daniel Lingnoge i tok save pinis long ol pipel bilong provins long wok bung wantaim plis. Komanda Lingnoge i mekim dispela tok bikos planti manmeri i wok long haitim ol raskol. Na tu ol pipel i save kisim samting ol raskol i stilim na givim long ol.

Plis bai holim wanpela operesen long Sentrel provins. Ol bai banisim rot long Magi na Hiritano haiwe bilong sekim ol ka na PMV.

Sief Suprintenden Lingnoge i tok ol pipel i mas soim komyuniti sapot na ripot long plis sapos ol i lukim o save long wanem hap ol raskol i stap long en. Toksave i go tu long ol manmeri bilong Mosbi siti long no ken go piknik nabaut long ol ples olsem Gaire nambis, Varirata

Nesenel Pak, Braun Riva na ol arapela ples ausait long siti. Em i tok sapos ol manmeri i laik go long kain hap olsem, ol i mas go wantaim bikipela grup na i no ken liklik lain tasol. Planti manmeri i kisim bagarap pinis long ol hap olsem.

Em i askim ol manmeri long lukaut gut tu long birua bilong ka long rot. Long wanem bai i gat moa hevi olsem i kamap long krismas na Nu Yia.

Em i toktok tu long ol raskol i save stilim ol ka long siti. Ol i save kisim ol ka i go longwe na bihain rausim ol hap bilong en na go salim. Olsem na ol manmeri husat i luksave long kain pasin olsem i mas ripot hariap long Trefik Opisa o ring long Plis Opreesen long Boroko plis stesin.

Dispela pasin i ken helpim plis long wok hariap na painim ol dispela bikhet man.



Taim bilong painim sayor...Yangpela Geraldine Sainai bilong Vanimo i holim naip na redi long go painim sayor long liklik gaden bilong em. Gaden i stap baksait long haus. Ol aupa bilong em i bikipela tru na Geraldine i save planim tu pinat, taro na yam. Geraldine i gat 4-pela krismas tasol. Foto: Felix Ramram.



MOSBI: Faivpela memba bilong wanpela famili i bin dai taim tupela ka i bam long Gerehu long Fraide moning.

Wanpela liklik boi i kisim bagarap na i stap nau long bikipela haus sik long Mosbi. Dispela birua i bin kamap long 11 klok moning.

Dispela famili i bin wok kontrak wantaim Nesenel Kapitel Distrik Komisen (NCDC) long klinim Nigibat rot long Gerehu Stet 2. Ol i stap wok taim wanpela ka bilong NCDC yet i bam wantaim wanpela Toyota na kapsait long sait bilong rot. Ripot i tok ka bilong NCDC i slip antap long dispela famili na kilim olgeta.

Tupela draiva wantaim i ranawe. Tasol ol plisman i holim NCDC draiva. Ol lain i dai em papamama wantaim tripela pikinini. Mama i bin gat bel na pikinini ya tu i dai.

Dispela famili i bilong Goilala long Sentrel provins. Ol plisman i painimaut yet long dispela birua.

MOSBI: Tripela man i bin dai long wanpela birua bilong rot long Moitaka So graun long Sarere apinun. Ripot i tok wanpela yutiliti, wanpela PMV na wanpela ka i bam.

Ol man lukluk i stap i tok yutiliti wantaim ka i bam pastaim. Tasol PMV i wok long bihainim yutiliti i kam i spit tumas olsem na em tu i go antap long tupela ka ya na kilim tripela man.

Plis ripot i no tokaut long wanem samting i kamap long ol arapela pasindia long PMV.

MOSBI: Long Fraide moning, 13 Desemba, tupela man na wanpela meri i bin laki tru taim bas bilong Nation Air i kapsait na tanim tripela taim olgeta.

Meri i kisim liklik bagarap tasol. Ol plisman i painimaut yet long wanem as tru na dispela bas i bin kapsait.

LAE: Ol pipel bilong Wes Taraka i wok bung wantaim plis nau long stapim ol pasin bikhet long hap. Dispela i kamap bihain long provinsal gavman i stapim ol sevis long dispela hap.

Plis ripot i tok ol pipel i bin holim 4-pela raskol long wiken. Ol dispela man i bin pretim wanpela bas draiva na laik kisim ka bilong em. Draiva i opim dua bilong ka strong na pundanin wanpela bilong ol dispela man. Ol man i stap klostu i helpim draiva na holim tupela pren bilong em.

Ol dispela man i no bilong Wes Taraka. Na ol komyuniti lida bilong Wes Taraka i askim provinsal gavman long givim bek ol sevis.

Ol plisman i painim yet tupela man husat i bin stap tu long dispela taim. Provinsal gavman i stapim olgeta sevis long Wes Taraka bikos ol raskol i bin kilim wanpela man Nawae. Na i no gat wanpela ripot i kamap yet long dispela.

SIMBU: Ol plisman long Simbu i no holim yet tupela man husat i ranawe long haus kalabus. Tupela i gat sas bilong brukim taim tambu, paulim marit meri, kilim man na ol arapela hevi bilong graun.

Ol plisman i statim tu wanpela opresen pinis long Kundiawa. Opresen i kamap bilong stretim taun pastaim long krismas holide. Ol plisman i holim pinis 8-pela man long pasim rot na traim stilim ol samting long ol PMV.

Dispela ripot bai stap inap bihain long krismas na Nu Yia.

WEWAK: Paia i bin kukim wanpela lapun long haus taim em i slip i stap long ples Banak insait long Dagua eria bilong Is Sepik provins.

Bikman ya em Joachim Birim na em i gat 80 Krismas.

Provinsal Plis Komanda, John Wakon i tok paia i bin kamap long haus we lapun i slip long en long taim olsem 2 klok moning long las wik Fraide.

Plis i wok long painimaut yet as tru dispela paia i stat long en.

Gavman makim K300,000 bilong daunim spakbrus

SAM VULUM i raitim

NESENEL gavman i makim pinis K300,000 long 1992 baset bilong statim wanpela nupela grup ol i kolim long Nesenel Nakotiks Kontrol Bod (NNCB).

Wok bilong Bod em long wok wantaim hevi bilong ol marasin nogut ol i kolim "drugs" olsem

spak brus na ol narapela long i no ken kamap long kantri.

Bod bai was olsem ol marasin nogut i no ken kam insait o go ausait long kantri. Bod bai kamapim tu ol plen na toktok wantaim ol manmeri bilong ol narapela kantri long painim rot bilong stapim ol dispela marasin nogut.

Nesenel Eksekyutiv Kaunsil (NEC) i tok

orait long statim NNCB long wanpela kibung bilong en long 22 Novemba. Planti ol memba bilong palamen i kisim pinis ripot bilong bil. Tasol minista bilong Jastis, Bernard Narokobi i no tokaut long palamen yet.

NNCB bai wok wantaim Nakotiks Beru bilong lukluk long ol marasin nogut long kantri. Ol mausman

bilong gavman husat i laik mekim wok bilong ol marasin nogut bai i stap long bod.

Long wankain taim, siaman bilong Nesenel Nakotiks Beru, Pater Liebert i tok em i amamas tru long dispela tingting bilong gavman. "Dispela em gutpela tingting na mi sapotim," em i tok.

Tasol em i tok dispela nupela NNCB bai i no

inap wok gut sapos i no gat gutpela sapot long gavman long sait bilong mani. Em i tok gavman i mas lukluk long bod olgeta taim.

Pater Liebert i tok wanpela bikipela hevi ol i gat nau em long mani. Em i tok ol i gat bikipela progrem bilong skulim ol manmeri long spak brus na ol narapela marasin nogut. Tasol ol i no gat mani.

Kot bilong Mugugia i wok long go yet

NESENEL Kot jas, Jastis Konilio ToMarum bai tokaut long Fraide long wanem taim bai em i autim tingting bilong en long olpela Namba tu Komisina bilong Plis, Francis Mugugia.

Mugugia i kisim Plis Komisina, Ila Geno i go long Nesenel Kot bihain long Plis Apil Traibunel i painim olsem em i no bihainim stretpela rot long yusim K12,000 long akaun bilong Kriminel Investigesen Divisen bilong Plis Fos.

Bihain long traibunel i painim aut long dispela, Geno i rausim em olsem Namba tu Komisina i go daun long Sief Suprintenden. Na tu rausim em long wok long Me 22.

Mugugia i bilip olsem dispela pasin Komisina Geno i mekim long en i no stret long lo. Olsem na em i laikim Nesenel Kot long painimaut sapos Geno i gat pawa long mekim dispela o no gat. Namba wan kot bilong em i bin kamap Septemba 22.

Loya husat i helpim Jastis ToMarum long kot bilong Mugugia i tok kot i kamap gen long Tunde, Desemba 17. Mugugia i kamap na tokim kot long sampela ol samting gen long sapotim tingting bilong em. Tasol Jastis ToMarum i askim loya bilong Mugugia, Canisius Karingu na loya bilong Geno long raitim ol ripot na givim long em long Trinde.



Singsing pasim skul...Ol susa ya bilong ples Bitavavar long Is Nu Briten i bilas pinis na redi long singsing. Dispela em long taim bilong pasim 1991 ya bilong Kalamanagunan komyuniti skul. Foto: Andrew Yeninen.

Foapela Amele kot long bagarapim ol nesmeri

FOAPELA yangpela boi bilong Amele long Madang bai kot yet long bagarapim 4-pela nesmeri.

Kot bilong ol bai kamap gen long Tunde, 31 Desemba, 1991. Bikos plis i no pinisim yet ol wok painimaut bilong en long wanem samting i bin kamap long dispela taim.

Plis i bin sasim Michael Wala (13 krismas), Lisa Tamò (14 krismas), Kol Dausa (18 krismas) na Len

Irun (20 krismas) long stilim ka na bagarapim 4-pela nesmeri bilong Yagaum haus sik. Dispela birua i bin kamap long 29 Novemba, 1991.

Kot i harim olsem plis i sasim Wala na Tamo long stil na bagarapim meri. Sas bilong tupela i kam aninit long seksen 386 (2) na 347 (1) bilong Kriminel Kot ekt. Na ol i sasim tasol Dausa long stil. Ol plisman i putim tripela sas olgeta antap long

Irun. Ol i sasim em long stil, yusim nating ka na i no gat tok orait na long bagarapim meri. Dispela olgeta sas i kam aninit long seksen 386 (2), 347 (1) na 383 (2) bilong Kriminel Kot ekt.

Long dispela taim bilong birua, ripot i tok ol dispela 4-pela man i bin pasim ka bilong haus sik na rausim draiva i go daun. Ol i yusim naip wantaim sotgan long mekim olsem. Bihain ol i draivim ka wantaim ol 4-pela

nesmeri ya i go na bagarapim ol.

Tasol long nau yet, ol C.I.D. plisman i no redim yet olgeta ripot bilong ol dispela 4-pela man. Olsem na kot i skruim taim bilong ol i go bihain long narapela 14 de.

Mejistret i tokim tu ol 4-pela olsem sapos kot i painim i gat inap bekap toktok, em bai skruim dispela samting i go long Nesenel Kot. Olgeta 4-pela i slip nau long Beon haus kalabus bilong wetkot.

Is Nu Briten na Nu Ailan tambu long nesenel yut sevis

BERNARD MALADINA
I raitim

IS Nu Briten na Nu Ailan provins i no laik bai Nesenel Yut Korps (NYC) i kamap long hap bilong ol. Bipo ol i save kolim NYC olsem Nesenel Gad Sevis. Tasol bihain ol i senisim nem gen.

Long Tunde, Nu Ailan provinsal asembli long Kavieng i bin oraitim wanpela nupela lo, Yut Developmen (tambuim ol kain kain oganaisesen) Ekt bilong 1991. Na kamap bilong dispela lo i min olsem NYC i no inap kamap long provins. Olgeta asembli memba i sapotim dispela lo.

Plis bai holim na sasim stret

wanem man, meri o grup husat i wok wantaim o i memba long NYC. Na lo i banisim tu wok bilong ol kain lain olsem ol Bois Skaut na Salvesen Ami.

Na i luk olsem Is Nu Briten provinsal gavman bai tokaut long wankain lo taim provinsal asembli i bung tude. Toktok bai kamap bihain long ol i tokaut long baset bilong provins.

Tokwin i kamap pinis olsem Manus tu bai autim wankain toktok long Lapan provinsal asembli. Ripot i kam long Lorengau i tok planti memba i sapotim tru dispela. Na ol i laikim long kamap lo.

Ol'primia bilong ol Niugini Ailan provins i no bin sapotim tingting bilong kamapim nesenel yut

korps. Bikos dispela kain trening na wok bilong em i wankain long ami na plis.

Man husat i go pas long kirapim dispela tingting em minista bilong Interia, Karl Stack. Minista i bin kamap wantaim dispela tingting bihainim singaut bilong Praim Minista Rabbie Namaliu long wanpela rot bilong stretim hevi bilong no gat wok namel long ol yangpela man na meri. Bikos dispela hevi i wok long kamap bikpela long kantri. Na tu long hevi bilong lo na oda.

No gat planti lain i bin sapotim tumas dispela tingting long kabinet. Tasol long baset bilong en, gavman i givim K5 milien long statim dispela nupela projek.

Man husat i go pas nau long dispela em olpela bikman bilong Difens Fos, Ian Glanville.

Nupela Yut Developmen (tambuim ol kain kain oganaisesen) Ekt i tok em i "bikpela tambu tru long kain oganaisesen olsem long kamap, trenim na stap insait long wok bilong Difens na Plis Fos. Dispela samting i ken kamap tasol aninit long mama lo bilong Papua Niugini".

Ol grup em dispela lo i no karamapim em Bois Skaut na Salvesen Ami.

Dispela ekt i givim tu pawa long provinsal asembli bilong skelim na oraitim wanem grup na oganaisesen em i ting i gupela. Na wanem oganaisesen em i ting

bai bagarapim laip bilong ol pipel. Sapos nesenel gavman i laik go het na kirapim NYC long ol dispela provins, ol primia long hap inap, aninit long ekt, kirap na rausim dispela korps.

Husat man o meri i brukim dispela lo na kamap olsem memba o wok wantaim NYC bai baim K2,000. Sapos no gat, em inap go kalabus long tupela yia. Na dispela i kam aninit long seksen 200 bilong mama lo.

Husat man o meri i brukim dispela lo i no inap baim haus kalabus na wetim kot. Em inap baim tasol sapos kot i ting em i no inap go het long dispela wok taim em i stap ausait.

Catimor em nupela kopi long PNG


KOPI Industri Kopresen (CIC) i tok orait pinis long traim planim nupela kopi ol i kolim "Catimor" long ol plantesin. Na lukim sapos em i kamap gut olsem Arabika na Robusta kopi.

Ol smolholda fama na ol plantesin long PNG is save planim na lukautim tupela kain kopi tasol. Dispela em Arabika na Robusta, tasol nau i gat narapela gen.

Catimor kopi i no kam long ol narapela kantri. Nogat. Em i bilong PNG yet. Na Kopi Rises Institut (CRI) long Kainantu, Isten Hailans provins i kamapim bihain long ol stadi inap long 5-pela yia.

Catimor kopi i wankain tasol olsem Arabika na Robusta. Tasol em i no save go longpela na tu em i no inap kisim sik bilong kopi.

Taim CRI i kamapim dispela kopi, Kopi Industri Bot, nau i gat nupela nem olsem Kopi Industri Kopresen (CIC), i no bilipim. CIC i laikim ol saveman bilong kopi long Yurop long traim na painimaut sapos sapos em i gupela kopi o nogat.



Traim sia bilong Korowi...Wanpela kendidet wantaim ol sapota bilong em i kempen i stap long Mendi. Bikpela kempen i kamap nau long sia bilong Sauten Hallans rijonal em Gavana Jenerel, Wiwa Korowi i lusim. Foto: Yakam Kelo.

NCDC gat K3 milien dinau long PNGBC

i kam long pes 1

tude bilong toktok long dispela bikpela hevi.

Ol kontrak kampani na grup i no inap kisim mani long Fraide. Na no gat wanpela man inap tokaut sapos ol wokman na meri bilong NCDC tu bai kisim mani bilong ol long neks wik potnait o nogat. Ol bikpela wok long rot, pipia na wara projek i wok long stop isi isi nau.

Bikpela toktok nau bai kamap long tupela bikman husat i gat bikpela dinau wantaim NCDC. Wanpela em bisnismen, politisen na komisina Sir Hugo Berghuser husat i gat K50,202.57 dinau bilong graun wantaim NCDC na kampani bilong politisen Robert Suckling, Suckling Enterprises Pty Limited. Dispela kampani i gat K37,001.72 dinau wantaim

NCDC. Dispela mani i bilong wara, pipia, graun na pekpek.

Planti arapela gavman dipatmen i gat dinau tu wantaim NCDC. Dispela ol lain em Sivil Eviesen (K140,846.61), Air Niugini (K95,027.50), Edukesen (K148,649.38), Fainens na Plening (K130,691.17), Hausing Kopresen K631,595.99), PNG gavman (K232,448.68), Difens Fos (K207,690.58), Pablik Opisas Supaenuesen Bod (K112,159.12), Yunivesiti bilong PNG (K389,886.08), dipatmen bilong Praim Minista (K73,650.35) na PNGBC yet tu i gat K19,538.90 dinau wantaim NCDC.

Ol dispela rekot i soim tu olsem Australia Hai Komisin, bikpela ovasis opis long kantri, i gat K205,866.19 dinau long NCDC. Bikpela hap bilong dispela mani i bilong dinau long graun.

Wok bilong wel groa

RUDOLF AYU i raitim

WOK bilong painim wei i kamap bikpela nau long Papua Niugini. Bikos planti wel kampani i painim ples ol i ting i gat wel long em.

Insait long wanpela buk ol kolim *Oil & Gas Australia*, ripot i tok planti wel kampani long Papua Niugini i painim pinis ples i gat wel. Tasol wok bilong kisim wel i no inap kamap hariap.

Long wanpela bikpela kibung long Dawin, Australia, bikman bilong Dipatmen bilong Minerels na Eneji, Lamech Palaso i tok wok bilong painim wel i kamap strong tru long kantri.

Ripot i tok wok painimaut bilong wel i sut i go antap long 18 pesen taim ol i skelim ripot bilong yia 1991 wantaim ripot bilong 1986.


Dispela ripot i tok ol wel kampani i painim pinis planti hap bilong wel. Tasol wok bilong digim hui long graun i no go hariap wantaim ol dispela wok painimaut.

Insait long dispela ripot, *Oil & Gas Australia* i tok wok painimaut bilong wel i bin stat long Papua Niugini long 1911. Dispela i kamap long Vailala Riva long Kerema, Galp provins.

Bihain tasol long 80 yia, PNG i kamap strong tru long wok bilong painim wel.

Long sampela mun namel long dispela yia, SE Mananda 1X i painim wel long Kutubu. Kampani i painimaut olsem ol i ken kisim 2,434 dram wel long wanpela de taim ol i wokim tes long dispela projek.

Calculators



ALU SIGNS PTY LTD

PO BOX 7081, BOROKO PH: 25 4800
STORE: NEAR BOROKO POLICE STATION



WANTOK

NIUSPEPA BILONG OL PAPIA NIUGINI STRET

Gutpela timba lo kamap

Bikpela tok amamas i mas go long nesanel gavman long luksave long wok painimaut bilong fores indastri em olpela Nesanel Kot jas, Jastis Tos Barnett i go pas long en.

Long dispela ripot, gavman i mekim tupela gutpela samting. Namba wan em mani bilong gavman i no lus nating long mekim wok painimaut. Namba tu, gavman i lainim olsem samting em i mekim i rong pastaim long ripot. Na i laik senisim ol rot bilong em long wok bilong forestri.

Nupela rot gavman bai bihainim nau bai sevim bikpela mani tru bilong kantri. Ol kampani i save salim mani i go long ovasis bikos ol mama kampani bilong planti bilong ol i save stap long kantri bilong ol yet.

Na tu as tingting bilong gavman long kamapim nupela fores plen i gutpela tru. Bikos planti ol samting bai helpim ol papa bilong graun. Ol manmeri PNG yet bai i gat pawa bilong toktok long wanem kain samting ol i laik bai i kamap long timba bilong ol. Na dispela em i gutpela samting long helpim ol pipel na kantri bilong yumi tu wantaim.

Gavman i mas lukim dispela na bihainim long ol narapela rot bilong ol wankain hevi olsem.

Long pinisim olgeta toktok, mi laik tok Meri Krismas na Hepi Nu Yia long yupela olgeta.

Kutubu wel projek na Mendi taun

Baim K60 long marasin bilong pasim sua

YAKAM KELO i raitim

OL lain husat i kisim taim long spia na i go long haus sik bai baim K60.


Mendi haus sik i mekim olsem bilong helpim plis long daunim hevi bilong lo na oda.

Prais bilong ol sikmanmeri long baim ol marasin samting i stap ausait stret long dua bilong Mendi haus sik. Ol sik manmeri bai baim 50 toea sapos ol i sik na laik kisim marasin.

Haus sik bai sasim K6 long husat i gat bikpela sik na i laikim bai dokta i helpim em hariap. Ol lain husat i sik na slip long pablik wud bai baim K5. Na long intamediet wud em K36. Husat i sik na i slip long wud na kisim marasin bai baim K12.

Long eksre (X-Ray), ol manmeri bai baim K4. Wankain long ol lain husat i laikim dokta i sekim em. Dispela em ol prais bilong bikpela haus sik long Mendi.

Liklik haus sik o klinik bai sasim K1 long marasin bilong olkain sik. Na K6 long intame-



• Ol man na meri i sindaun malolo ausait long Mendi haus sik. Sapos ol i laikim marasin, ol bai tromoi bikpela mani nau.

diet wud. Husat man o meri i laikim dokta i sekim em bai baim K4. Na K20 long medikel ripot. Husat i kisim bagarap long spia bai baim K5.

Man husat i lukautim ol marasin, Dokta Robert David i tok ol i mekim dispela long helpim na daunim hevi bilong lo na oda long provins. Dispela pasin i stap longpela taim nau. Long wanem ol hauslain na wanpinis i wok long kamapim bikpela pait long kros

bilong graun na bekim mani.

Tasol hevi bilong marasin i sot bai kamap long Mendi haus sik klostu. Long wanem haus bilong saplaim marasin long Hagen i no moa givim saplai long Mendi na ol arapela haus sik long Hailans rijon.

Wantok i bin raun insait long stua bilong lukautim marasin na lukim olsem dispela i tru. I no gat moa ol kain marasin olsem codeine Co Tablet na

Codine compound bilong kilim pen, marasin bilong stapim ol meri long kisim bel, COD liver wel bilong stretim bun na ol kain kain arapela sut nabaut. Klostu bai olgeta i pinis nau.

Dokta David i save olsem dispela em i bikpela hevi nau. Na em bai traun yusim gut wanem marasin nau i stap.

Long dispela as, sampela manmeri i kisim tasol pepa bilong go baim marasin long

ol stua.

Sauten Hailans provinsal gavman i tok save tu long Mendi haus sik olsem ol i no kisim marasin bikos Papua Niugini i no moa kisim marasin long kantri Saina. Long wanem ol studen i protes long 1989 na 1990 na kamapim hevi long dispela.

Wanpela tok save pas i tok tu olsem ol ka long Lae i pret long karim marasin i go long Mendi na ol arapela Hailans provins.

WANTOK

NIUSPEPA BILONG OL PAPIA NIUGINI STRET

P.O. Box 1982 BOROKO
Telepon Namba: 25 2500
Feks Namba: 25 2579

PE BILONG WANPELA YIA 52 NIUSPEPA

PLES	AIR
Mosbi	K30.00
Arapela PNG eria	K60.00
Australia na Nu Silan	K92.00
Esia pasifik na Japan	K123.00
Amerika na Yurop	K180.00

Poroma komyuniti skul winim namba tu ples long provins

OL gret 6 sumatin bilong Poroma komyuniti skul long Mendi, Sauten Hailans i bin kamap namba tu long provins.

Dispela skul i stap ausait long Mendi taun. Na long go long hap, ol ka bai ron inap long 30 minit samting.

Sumatin husat i winim bikpela mak long skul em Francis Mai. Francis i kisim 114 poin long 120 mak. Na dispela i mekim em i kamap namba wan long skul na namba tu long provins.

Het tisa bilong skul, Edward Tauloi i tok

long las yia, i bin gat 23 sumatin i wokim gret 6. Na olgeta i bin winim gutpela mak bilong go long hauskul. Na wantaim gutpela

mak gen long dispela yia, em bai helpim skul long go antap long Level 4.

Skul i gat gutpela rekot long provins.

Bikpela lain gret 6 sumatin bai go long Nipa hauskul neks yia. I gat 20 gret 6 sumatin. Na 19 bilong ol bai go long hauskul.

Poroma Kutubu rot go het gut

WOK bilong stretim Poroma Kutubu rot i pinis. Rot i stap 13.5 kilomita lusim Mendi na Tari rot.

Na long go olsem long Kutubu wel, dispela bai karamapim samting olsem 115 kilomita. Wok bilong stretim dispela rot i bin stat long mun Septemba long dispela yia. Na i bin kos samting olsem K35 milien olgeta long wokim.

Kampani husat i go pas long wokim dispela rot em Chevron Kutubu Kopresen (CKC). I gat ol arapela lokal kampani tu i winim kontrak long dispela projek. Wanpela bilong ol em

Peripi Dvelopmen Kopresen husat i helpim long stretim Poroma Kutubu rot.

Ol ripot i tok olgeta wok bilong wokim dispela rot bai pinis long 1993. Na dispela rot bai helpim ol pipel namel long Mendi taun na Kutubu eria. Na em bai helpim tu wok bilong wel long Kutubu long go het gut.

Sip bai karim ol masin samting bilong wok long Kutubu i kam long Lae. Orait long hap, ol bikpela ka bai karim na bihainim tasol haiwe i go olgeta long Kutubu.



• Ol lain bilong Peripi Dvelopmen Kopresen i wok long stretim hap rot bilong Poroma na Kutubu. Bikpela masin tu i helpim long mekim wok i isi liklik. Ol foto: Yakam Kelo.





■ KANAGE wokabaut i go long maket long wanpela moning. Long rot, em bungim wanpela yangpela meri wantaim mama bilong em i kam. Ai bilong Kanage i pas long yangpela meri ya na em i tok moning. Na yangpela meri i bekim moning bilong Kanage. Tasol lapun mama i tingting kranki na krosim pikinini meri bilong em olsem, "Yu tok wanem long man ya?" Pikinini meri i bekim, "Mi tok moning tasol." Tasol lapun mama i no amamas na bikmaus antap long pikinini meri bilong em, "Husat i nupela long pasin bilong yupela ol yangpela. Mi em bai hat na i no ken stret long mi i paul long toktok bilong yupela. Dispela kain pasin tasol na mi wantaim lapun bilong mi i bin bung na yu kamap. Tasol nau em i stap long Hailans haiwe long hap bilong Papua Niugini."

Sebastian Stanies
KIMBE

□ OL Sepik na Finsafen i pait long Bulolo taun. Ol Finsafen i planti olsem na ol i srukim ol Sepik i go. Wanpela Sepik i go na hait long as bilong banana i stap. Wanpela man Finsafen i lukim em na i ting wantok bilong em na wokabaut i go long em. Taim man Finsafen i kamap long as bilong banana, em i singaut, "Moji! Moji!" Man Sepik i wetim Finsafen i kam klostu na em kirap bikmaus, "Wanem moji, moji. Dispela tasol na bagarapim sampela. Blari sit nating!"

Toxi Mape
LAE

■ SKUL i pinis na wanpela yangpela meri bilong Kaindi komyuniti skul i wokabaut i go long haus long apinun. Long rot em lukim wanpela lapun man i wok long katim diwai i stap. Lapun i stallim stret na muvim as bilong em i go fowat na i kam bek olgeta taim em i apim tamiok na katim diwai. Yangpela meri ya i lukim na mekimsave long lap na lukluk long lapun i stap. Lapun i lukim olsem na askim yangpela meri, "Yu lap long wanem samting? Tasol yangpela meri i no bekim toktok. Em i wok long lap yet. Lapun belhat olgeta na kirap krosim yangpela meri ya. Meri tu bekim na tokim lapun olsem, "Sem bilong yu." Lapun i harim na tok, "Em i orait, sem bilong Simon."

Mark Wilson
WEWAK

□ WANPELA boi Nuku laik go lukim poro bilong em. Em wokabaut i go na kamap long kona rot we ol meri i salim kaikai i stap. Em kirap na askim ol meri sapos poroman bilong em i stap long haus o no gat. Wanpela meri kirap na bekim, "Poroman bilong yu i go lukim wan nem bilong yupela long gaden." Boi Nuku i paul na kirap askim. "Husat em wan nem bilong mipela long gaden?" Kwiktaim olgeta meri i bekim, "Em ya, tapiok bilong kaikai long gaden." Boi Nuku harim olsem na skrapim het wantaim na tekov i go long haus.

Emil Lowi
WEWAK

□ Bikpela moning tru na liklik brata bilong Kanage i kam ausait long haus na hatim skin long san i stap. Kanage i bagarap stret long smokim brus na sisti long moning i kam askim liklik brata bilong em.

Taim liklik brata i lukim Kanage i kam, em sisti i go insait na pasim laplap i go ausait long haus. Na bihain sindaun gen long lata bilong haus na wet i stap. Kanage i kam klostu na singaut: "Barata ... yu gat wanpela han bilong brus i stap o no gat?"

Liklik brata bilong Kanage i kirap lusim laplap na tokim Kanage, "Barata ... mi no smok, tasol mi gat wanpela han bilong brus tasol i hangamap i stap. Kam kisim i go na smokim, na mi bai dai."

Taim Kanage i harim olsem, em i no wan bel olgeta. Em tanim i go bek long haus bilong em, na i no moa kam bek askim long smok.

Moa tisa winim Flai Riva ileksen

IAN KAKARERE i raitim

FAIVPELA man long Westen provins i no inap wok tisa moa bikos olgeta i kamap politik man nau.

Long Januəri 7, 1992, bai olgeta kamap olsem ol memba bilong Flai Riva provinsal asembli long Daru. Tripela em haikul tisa na tupela em komyuniti skul tisa.

Olpele haikul tisa bilong Tabubil, Barnabas Uako i go insait long wok politik namba wan taim nau. Em i winim sia bilong Midel Flai konstituensi. Uako i gat 34 krismas na i bilong ples Mipan long Lek Mari Distrik. Na i bin wok tisa inap 12-pela krismas olgeta. Em i bin wok tisa long Galp, Wes Nu Briten na Westen provins.

Tisa i lukautim Dipatmen, bilong Inglis long Awaba haikul, Keke Iwaneke bai kamap memba bilong Wes Gogodala.


Mama i bin karim Iwanake long Sauten hailans provins. Na pasto bilong Gogodala Evanjelikel Sios bilong Papua i kisim em na lukau-

tim. Em i pikinini Sauten Hailans tasol ol Gogodala i lukautim em i go inap em i bikpela nau. Em i save tok ples Gogodala gut tru na ol pipel bilong Balimo i save long em olsem em wanpela man Gogodala.

Tisa bilong Maths na Komes long Kiunga haikul, Philip Kaseng bai yusim save bilong em long wok bilong namba na bisnis long stretim ol hevi bilong divelpmen long provins. Em i winim sia bilong Saut Is Awin konstituensi. Em i bin stat wok tisa long 1982.

Tupela komyuniti skul tisa em Thomas Urura Taruwai na Damoi Dai. Tupela bai kisim sia bilong tupela olsem memba bilong Wes na Is Kiwai. Ol 5-pela ya bai joinim tupela arapela tisa husat i stap pinis long provinsal asembli.

Tupela olpele tisa ya em Semai Aitowa husat i memba bilong Lek Mari na memba bilong OK Tedi Moain, Isidore Kaseng. Tupela wantaim i bin go insait long wok politik long 1979 taim provinsal gavman stat. Tupela i bin stap minista wantaim olpele Primia,



• Olgeta biklain ya wantaim wanpela plisman i sindaun wet isi tasol i stap long harim ol wina bilong Flai Riva provinsal ileksen. Planti tisa i bin winim ileksen. Foto: Ian Kakarere.

Nobert Makmop.

Aitowai i tok em i no rait moa long blakbot taim em lusim wok tisa. Tasol em i gat

sampela samting i redi pinis long lainim ol 5-pela nupela tisa ya husat bai kam joinim tupela.

Madang autim K10,440,000 baset Namba 6 lain greduet long Tambul haikul

MADANG provinsal gavman i autim Apro-priesen Baset Bil bilong neks yia 1992, long Tunde nait long taim bilong kibung.

Provinsal Fainens minista, Nicholas Owet i tokim asembli olsem gavman bilong Primia Andrew Ariako i no sruk long putim mak bilong mani i go antap. Olsem na ol makim K10,440,000 baset bilong 1992. Dispela em K380,000 moa long baset bilong 1991.

Em i tok dispela baset i no bikpela tumas. Tasol liklik moa mani i

bin go antap long dispela baset. Long dispela baset, nesenel gavman bai givim K4 milien, provinsal gavman yet bai kamapim K6,440,000.

Owet i tok gavman bilong Ariako i givim namba wan tingting i go long komyuniti na Sosol Afeas long neks yia. Ol bai yusim K3,826,300 long dispela wok. Ol dispela wok bai go bek long han bilong ol pipel yet long mekim.

Konstituensi Fan bilong ol memba long K10,000 i go antap nau

long K20,000.

Tok amamas i go long Primia Ariako, provinsal baset komiti, provinsal eksekutyutiv komiti na ol pablik sevan long gutpela sapot ol i givim long redim dispela baset.

Spika Hangamai Bilas i tokim ol memba long ritim na stadi gut long dispela baset. Bihain bai ol i paitim tok na vot long en long neks wik. Tasol long nau yet, em i stap nating bilong ol memba long toktok long en.

Moa ripot long Madang provinsal baset long neks wik.

NAMBA 6 greduesen bilong Tambul haikul long Westen Hailans provins i bin kamap long Fonde, 11 Desemba, 1991

Long dispela taim, 50 studen i bin kisim ol gret 10 setifiket bilong ol. Bikman husat i bin stap wantaim ol studen na pipel bilong Tambul long dispela taim em Nesenel Kot jas bilong Hagen, Jastis Woods.

Jastis Woods i tokim ol studen, "Ol gret 10 studen husat i no kisim ples bilong go moa long skul i mas wok long komyuniti. Na helpim long kamapim gutpela laip na sindaun bilong olgeta pipel. Olsem bai yumi olgeta i ken amamas wantaim long rot Papua Niugini i bihainim long en."

Em i tok dispela kantri i pulap long ol kain kain samting. Tasol yumi yet i bagarapim ol. Ol pipel i pretim ol arapela manmeri, ol hauslain i pait nabaut na planti hevi. Dispela kain ol samting i pasim ol gutpela wok long go het.

Na wanpela lain husat i save kisim bikpela taim em ol skul. Ol skul i pas na ol sumatin i no lainim samting. Em i tok long wanpela kantri long go het, i mas gat oda, lo na rispek long lo.

Em i bin tok kliia long ol studen olsem skul i no rot bilong go painim gutpela wok tasol. Nogat. Skul i olsem rot bilong gutpela laip na bodi.

Jastis Woods i skruim las toktok olsem ol studen i no ken lus tingting long ol pasin tumbuna. Ol i mas bihainim yet long helpim Papua Niugini i kamap gut.

Baro vokesenel senta i bilong Vanimo wes kos, Wunum


LONG dispela yia, 15 gret 6 sumatin tasol bilong Baro komyuniti skul bai go long haikul. Na olgeta arapela bai go bek long ples.

Tasol eking seketeri bilong Edukesen long Sандаun, Ignas Wunum i ting dispela i no tru. Wunum em kodineta bilong olgeta vokesenel skul tu long provins. Long wanem i gat wanpela vokesenel skul i stap bilong helpim ol dispela lain sumatin husat i no inap go het na kisim moa save.

Em i toktok long Baro vokesenel senta. Na em laikim olgeta papamama long salim ol pikinini bilong ol i go skul long hap. Na ol i ken lainim ekonomik. Dispela em skul bilong lainim long gutpela kaikai na lukautim famili.

Wunum i mekim dispela toktok long taim em i pasim 1991 yia bilong Baro komyuniti skul long Trinde, 11 Desemba.

Em i tok, "Vokesenel skul i bilong givim sars long ol pikinini husat i lusim gret 6, gret 8 na gret 10 long go het wantaim skul bilong ol."



Pinis long Kokopo haikul...Ol tripela yangpela ya, Relvie, Elsie na Shirley i holim karamap setifiket bilong ol. Ol i pinisim gret 10 long Kokopo haikul long Rabaul. Dispela em i namba 17 gret 10 greduesen na 149 studen i kisim setifiket. Foto: Andrew Yeninen.

TU MINIT TINGTING

ATING YU INAP SENISIM TRIPELA KING?

"Olgeta king bai brukim skru long em." (Sam 72:11)

TUDE yumi tingim stori long Matyu 2, we tripela king o save-man i kam long longwe rot bilong adorim pikinini Jisas.

Long wanpela haikul ol studen i laik wokim wanpela pilai bilong soim stori bilong Krismas. Klostu olgeta samting bilong pilai i redi pinis, tasol dairekta bilong pilai i painimaut olsem: em i bin lus tingting long tripela king i mas kam insait long stori. Bai em i stretim dispela asua olsem wanem?

Nau wanpela gutpela aidia i kamap long kru bilong dairekta. Em bai mekim olsem: em bai ring long telipon long tripela pipel, na askim wan wan long kisim ples bilong wanpela king long pilai. Tripela i no mas pasim spesel klos. Tasol wan wan i mas bringim wanpela presen i gat spesel mining long laip bilong em. Na em i mas tokim ol pipel bilong wanem em i bin bringim dispela spesel presen i kam.

Orait, namba wan nupela king em i wanpela maritman i gat 5-pela pikinini. Em i holim wok insait long taun kaunsil. Em i bringim tupela stik bilong wokabout i kam, na stori bilong em i go olsem: "Sampela yia i go pinis, mi bin kisim bikpela bagarap. Wanpela bikpela trak i bamim ka bilong mi. Inap planti mun mi slip long haus sik, na ol bun bilong tupela lek bilong mi i bruk. Mi pret bai mi no inap wokabout gen. Tasol mi mekim, mekim wantaim dispela tupela stik wokabout inap long planti wik, na nau mi save wokabout gut gen. Long dispela taim bilong yusim tupela stik wakabout, mi bin kisim nupela save na mi bin senisim tingting bilong mi. Nau mi save yusim gut olgeta wan wan de, na mi save tenkyu long God long olgeta liklik gohet bilong mi. Mi presen

long tupela stik wokabout bilong tenkim God."

Nau wanpela mama i kamap. Tasol em i no inap kisim ples bilong king; em i kisim ples bilong kwini. Dispela mama i gat tupela pikinini. Presen bilong em i wanpela mekpas i pulap long ol nepi na klos bilong bebi. Na em i stori olsem: "Pastaim mi wanpela savemeri bilong penim olkaim piksa na mi holim gutpela wok tru. Tasol mi marit na man bilong mi i tambuim mi long go long wok. Em i laik mi mas lukautim haus tasol. Mi bel nogut. Tasol nau mi karim tupela bebi na tupela i nidim mi; na laip bilong mi i gat mining gen. Tasol tupela ya i groap, na wantaim moa laip bilong mi i no gat mining.

"Nau mi save go long pri-skul olgeta de na skulim ol liklik sumatin long pasin bilong mi, na

amamas i kam bek insait long laip bilong mi. Mi bringim nau ol dispela klos bilong bebi i kam bilong soim olsem: ol bebi yet i bin givim mining long laip bilong mi."

Namba tri "king" bilong dispela pilai em i wanpela dropout. Em i presen long wanpela lip pepa i no gat sampela rait antap long en. Em i putim dispela pepa klostu long liklik pikinini Jisas na em i tok olsem:

"Tupela han bilong mi i emti. Mi no gat wanpela presen bilong givim long yu, liklik Jisas. Insait long bel bilong mi, mi driman long kamap bikpela man. Laip bilong mi i no gat mining. Bel bilong mi i pulap long olkain askim na wari. Mi no save bai mi mas mekim wanem samting. Laip bilong mi i wankaim olsem dispela pepa nating; i no gat wanpela samting i stap long en.



FRANK MIHALIC I RAITIM

Mi askim yu long givim stia long laip bilong mi. Bel bilong mi i redi long harim toktok bilong yu, olsem dispela hap pepa i redi long man i ken raitim sampela tok antap long en."

Olsem tasol na tripela pipel ya i bin kisim ples bilong tripela king long stori bilong Krismas. Sapos yu laik kisim ples bilong wanpela dispela tripela "king" long stori, bai yu bringim wanem presen i kam? Na bilong wanem yu bringim dispela presen? Orait, nau yu tok.

Ol meri Magarima i wok bung nau Vunadirdir na Raluana i gat nupela haus sik

NUPELA Magarima Distrik Wimens Kaunsil i kamap pinis long Sauten Hailans provins.

Dispela yia long 1991 em i namba wan taim bilong wanpela grup olsem bilong ol meri long kamap Margarima eria bilong provins.

Long Tunde Septemba 3, 1991 ol meri bilong Margarima distrik i holim namba wan kibung bilong ol. Moa long 20 wimens grup i kamap long kibung ya. Na namba bilong wan wan meri husat i kamap long dispela kibung i kamap long 123 olgeta.

Insait long dispela kibung ol i paitim toktok long developmen bilong ol meri, na tu ol i makim ol lida bilong lukautim opis. Ol i makim Misis Margaret Wabila olsem presiden, Tugume Kiliba olsem vais presiden, Alice Balus olsem tresera, na Margaret David olsem seketeri.

Ol dispela meri bai lukautim opis stat long 1992. Long makim maus bilong ol dispela nupela lida, presiden Margaret Wabila i tok bikpela tenkyu long ol meri husat i go pas long ranim dispela grup bilong ol

meri, na tu long makim em olsem nupela presiden.

Wabila i tok wok bilong presiden em i hatpela wok tru. Na dispela em i namba wan taim bilong em long holim dispela bikpela sia. Tasol em bai traim long holim dispela wok, na lainim ol arapela nupela samting.

Wabila i askim helpim bilong olgeta meri long wok bung wantaim, na strongim dispela grup bilong ol.

Wabila i tokaut long ol meri long Margarima Distrik Wimens Kaunsil olsem planti wok developmen i kamap pinis long provins na kantri tu. Na ol meri i gat rait long toktok, na i go pas long sampela wok developmen bilong Papua Niugini.

Em i askim tu ol manmeri long arapela hap husat i laik givim sampela gutpela tingting o helpim long ranim dispela grup long rait i go long dispela adres:

Margarima Distrik Womens Council, C/-Distrik Office Margarima, MENDI-SHP

OL mama i gat bel insait long Vunadirdir na Raluana Komyuniti gavman eria long Is Nu Briten provins bai i gat nupela haus sik bilong karim pikinini. Dispela bai joinim long Tapipipi haus sik i stap pinis long en.

Long pastaim ol mama long dispela hap ples i laik karim pikinini i save go long ol bikpela haus sik long taun. Tasol nau ol i gat wod bilong ol yet.

Nesenel memba bilong Gazelle, Smael Manikot i bin givim K13,000 i go long mekim dispela nupela wod o rum bilong ol mama i karim bebi.

Mista Manikot i givim mani ya na askim ol manmeri long lukautim gut ol dispela samting. Olgeta manmeri i mas pilim olsem em i samting bilong ol na lukautim gut. Ol i mas was

gut tu long sindaun bilong ol wokman na lukautim gut ol samting i stap.

Seketeri bilong Provinsal Afeas, Kepas

Wantagia i stap long dispela taim tu, na askim ol yangpela long helpim ol lida long lukautim gut ol samting bilong dispela haus sik.

Tapipipi haus sik i save sevim ol manmeri bilong Vinadirdir, hap bilong Raluana na Toma Komyuniti gavman eria.



Mista Smael Manikot long lephan i givim K13,000 sekmani long Slaman bilong Tapipipi Helt Senta Bod, Mista Dissan Killion. Dispela mani bal inap long balm marasin na ol arapela samting bilong haus sik.


Ileksen De bilong Papua Niugini, Me - Jun 1992

Gavana Jenerel bilong Papua Niugini i tok orait long dispela taimtebol:

Givim ol Pepa bilong	Vot 4 klok apinun	26 Mas, 1992
Ol Nominesen i pas	12 klok (belo)	24 Epril, 1992
Stat long Kaunim ol	Vot	13 Jun, 1992
Pinis long Kaunim ol	Vot	27 Jun, 1992

POTO BILONG OL KENDIDET

Olgeta lain husat i laik resis long Namba 5 Nesenel Palamen Jenerel ileksen long 1992 i mas salim tupela poto i kam hariap. Dispela poto i ken kala o blak na wait tasol. Na bikpela bilong ol poto i mas wankain olsem dispela i save stap long paspot (tok orait buk bilong go long ovasis). Olgeta nominesen bai pas long 24 Epril, 1992. Olsem na salim ol poto i kam pastaim long dispela de.



Authorised by Reuben Karulo, Electoral Commissioner Papua New Guinea

Raitim nem long baksait bilong ol poto. Na salim i kam long dispela adres:

Electoral Commissioner, Electoral Commission, P.O. Box 5348, Boroko, National Capital District.

Salim tu ol negetiv bilong poto i kam.

Putim long nem bilong: Mista Michael Malabag

OL PABLIK SEVAN MAS LUSIM WOK

Husat Pablik Sevan i laik resis long ileksen i mas lusim wok bilong em pastaim long 25 Septemba, 1991. Long wanem dispela bai givim em sans bilong aplai gen long wok sapos em i lus.

Kisim moa tok save long Mista Malabag long telipon namba 25 9110.

9th. South Pacific Games

For the Record...

...Men's Athletics



Event	Gold	Silver	Bronze
100 m	Ezekiel Wartovo (PNG)	Takale Tuna (PNG)	Jone Delai (Fiji)
200 m	Takale Tuna (PNG)	Anare Raqiqia (Fiji)	Subul Babo (PNG)
400 m	Subul Babo (PNG)	Takale Tuna (PNG)	Baobo Duaba (PNG)
800 m	Baptiste Firiam (Van)	Pateresio Ranuku (Fiji)	Uraia Koroi (Fiji)
1500 m	Davendra Singh (Fiji)	Pateresio Ranuku (Fiji)	Anil Kumar (Fiji)
5000 m	Davendra Singh (Fiji)	Tawai Keruan (Van)	Binesh Prasad (Fiji)
10000 m	Alain Lazare (NC)	Binesh Prasad (Fiji)	Ashok Kumar (Fiji)
Marathon	Binesh Prasad (Fiji)	J-M Boulanger (NC)	Tim Omundsen (PNG)
20 km Walk	Caleb Maybir (Fiji)	Pramesh Prasad (Fiji)	Joe Kaikai (PNG)
3000 m S/C	Davendra Singh (Fiji)	Moses Z Khan (Fiji)	Ancel Nalau (Van)
110 m Hurdles	Wille Fong (WS)	Albert Chambonnier (NC)	Albert Miller (Fiji)
400 m Hurdles	Baobo Duaba (PNG)	Kaminiel Selot (PNG)	Albert Chambonnier (NC)
4 x 100 m	Papua New Guinea	Fiji	Tonga
4 x 400 m	Papua New Guinea	Fiji	Tonga
Long Jump	Gabriel Qoro (Fiji)	Robert Tupuhoe (Tah)	Ikani Taliai (Ton)
Triple Jump	Steeve Druminy (NC)	Apolosi Foliaki (Tah)	Eliesa Latu (Ton)
High Jump	J-B Fuller (NC)	Jale Waivure (Fiji)	J-L Mu Kwai Chuan (Tah)
Pole Vault	Thibault Cattian (Tah)	J-L Mu Kwai Chuan (Tah)	Nizie Feleu (WF)
Shot Putt	Jean-Pierre Totele (NC)	Gordon Barff (Tah)	Victor Lakafia (NC)
Discus	Gordon Barff (Tah)	J-P Totele (NC)	Frederick Morgan (AS)
Javelin	J-P Lakafia (NC)	S-P Siselo (WF)	F. Fakataulavelua (WF)
Hammer	Soane Lakafia (NC)	Topie Suve (NC)	Frederick Cassier (NC)
Decathlon	Albert Miller (Fiji)	Nizie Feleu (WF)	Homelo Vi (Ton)

Photographs supplied by John Pangkatana

CAMBRIDGE

A Major Sponsor

will continue to bring you highlights of the 9th. South Pacific Games.

NOKEN PEIM MOA LONG OL STOA!



10t



10t



10t



10t



5t

"NAU 63% BIKPELA MOA!"

Sapos ol askim moa...go long narapela stoa!

HRD 12286

Kaunsil laikim Amerika bomim Irak

AMERIKA i mas bomim gen Irak bilong rausim olgeta marasin na bom nogut bilong pait em i stap hait yet long hap.

Siaman bilong wangepela haus pait sevis, Lee Aspin i mekim ol dispela toktok long Fraide, 13 Desemba, 1991.

Aspin i tok Presiden George Bush bilong Amerika i save toktok tasol na bihain lusim tingting. Em i tok Bush i bin givim strongpela tok lukaut long Irak olsem em bai bomim na bagarapim yet ples. Sapos Saddam Hussein wantaim ol lain bilong em i no givap long ol samting bilong pait.

"Dispela i givim tasol sans long Hussein long go het na resis long wokim ol nuklia bom na marasin nogut bilong pait," Aspin i tok.

"Em i taim nau bilong tingting long wanem skul tru bilong givim long Saddam Hussein."

Etpela inspekta bilong Yunaited Nesens bilong go sekap long Irak long ol bom na marasin nogut i painim hat. Bikos long sampela hap, Irak i tambuim ol dispela lain long lukluk raun.

Na dispela i soim ples kliia olsem "Irak i gat sampela hap bilong wokim ol nuklia bom na marasin nogut bilong pait i stap pinis". Na ol i wok long haitim dispela long ol inspekta bilong lukim.

Em i tok Amerika i mas tok save nau long Irak olsem, sapos em i no larim ol Yunaited Nesens inspekta i sekap long olgeta



Protes long praim minista...Wangepela plismeri i stapim dispela meri husat i protes egens long praim minista bilong Saina, Li Peng taim em i go lukluk raun long India las wik Fraide. Dispela meri wantaim ol arapela i protes bikos Saina i bin tekova long kantri bilong ol. Na planti bilong ol dispela lain i stap nau long India.

samting, em bai salim ol woa balus i go bomim Irak gen.

"I luk olsem wangepela samting tasol long pulim ai bilong Saddam Hussein em strongpela pawa. Ol samting bai karim kaikai sapos toktok i go pastaim na pawa i kamap bihain," Aspin i tok.

Dispela i min ol tok-

tok na taim wantaim. Na dispela ol strongpela toktok i mas sut long:

SALIM ol woa balus na helikopta i go bek long Galp bilong Pesia.

STATIM gen ol balus long patrol raunim Bagdad.

GIVIM TOK LUKAUT long Irak olsem sapos em i no bihainim laik

bilong Yunaited Nesens, Amerika bai bomim ol gavman opis, kem bilong ol ami, ol wailis na ples bilong salim na kisim toktok, ol fektori em ol i ting wok bilong bom na marasin inap kamap long en, na ol narapela ami kem na haus em i no bagarap long taim bilong Operesen Deset Stom.



Isrel rausim ol Palestin...Dispela meri Palestin i singaut na soim han long ol yangpela man Juda. Dispela ol man i go Insait long haus bilong em long Silwan. Ol Juda i bin kisim 5-pela haus bilong ol Arab long dispela taim.

Kibung rausim tingting bilong holi woa wantaim ol Isrel

KIBUNG bilong Dakar Islamik i kamapim birua namel long Isrel na Jihad. Ol kibung olsem long bipo i save askim Jihad long sevim graun bilong Arab em Isrel i stap long en. Na tu long Is Jerusalem na ol arapela Muslim eria.

Tasol sampela mausman bilong Dakar i askim Palestain Libresen Oganaisesen (PLO) long lusim ol kain kibung olsem. Bikos Arab i stat long bung gut na toktok wantaim Isrel pinis.

Siaman bilong PLO, Yaser Arafat i kamap long

kibung bihain. Olsem na em i no gat sans long go pas bilong dispela kibung na toktok.

Ripot i kamap long kibung i tok ol i laik bungim Isrel long ol hap bilong Palestain na Arab em Isrel i stap long en long 1967 yet i kam inap nau. Ripot ya i no kolim nem bilong Jihad. Tasol em i tok bai ol i yusim wanem kain pawa ol i gat long lusim Isrel long ol dispela hap.

Hevi bilong Galp woa i bin bagarapim ol samting pinis long hap we i senisim tu gutpela tingting.

OL LIKLIK NIUS

Marasin na kaikai go long ples i bagarap

□ **HONIARA:** Ol imejensi disasta grup bilong Australia, Nu Silan na Amerika i stap wok nau long Westen na Amerika Samoa. Ol i helpim ol pipel long hap husat i bin kisim bagarap taim bikpela win na solwara (Saiklon Val) i bruk long kantri bilong ol.

Ripot bilong bomim balus bilong Amerika i no tru

□ **TRIPOLI:** Libia i autim tupela sekyuriti man i kamap ples klia bilong toktok wantaim ol ripota bilong ol arapela kantri. Bikos bikpela tokwin i stap olsem dispela tupela man i bin bomim wanpela balus bilong Amerika long graun bilong Skotlen long 1988. Tupela i kamap nau long ai bilong Suprim Kot. Sapos dispela sas i tru, ol bai kilim tupela.

Tupela kalabus i go fri gen long Saut Afrika

□ **JOHANESBEG:** Saut Afrika i rausim gen wanpela man na meri long kalabus bilong stap inap ol i dai. Plis i bin sasim tupela long kilim deputi primia bilong liklik taun, Sapvil long 1984. Tupela ya em Reid Mokoena husat i gat 29 krismas na Theresa Ramashemola, 31 krismas. Kot i bin kalabusim 6-pela man na meri. Na nau i gat tupela tasol i stap kalabus yet.

IRA bomim 16 pipel

□ **LONDON:** Bom i bin pairap insait long wanpela ka na bagarapim 16 pipel bihain long wanpela plis stesin long Kraigavon long Noten Ailan. IRA i tok ol i bin putim dispela bom.

Isrel painimaut long wanpela grup nogut



• Nicholas Ratliff husat i gat tripela mun bihain long mama i karim em. Em i slip i stap long haus bilong em long Oneida, wanpela siti long Amerika taim paia i kamap long haus bilong em. Piksa i soim wanpela wokman bilong paia i helpim em i kam daun long lata long haus bilong em.

ISREL i bilip olsem grup husat i holim pasim ol Westen pipel i Berut i bomim sampela hap bilong Yurop. Nem bilong dispela grup em Hezbollah.

Mossad, intelijen ajensi bilong Isrel i kisim dispela ripot long sampela lida bilong Irian.


Ripot i tok Hezbollah i redi pinis sampela ajen bilong em long Yurop. Dispela em long bagarapim na holim pasim sampela Juda husat i ranawe long Rasia, na i laik i go long Isrel na Amerika.

Sampela bilong ol dispela Yurop bai i go olsem long Yurop pastaim, na bihain bai ol i go long Amerika o Isrel. Olsem na Hezbollah i laik putim was long ol long ol dispela kona.

Dispela em wanpela bikpela painimaut tasol long wok bilong ol Hezbollah, husat i gat nem long holim pasim sampela Westen pipel.



Bred bilong mi...Dispela yangpela boi bilong Albania i holimpas strong tru bred em i kisim long Fraide, 13 Desemba. Dispela em bihain long em i bin sanap long lain inap long 5 aua olgeta.



• Wendy Beard i gat 21 krismas. Na em i wanpela bilong ol 180,000 yangpela man-meri husat i slip nabaut long strit bilong Britis. Nau bikpela askim i kamap long wanem gutpela rot bai yumi inap helpim ol dispela yangpela long dispela krismas.



Tingim yet dispela bris...Ol lapun paitman bilong Wol Woa 2 i kam bung wantaim long wanpela bris long Kota Baharu long tingim woa bilong Malaya. Ol lapun i kam long Inglan, Australia na Japan.



• Rasia i sot long kaikai long dispela yia. Na planti bisnis man i no mekim profit long bisnis. Dispela piksa i soim wanpela strit sela i supim ol apal insait long trausis bilong wanpela soldia boi long bikpela siti bilong Rasia, Mosko.

Tokples Kote bungim yu na mi

Dia Edita,
Planti taim mi save lukim ol komplem i kamap long pas seksen bilong dispela niuspepa long tokples Kote. Sampela pas i komplem long rausim tokples Kote.

Mi ting i no gutpela long rausim dispela tokples. No gat wanpela man inap long rausim tokples Kote na Jabim.

Opim ai na putim yau na harim. Long Julai 12, 1886 i kam inap long 1942, yu no save long mi, na mi no save long yu. Kote na Jabim i bungim mitupela. Na tu mi lukim pes bilong yu, na yu lukim pes bilong mi.

Olsem na no ken komplem nating long tokples Kote.

**Zinga Mela
MOSBI**

NCDC mas stretim Godens maket

Dia Edita,

Mi laik askim nau NCDC long mekim sampela samting long stretim bikpela maket long Mosbi siti, Godens maket.

Mi laikim NCDC i skelim ol dispela tingting bilong mi:

1. Putim tambu long salim buai long Godens maket. Na kirapim wanpela maket ausait long Mosbi siti we ol manmeri i ken go salim na baim buai long hap. Dispela bai helpim Mosbi siti long luk klin. (Sampela senta olsem Madang i mekim dispela pinis. Na taun bilong ol i luk

gutpela tru. Mi no lukim wanpela as we NCDC i no inap long bihainim.

Narapela samting em buai bisnis i save kamapani planti pait long dispela maket. Olgeta de pait i save kamap long hap. Mekim na ol mama husat i save salim ol arapela kaikai i save ranawe nambaut wantaim ol pikinini, na lusim kaikai bihain.

2. Namba tu samting em taimol wokman i pasim dua bilong maket ples insait long banis, ol manmeri i save go maket ausait longmaket namel long tupela haus

maket ya.

Dispela em i gutpela. Bikos ol manmeri husat i wok yet na i no kamap hariap i ken baim sampela kumu na samting olsem bilong karimi go long haus.

Tasol wanpela samting irong em ol ka i save ran i go insait long hap gen. Ples i save pas pas tru na kar i save go insait. I no long taim bai ka i kilim wanpela man long hap. Na dispela i ken kamapim bikpela pait we planti manmri i ken lusim laip.

Yupela save pinis olsem ol Tari i save pulap long dispela

hap ya. Na wanpela liklik trabel em ol i ken mekim i go bikpela tru.

Olsem na mi laikim bai yupela i putim tambu long ol ka i ran i go insait long dispela liklik rot namel long tupela hausmaket ya.

Wokim bikpela ples bilong stapim ka arere long tupela maket, na pasim rot long namel bilong ol manmeri i wokabout i go i kam long maket na stua.

**John Matu
GODENS-MOSBI**

Ol meri Madang gat rait

Dia Edita,
Mi wanpela manki AIGOB long Madang provins, tasol nau mi stap long Lae siti insait long Morobe provins. Mi laik bekim pas bilong brata ya, Samson Wea. Pas bilong em i bin kamap long Wantok Niuspepa bilong Fonde Desemba 5, 1991.

Brata ya i tok ol meri Madang i save raun, painim ol man long olgeta kona bilong Madang taun.

Mi ting sapos ol meri Madang i mekim olsem, em i taun bilong ol. Na ol i gat rait long mekim wanem samting ol i gat laik long en. Na yu manki bilong narapela provins i no gat rait long komplem long ol.

Ol meri Madang i no olsem ol meri Sauten Hailans, husat i save painim man long olgeta kona bilong Sauten Hailans.

**Jacob Saea
LAE**

Maski soim ol pipel long yupela yet

Dia Edita,

Mi laik toktok long ol pasin em sampela yangpela manmeri i save mekim. Dispela em long soim ol pipel olsem ol i moa yet tru. Na bai traim long holim pasim ai na tingting bilong ol arapela pipel.

Mi save trau. tru long ol kain lain olsem ya. Yupela olgeta dispela kain lain i mas go kalap long sowlara, na bai bikpela sak i kaikaim yupela.

Traim na soim rispek bilong yupela

long ol arapela pipel. Stap isi bai ol pipel i luksave long wanem samting yupela i mekim. Na no ken pusim ol long luksave long yu.

Yupela ol dispela kain lain i no gat tru wanpela gutpela tingting bilong het bilong yupela.

Mi tok pinis long antap, yupela olgeta bai indai ya. No gat sem bilong yupela.

**Paul Maku
BOROKO**

Tingim insait tu

Dia Edita,

Mi laik toksave long yupela olgeta brata na susa olsem yupela no ken bilasim nating ausait long bodi bilong yupela. Yupela i mas bilasim insait, long bel bilong yupela tu.

Sampela taim bai yumi lukim ol sampela meri i luk nais tru long ausait tasol long insait long bel bilong ol i doti tru.

Olsem na mi laik toksave long yupela olsem dispela graun i pulap long ol kain kain doti pasin. Na mi laik askim yupela long opim Baibel long I Timoti sapta 2 lain 9, na lukim bai yu save long wanem samting mi toktok long en.

**Peter Kuni
KOKOPO**

Moa sapot long rausim Wewak taun setelmen



Dia Edita,

Mi amamas long wanpela pas em i bin kamap na komplem long rausim olgeta setelmen insait long Wewak taun.

Dispela em wanpela bikpela samting mipela i mas lukluk long en. Sapos dispela komplem bilong ol lokol viles long Wewak taun eria i karim kaikai, ating Wewak bai i kamap gen olsem wanpela gutpela ples blong raun.

Na tu planti turis bai i go insait long provins. Na dispela i ken bringim moa mani i go insait long provins, planti wok bai i kamap, na stended bilong ol pipel bai goap.

Yupela ol pipel long ol setelmen i mas tingim na helpim mipela. I tru olsem yupela i painim hat long go bek long ples. Tasol yupela i mas save olsem ples em bikpela samting.

Stap long ples na kirapim sampela kain wok we yu ken kisim mani. Mi ken tokim yupela olsem laip long taun i no gutpela tru.

Mi askim nau sapos yupela olgeta i ken go bek long ples bilong yupela.

**Steven Warasua
Yangoru-ls Sepik**

Lo helpim ol hambak marit meri

Dia Edita,
Mi laik tok olsem gavman bilong Papua Niugini i mas putim wanpela lo long stapim bikhet pasin bilong ol marit meri. Nau mi lukim olsem ol

meri i save amamas olgeta taim. Ol i save kotim man bilong ol nating.

Taim ol liklik kros i kamap namel long ol marit, ol meri i save giaman na kotim man

bilong ol long viles o distrik kot. Na ol man i save westim nating bikpela mani tru long baim ol kot.

Dispela em long wanem taim ol meri i go long kot, ol mejistret

i no save bilipim stori bilong ol man. Ol i save bilipim tasol stori bilong ol meri na mekimsave long ol man.

**Locks Hebino
GOROKA**

Stretim haus bilong ami na plis fos

Dia Edita,

Mi lukim olsem ol plisman na ami i no mekim gut wok bilong ol. Nau mi lukim planti hevi i kamap, bikos planti bilong ol dispela ami na plisman i save joinim ol arapela yangpela manki long strit na mekim raskol pasin.

Gavman i mas lukluk long stretim gut haus bilong ol plisman na ami. Bikpela bilip i stap olsem ol soldia boi na plisman i stap nambaut long ol setelmen. Olsem na ol i no mekim gut wok.

Ol ami na plisman mas i stap longwe long ol arapela manmeri. Sapos gavman i no mekim wanpela samting hariap, planti hevi bai kamap yet. Na tu ol manmeri bilong Papua Niugini bai stap olsem ol tumbuna bilong yumi long bipo.

Long taim bilong kefiu o taim tambu na ol arapela operesen, mi save sapotim wok bilong ol ami na plis-

man.

Tasol taim nating mi no sapotim ol. Bikos mi lukim planti bilong ol i bagarap pinis. Ol i paul tru long wok bilong ol na joinim ol raskol manki long strit, na kamapim sampela stil pasin wantaim.

Mi bai amamas long lukim ol ami na plisman i wok bung wantaim long lukautim kantri bilong yumi. Planti taim yumi save harim pasin bilong bagarapim meri, brukim stua na kilim man i kamap. Tasol husat bai stapim ol dispela hevi. Gavman wantaim dispela tupela dipatmen bilong em i mas lukluk long gutpela rot bilong stretim dispela hevi.

Hia em sapot bilong mi na yu husat i laik bekim o mekim wanem samting long dispela pas em wari bilong yu.

**Moge Katep
BOROKO**

Maski apim nem bilong ol meri Sepik tasol

Dia Edita,

Mi wanpela manki Makam long Lae, Morobe provins. Mi laik bekim pas bilong brata David Mel Melo em i bin kamap long Wantok Niuspepa bilong Fonde Oktoba 3, 1991.

Pas bilong brata ya i gutpela. Tasol mi no wan bel long tupela samting em i toktok long en.

(1) Em i tok olsem ol meri Sepik save dres ap olsem ol angilo stret bilong heven. Na katim lewa bilong planti yangpela manki long ol arapela hap. Em i gutpela long promotim ol yangpela meri bilong yu, i no gat samting i rong.

Brata mi laik tokim yu olsem, ating yu yet i bin lukim ol meri bilong yupela na kus pundaun long ol. Planti man long Papua Niugini i no longlong olsem yu. Olgeta man i save olsem yu gat laik long ol meri bilong yupela, na yu laik giaman long supim tok long ol arapela man.

(2) Brata yu bin toktok long mangro, kating, na ples Sepik. Olgeta dispela samting yu bin promotim, na tu long nem bilong yu. Gutpela, na olsem wanem sapos ol i kolim yu kating?

Ating mobeta bai yu laikim moa yet bikos ol tumbuna bilong yu i savaman bilong kating.

Na tu yu tok Sepik i stap na Papua Niugini i stap. Brata ating yu wanpela pipia bilong ol Sepik.

Yu mas tingim olsem i no Sepik tasol, olgeta ples insait long Papua Niugini. Mi laik askim yu long tanim toktok bilong yu gen. Yu i mas tok olsem Papua Niugini i stap na Sepik wara. Na maski long paulim toktok nambaut.

Em tasol bekim bilong mi long brata Melo. Brata mi paul long nem bilong yu. Yu bilong Sepik o Papua, nogut yu putim skin nating long nem Sepik.

**Nasa Ala Philip
LAE**



NEM: Hepsy A. John
KRISMAS: 17
ADRES: Box 731, Rabaul, ENBP.
HOBIS: Mi save amamas long singim na harim ol lotu singsing, mekim Baibel stadi, ritim ol gutpela buk na raitim leta.

NEM: Kason Manaseh
KRISMAS: 20
ADRES: Kamngs Camp, Box 202, Bulolo, Morobe Province.
HOBIS: pilai soka, ritim ol buk, raitim leta, bungim ol pren na harim ol singsing bilong waitman.

NEM: Verson Kelopas
KRISMAS: 20
ADRES: Box 202, Bulolo, Morobe Province.
HOBIS: Mi save amamas long pilai soka, ritim ol gutpela stori buk, raitim leta, lukim ol pren na harim ol musik kaset bilong waitman.

Gavman mas oraitim "copyright" lo

Dia Edita,
 Mi laik sapotim wanpela pas em i bin kamap long bipo long gavman i mas oraitim "copyright" law. Mi sapotim tru olgeta toktok bilong dispela pas. Dispela em wanpela eria gavman i mas lukluk nau.

no gat wok na i save stap nating. Na dispela em wanpela gutpela we bilong ol long mekim mani.

Oisem na sapos gavman i oraitim dispela lo, em i ken givim moa wok long planti yangpela manmeri long musik industri.

Musik Industri i ken givim moa wok long ol manmeri long helpim daunim hevi bilong i no gat inap wok, na raskol pasin long kantri.

Kantri i soim pinis olsem em i gat ol top musik man na meri. Wantaim gutpela helpim bilong ol musik studio insait long kantri, Papua Niugini i gat nem nau long musik.

Mipela i no save long wanem as na gavman i no oraitim dispela lo yet. Sapos i gat sampela samting i rong yet long dispela orait, mipela i laikim gavman long toksave long mipela.

Planti yangpela manmeri i stat katim kaset nau wantaim ol studio. Planti bilong ol dispela manki i

**Thomson Parani
 RABAUL**

No ken bagarapim bodi long buai, smok na bia

Dia Edita,

Mi laik egensim ol manmeri i save dring bia, smok na kaikai buai na daka. I no gat wanpela gutpela samting

i stap insait long buai na smok.

Mi laik tokim ol kain i kisim ol dispela samting olsem buai i bagarapim tit na maus bilong yupela, smok i

givim yupela kensa, na wokim maus bilong yupela i go blek, na bia i mekim bel bilong yupela i solap.

Ol dispela samting i bagarapim skin bilong yupela, tasol yupela i save westim bikipela mani tru long en.

Mani bilong lukautim famili na wokim bisnis em yupela yusim nating long baim ol dispela ol samting.

Oisem na i gutpela yupela i lusim smok na

buai.

Long Baibel Jisas i tok "Bodi bilong yupela em haus holi bilong mi. Na husat i bagarapim dispela haus holi bilong mi bai mi kotim em." Sapos yu ting mi giaman orait yu sekim Baibel bilong yu long I Corinth 3:17, Galatians 5:21, Roman 13:13 na Luk 21:34

**Morex Wiwe
 LAE**

Moa komplek long trausis

Dia Edita,
 Mi no wan bel long ol meri i putim trausis bilong ol man. Mi bai amamas sapos ol meri i luksave long trausis bilong ol yet na putim.

Nau yet mi lukim planti yangpela meri na mama tu i save paul long trausis bilong ol man na meri. Na ol i save mekim nambaut long wanem trausis ol i lukim.

Mi yet i bin lukim dispela pasin olgeta taim na mi no wan bel. Ol man i save komplek bikos sampela meri i save putim trausis bilong ol man na i no luk gut.

Sapos mi wanpela meri bai mi askim ol stuakipa long trausis bilong ol meri we, na bilong ol man long wanem hap.

Askim na yu bai i no inap sem long bihain taim, sapos yu putim trausis bilong ol meri stret.

**Steven K Umba
 MOSBI**

Lukautim Kavieng maket

Dia Edita,

Taim mi raun long bikipela Kavieng maket, mi save lukim ol manmeri i kukim ol pis na kam salim long maket. Em i gutpela tasol, wanpela samting em ol blu lang i save stap long pipia dram na bihain i go sindaun long ol kaikai long maket.

Na tu ol pipia dram i save stap klostu tru long ol kaikai, na i save smel nogut tru. Bikos long dispela na mi no save baim pis, bikos mi no save em smel bilong pipia dram o smel bilong ol pis.

Dispela kain pasin i luk olsem yumi yet i laik pulim sik i kam insait long yumi. Na yumi mas lusim dispela kain pasin na traim long klinim dispela maket na lukautim yumi gut. Noken givim hatwok long ol wokman bilong taun. Dispela bai givim sik tu long ol.

**Koite Wape
 KAVIENG**

No ken votim ol bisnisman long 1992 ileksen

Dia Edita,
 Mi laik sapotim pas bilong brata Camellos Gidison. Pas bilong em i bin kamap long Wantok Niuspepa long sampela taim i go pinis. Brata ya i tok

yumi ol manmeri bilong Papua Niugini i mas tingting gut na votim ol kendidet long 1992 ileksen.

Gidison i tok planti bisnisman i tingting long sanap long ilek-

sen. Em i tok ol i gat kain tingting olsem bilong mekim bisnis i go bikipela, na sindaun long gutpela haus bihain taim. Brata mi givim bikipela sapot tru long toktok bilong yu.

Em i tok taim ol i kamap long palamen ol bai sindaun long dak glas ka wantaim bikipela lip stik meri, raun long balus, na pulapim poket bilong ol yet.

Mi sem nating long ol meri Sepik

Dia Edita,
 Mi wanpela manki Sepik tasol nau mi stap long Rabaul long Is Nu Briten provins. Mi stap gut long Rabaul taun tasol mi no save wan bel long ol meri wantok bilong mi i putim trausis na raun. Bikos ol i luk olsem pato stret.

Ol meri bilong arapela hap i luk gut long putim trausis. Yupela ol meri Sepik no gat tru. Sampela taim mi wokabout wantaim ol poroman bilong mi, mi pilim nogut stret. Bikos planti taim ol i save daunim nem na mi save sem nating stret.

Mi i no inap stapim yupela long putim trausis. Sapos trausis i luk gut long yupela em i orait. Na sapos no gat, maski lus tingting bikos wanpela taim ol man bai semim yupela long ai bilong ol arapela manmeri.

Mi save olsem wan wan man na ples i gat wan wan stail bilong dresing, tasol yumi i mas dres stret olsem ol arapela manmeri i ken lukim na amamas long yumi.

Plis maski long mekim sampela man i bel hat na kamapim sampela hevi.

**Ronald Les
 RABAUL**

Oisem na mi laik askim yupela olgeta manmeri long makim gut ol man long makim yupela long Haus Palamen. Nau yumi mas lukluk long ol grasrut man long makim.

Na ol bisnisman yumi mas putim baksait.

Oisem toksave tasol, tingting na save i stap long yupela ol wan wan manmeri bilong dispela kantri.

**Eron Mode
 BOROKO**

Gavman i no inap kisim moa ami nating

Dia Edita,
 Mi save lukim planti pas i komplek olsem gavman i mas kisim moa yangpela manki i joinim ami na plis fos. Bikos dispela em wanpela we bilong daunim raskol pasin. Long wanem ol yangpela manki i stap nating na i save kamapim raskol pasin,

em i kamap bikipela nau long kantri.

Gutpela tingting. Tasol mi laik klaiim tingting olsem gavman i kisim ol manki long mak bilong gret 10 samting bikos ol i mas save long rit na tok Inglis. Long wanem skul ol bai kisim long Inglis. Ol i no inap long go kisim ol

yangpela manki nating long rot o ples husat i no gat gutpela mak long skul. Sapos ol i no save gut long tok Inglis, olsem wanem bai ol i harim skul, na pasim tes bilong lainim kain kain samting olsem sut long sot gan?

Wanem samting mipela i mas klaiim em long gavman i

larim olgeta studen long gret 6 i go pinisim skul long gret.

Sapos dispela i kamap, ating dispela komplek bai i stret olgeta.

Tasol mipela i mas skelim tu olsem mipela i no inap kisim nating moa ami na plis fos.

Dia Edita,
 Mi laik toktok long sampela man husat i save

drink bia na sop stret. Dispela kain pasin i no gutpela tru.

Yupela i no ken larim bia i bosim yupela. Sapos yupela i pilim olsem yupela i fit orait, yupela i ken drink. Sapos no gat orait maski. Larim mani bilong yupela i stap long baim sampela gutpela samting.

Mi ken olsem bikos long ai bilong mi, sampela pipia man i drink wanpela o tupela botol

samting na spak hariap. I no longtaim ol i stat long singaut nambaut long ol yangpe a na marit meri.

Mi amamas tru olsem wanpela yangpela meri i lusim sket na bosim pens long ol. Man ol i mas pilim nogut tru ya.

Yupela save nau, em kas bilong ol Godens haiskul meri ya. Yu man tru yu kam kisim.

**Joyce Miriam
 Paga Hill**



Kas bilong ol Godens haiskul meri

Tarō na banana em bun tru bilong ol meri Wandumi

JOE KAU I raitim

OL taro na banana i kamap gut tru. Na planti arapela kaikai long gaden i kamap gut tu.

Na sapos yu salim ol dispela kain kaikai long Mosbi, bai yu kisim bikpela mani. Tasol dispela em i no namba wan tingting bilong ol lain husat i planim ol dispela kaikai. Namba wan tingting bilong ol em long givim gutpela kaikai long ol lain bilong wan wan haus bilong ol pastaim.

Dispela em stori bilong ol meri long Wandumi viles, klostu long Wau long Morobe provins.

"Mipela i save olsem sapos mipela i karim ol dispela kaikai i go long maket, mipela bai kisim sampela mani. Tasol maket long Wau bai pulap long

wankain kaikai. Olsem na mipela i no inap sasim bikpela mani tumas long ol dispela kaikai," sekeri bilong Wandumi Wimens Grup, Freda Kawi i tok.

Na dispela i no wanpela wok tasol ol meri Wandumi i save mekim. Nogat. Klostu wan wan famili insait long Wandumi i gat ol simen stov bilong kukim bred bilong kaikai na tu bilong salim long ol arapela.

Antap long dispela, ol i bin kisim skul long samapim ol klos. Na tu long mekim ol kain kain liklik samting olsem ol bilum bilong salim long ol arapela.

Ol meri bilong Wandumi i bin stap long wanpela skul long Wau Ekoloji Institut long 1981. Long kisim save long putim gutpela gris long gaden na

i go moa long pes 14



• Ol meri Madang i soim wanpela pilai bilong krismas. Ol meri i bin mekim olsem long wanpela "bung bilong ol meri" long 1 Desember, 1991. Dispela i bin las bung bilong dispela yia.

Bung bilong ol meri Madang

MARY - JEAN WASON I raitim

MOA long 180 meri i bin kamap long las "bung bilong ol meri" Madang. Bung i bin kamap long 1 Desember, 1991.

Long dispela yia yet, i gat 7-pela kain bung olsem i kamap pinis. Dispela ol bung i bin lukluk long ol kain samting olsem 'lidasip', 'hevi bilong dring', 'pasin paul' na 'bagarapim meri'.

Dispela ol bung i bin gutpela tru long ol meri. Bikos em i helpim ol long toktok wantaim long wanem samting ol i painim long laip na tingting bilong ol. Na em i givim tu sans bilong ol long lainim ol nupela rot bilong glasim na skelim ol samting nau i kamap long kantri.

Long dispela las kibung, ol i kukim kaikai na bringim i kam wantaim. Na 13 grup bilong ol meri i soim ol kain kain pilai na singsing bilong amamasim ol lain husat i kamap.

Ol meri Madang i save bung olsem long olgeta 6-pela wik bilong toktok long wanem samting i kamap nau long ol meri long kantri. Dispela bung i no kisim ples bilong ol wok em ol narapela wimens grup i mekim long Madang. Nogat. Dispela ol bung i helpim ol meri long bung wantaim, amamasim ol yet, luksave olsem olgeta arapela meri i gat wankain tingting na hevi na kisim ol gutpela tingting i go bek long ol wimens grup bilong ol yet long mekim samting i karim kaikai.

Ol meri husat i kamap long ol dispela bung i save kam long ol kain kain grup.



• Ol meri i soim ol kain samting em ol i planim long ol gaden bilong ol. I no ol taro na kaukau tasol, i gat ol gutpela flawa bilong bilas tu i groa long gaden.

Flai Riva ileksen i bilong ol wanblut

IAN KAKARERE I raitim

TUPELA brata i win long Flai Riva provinsal gavman ileksen long las wik. Tupela brata em Isidore na Philip Kaseng.

Philip Kaseng em haikul tisa na i win long 748 vot. Na dispela em i namba wan taim bilong em long go insait long wok politik.

Bikpela brata, Isidore em komyuniti skul tisa na i winim bek sia bilong em inap long 4-pela taim nau.

Wanpela mama na pikinini meri bilong em tu i sanap long resis. Tasol tupela wantaim i lus. Tupela ya em Waip Bakowa na pikinini bilong em, Nolin Pivini.

Ol i resis long OK Tedi Main na Saut Is Awin konstituensi sita.

Tupela kandre tu i bin lusim sia bilong tupela long resis bilong Star Maunten na Mari Veli konstituensi long dispela ileksen. Wanpela bilong tupela em Primia Nibert Makmop long Star Maunten sea. Em i lus long Buil Kirokim husat i presiden bilong Star Maunten Kaunsil.

Makmop i kamap namba tu long Kirokim long 1,084 vot na 1,277 vot.

Kandre bilong Makmop, Michael Mamalok i lusim sia bilong Mari Veli i go long Dikas Pitfop. Mamalok em wanpela wokman bilong POON Brothers long ol haus kaikai long Tabubil.



SCRATCH 'N' WIN!

BUY...
FUEL or OIL
(Minimum K5.00 Purchase)



SCRATCH...



WIN...

OVER 20000 PRIZES TO BE WON!

AVAILABLE
AT ALL PARTICIPATING



DEALERS TODAY!

WANTOK

BISNIS long PAPUA NIUGINI

WANTOK

**PRAIS!
PRAIS!**

CRA i go het long painim gol long Wafi

CRA i sanapim pinis tupela masin bilong brukim graun long Wafi main long Mumeng insait long Morobe provins.

Long dispela taim yet, CRA i olsem graun long Wafi i gol nakopa i stap yet. Olsem na kampani i wok long go het yet long mekim wok painim aut.

Prinsipol Jeolojist, David Smith long Madang Opis i tok kampani i gat pinis 46 wokman i stap long Wafi eria. Tripela em Komyuniti Rilesen Opisa, 4-pela em Jeolojis, tripela em Sinia Fil Asistens na ol arapela leba woka wantaim ol masin na samting bilong wok.

Mista Smith i tok ol asples i soim gut-pela laik long wok bilong CRA long Wafi eria. Tasol i save gat toktok i kamap taim CRA i laik mekim wok i go moa liklik abrasim hap bilong Wafi.

Wok painim aut bilong gol na kopa long Wafi eria bai i go het yet long neks yia. Bai ol i brukim ol graun na ston na mekim ol tes long sekim ol gol na kopa long graun ya. David Smith i tok sampela gut-pela ripot i kamap pinis long ol wok painim aut bilong ol.

Jenerel Menesa long Kopret Afeas bilong CRA, Mosley Moramora i tok wok long CRA i wankain tasol long wok ol i mekim long Hiden Veli long Wau na Maunt Kare long Sauten Hailans provins.

Mista Moramora i tok long tripela hap ya wantaim em CRA i wok long mekim wok painimaut na sekim ol graun samting long gol na kopa yet. Masin i wok long brukim ol graun na ston i go daun yet long tripela ples wantaim long sekim ol minerel.

Em i tok hevi wantaim ol asples long graun i stap yet. Tasol ol bai wok yet wantaim ol long traim stretim hevi ya long bihain na larim wok i go het.

Erikon Kopi i kotim CIC

NUPELA Kopi Industri Kopresen (CIC) i givim pinis ol nupela laisens long 14 kampani bilong baim na salim kopi long dispela yia.

Pastaim ol kampani i save kisim nating ol laisens tasol nau ol i mas karim aut ol sampela wok olsem pe bilong ol laisens.

Aninit long dispela tingting, tupela kampani em CIL na Mamasu bai i no inap long mekim sampela wok tasol ol narapela i mas mekim.

Ol kampani olsem Angco, Cofex, PNG Coffee Exports na Waghi Mek i mas trenim ol PNG manmeri bilong we na rot bilong baim na salim kopi. Na Kundu, PTC, na PNG Coffee Exports i mas salim 75 pesen sea bilong ol i go long ol lokal PNG manmeri na ol bai holim 25 pesen sea tasol.

CIC i bin putim ol sampela strongpela tambu tu long Kota Coffee, Kora 85 na Kumul. Ol kampani ya i mas wok bilong ol yet long Mas 1992 na i noken kisim sapot long ol narapela kampani o manmeri.

Long wankain taim tu, CIC i no givim nupela laisens long Erikon Coffee bikos kampani i no bungim sampela lo bilong en. Tasol Erikon i kisim CIC i go long kot. Kampani i laikim kot long painim aut sapos CIC inap long mekim dispela o nogat. CIC i lukluk tu yet long laisens bilong Panga Coffee.

Pe bilong kopi i no senis long Januari inap nau

PE bilong kopi long i bin stap wankain long stat bilong yia i kam inap klostu bai krismas nau.

Kopi Industri Kopresen (CIC) i tok aut olsem pe bilong kopi

long dua bilong faktori i stap olsem Kl.71 long wan wan kilogram long Januери inap long Oktoba long dispela yia. Na pe bilong drai kopi i stap olsem Kl.12 long Me tasol i pundaun long Kl long wan wan

kilogram long Septemba.

Sapot prais long pe bilong kopi i stap olsem 35 toea long wan wan kilogram long Disemba 1, 1989 i kam inap long Me 31, 1991. Long dispela taim sapot prais i

go daun long 30 toea long wan wan kilogram stat long Jun 1, 1991.

Dispela i kamap bikos gavman i laik givim helpim ausait long mani bilong Kopi Stebilaisesen Fan.

Chevron i baim skul fi bilong ol papa bilong graun i go long UPNG

YAKAM KELO i raitim

CHEVRON Niugini i givim K7,000 spona long tripela yangpela manki pinis trening dokta long Mendi haus sik long Sauten Hailans provins.

Tripela yangpela studen ya bilong Mosbi Medikel Fokalti, Daniel Magarima, Bravy Koensong na Simul Mengeap. Ol tripela i bilong Sauten Hailans

provins yet. Chevron Niugini i bin givim dispela spona long ol long mekim komyuniti wok long Mendi haus sik na tu olsem trening bilong ol.

Mausman bilong Chevron, Imbi Tagune i tok kampani i givim dispela spona aninit long komyuniti sapot bilong kampani. Ol tripela ya tu i olsem asples bilong graun em bikpela wel projek bilong Chevron i

stap long en.

Mista Tagune i tok ol tripela ya bai go bek skul aninit long spona bilong Chevron na sapos ol i bilong ol, bai ol i holim pasim yet dispela sponasip bilong kampani.

Tripela trening dokta ya i tokim Wantok olsem ol i amamas tru long Chevron i givim ol dispela spona bikos ol yet i no inap long

painim mani inap go het wantaim skul bilong ol long Yunivesiti.

Ol i tok sapos ol i pinisim stadi bilong ol long Yunivesiti, bai ol i go bek long Mendi na wok wantaim ol pipel bilong ol olsem dokta.

Chevron i baim ol balus tiket bilong ol tripela wantaim liklik potnait toea na haus bilong ol tripela i slip na wok.



- Chevron Kutubu Kopresen, wanpela kampani bilong ol papa bilong graun long Kutubu wel projek i wokim dispela rot long Poroma i go long Kutubu

Taro na banana em bun tru bilong ol meri

i kam long pes 11

mekim ol kaikai i kamap gut.

Freda i tok olsem ol i no save yusim ol fetelaisa o marasin em ol i baim long ol stua. "Olgeta gris em mipela i putim long gaden, mipela yet i wokim long ples. Em ol kain samting olsem ol skin kaukau o banana na ol arapela samting olsem ol lip, mipela i save yusim long wokim gris em ol waitman i kolim 'kompos'. Na dispela em i wanpela gutpela gris tru bilong ol samting i gro long gaden".

Morobe Wimens Kaunsil i bin givim sampela helpim tu long ol dispela meri long Wandumi.

Vais presiden Lynn Sakulas i tok olsem kaunsil i bin helpim ol meri long salim sampela kaikai bilong ol i go long Lae na Mosbi we ol inap long kisim bikpela mani.

Na ol man, ol i wokim wanem? "Bikpela wok bilong ol man em long pilai politik. Bihain em long painim gol. Na bihain sapos ol i gat sampela taim, bai ol i helpim mipela long sampela wok," Freda i tok.

Ol yangpela man long ples i save helpim ol meri taim ol i laik sanapim ol haus kuk. Ol i save klinim ples, katim ol diwai na putim kunai.

Klostu long gaden bilong Freda i gat wanpela banis pik. Em i tok olsem ol dispela pik em bilong kaikai long haus na tu bilong salim long ol arapela. Narapela wok bilong ol pik em long yusim pekpek bilong ol long givim gris long ol gaden.

Narapela rot bilong givim gris long gaden em long planim ol kaikai we i gat ol dispela gris. Sampela bin i gat ol dispela kain gris.

Ol meri Wandumi i no save bungim bikpela hevi tumas long ol kain samting olsem ol grasopa i bagarapim ol kaikai. Ol i no yusim wanpela marasin long kilim ol dispela samting. Ol i yusim wanpela flaua ol i kolim 'merigo' long banisim ol gaden bilong ol. Na dispela i save ronim ol balik binatang we i laik bagarapim gaden bilong ol.

"Em liklik skul mipela i bin kisim taim mipela i go long Wau Ekoloji na dispela skul i karim kaikai," Freda i tok.

"Tasol i gat narapela tok save mi save kisim taim mi lukim ol katapila i kaikaim ol lip bilong ol taro long gaden bilong mi. Mi save olsem taro bai bikpela tru. Em tok save i kam long ol tumbuna," Freda i lap na i tok.

KOPI

Pe bilong drai arabika kopi long wan wan kilogram long las wik. Dispela i karamapim prais bilong kopi long dua bilong faktori na i no long sait bilong rot.

Kainantu	K1.10
Goroka	K0.95
Minz na Banz	K0.95
Hagen	K0.90
Lae	K0.90
Erap	K0.90
Wau/Bulolo	K0.80
Aseki	K0.85
Madang	K0.90
Is Sepik	K0.60

Ol ripot i kam long Kopi Industri Bod. Mipela i no kisim ripot bilong Mendi, Kundu-awa, Aseki, Wasu, Mumeng na Wapenamanda

KAKAO

PRAIS bilong drai kakao long wan wan tan long Rabaul long Mande inap long Fraide long las wik.

Mande	Tunde	Trinde	Fonde	Fraide
9/12	10/12	11/12	12/12	13/12
Pe ol baiya sasim long papa bilong fementri				
K895	K885	K883	K881	K908
Sapot prais				
K196	K196	K196	K196	K196

Prais ol papa bilong fementri i kisim K1,091 K1,081 K1,079 K1,077 K1,104 Sapot prais bilong kakao long dispela mun em K195.67 Dispela prais i no wankain olsem pe bilong kakao long ol narapela hap bilong kantri.

RABA

Pe bilong raba long dispela yia i stap namel long 40 toea na 45 toea.

KADAMON

Prais bilong kadamon em A. T. Agri Ejensi Pty Ltd long Madang i tok aut long en i stap olsem; Drai long san em namel long K0.80 na K1.10. Drai long faktori em namel long \$6.50 na \$8.00. A. T. Agri i lukautim Kobum Spice em i stap long Bundi we planti ol kadamon i save kam long en.

PRAIS BILONG OL BENSIN



Kos long wanpela lita	
Ex Pump (Wantaim takis)	
Petrol	55.1 toea
Disil	41.8 toea
Kerosin	46.6 toea

WANTOK

BISNIS long PAPUA NIUGINI

WANTOK

Ol papa bilong graun i orait - wok bilong Hides Ges i go het

**CLEMENT MIRIA
i raitim**

OL papa bilong graun long Hides Ges projeck long sauten Hailans i kamap pinis long wok bilong Hides Ges long Sauten Hailans provins long go het nau.

Dispela wanbel i kamap bihain long tupela asples wanpisin, Hiwa na Tuguba i sainim pepa bilong wanbel wantaim long hevi bilong husat i papa long graun.

Asples Hiwa i luksave olsem Tuguba tu em papa long graun Hides Ges i stap long en. Olsem na tupela i kamap wantaim dispela tingting long skelim ol helpim na arapela samting bai i kam long dispela wok.

Long Tunde, loya bilong tupela asples grup wantaim i givim dispela pepa em tupela grup ya i sainim wantaim i go long Lens Taitel Komisin. Loya i askim tu long Lens Taitel Komisin long rausim olpela ripot i bin stap pinis long en olsem Hiwa tasol i papa long graun.

Tupela grup ya i makim 6-pela narapela grup gen long Hiwa eria na 8-pela long Tuguba eria. Ol i tok ol i sainim dispela tok orait long gutpela helpim bilong kantri, gavman na kampani ya. Ol i tok ol lida bilong ol long ples wantaim ol lapun i bin go pas long helpim ol long kamapim dispela gutpela tingting long pinisim ol hevi long bipo na bungim tingting wantaim.

Insait long pas bilong ol i go long kampani, ol i tok bai tupela grup i

mas kisim wankain mani long kompensesen bilong ol. Tasol dispela i ken bihainim mak bilong graun tu we husat i papa long bikpela hap na husat i papa long liklik hap. Ol i askim tu long baim olgeta diwai i bin bagarap long wok bilong dispela projek. Mani i mas go long ol papa bilong graun na asples tu wantaim.

Menesa bilong Kopret Afeas long British Petroleum, Fred Haynes i tok bai kampani i bihainim ol rot em gavman i orait long


en. Na em bai wok wantaim ol lain em gavman i oraitim. Em i tok wok i bin ron gut long las 18 mun i kam.

Ripot bilong BP i tok graun ya bai stap long dinau inap long 99 krismas olgeta. Na ol bai wokim haus bilong stretim ol dispela ges long yusim.

Dispela kros namel long ol Hiwa na Tuguba pipel i bin stat long yia 1987. Dispela em long taim kam-

pani i painim ges long hap. Dispela hevi i bin go kamap long Lokol Len Kot long Februari 1989.

Long Jun 1990, Tuguba grup i toktok strong gen long kot olsem Hiwa pipel i no ken kisim luksave bilong kot o kampani olsem papa bilong graun yet. Long dispela taim tu gavman i tok orait long ol kampani i go pas long dispela wok long mekim wok i go. Toktok bilong graun i bin go long han bilong Lens Taitel Komisin.



Haus Tambaran i senis • Ol Sepik i save yusim ol diwai na narpela ol samting bilong bus long wokim haus tambaran tasol ol waitman bilong kantri Spain i yusim ol ain long wokim haus tambaran em PNG bai yusim soim ol samting bilong en long Expo 92 long Seville

**PE BILONG
AIR NIUGINI LONG
PNG TASOL**

KISIM LONG I GO LONG PE BILONG	BALUS	PE BILONG KAGO
POM	Alotau K101	K1.01
POM	Daru K117	K1.17
POM	Goroka K114	K1.14
POM	Hoskins K140	K1.40
POM	Kavieng K234	K2.34
POM	Kundiawa K113	K1.13
POM	Lae K95	K0.95
POM	Madang K129	K1.29
POM	Manus K206	K2.06
POM	Mendi K136	K1.36
POM	Misima K155	K1.55
POM	Mount Hagen K132	K1.32
POM	Popondetta K59	K0.58
POM	Rabaul K187	K1.87
POM	Tabubil K189	K1.89
POM	Tari K153	K1.53
POM	Vanimo K234	K2.34
POM	Wapenamanda K141	K1.41
POM	Wewak K180	K1.80

• Inogat ol spesel prais nau inap long neks yia.
• Ol kago em hevi abrusim 1kg bai gat pe.

Exchange Rates

Bank buys at:	Notes	T/T
Australia	1.3930	1.3642
USA	1.0910	1.0563
UK	0.6100	0.5864

Bank sells at:		
Australia		1.3532
UK		0.5748
USA		1.0483
Solomon Islands		2.8812
China		5.5870
Fiji		1.5288
Hong Kong		8.0850
India		26.6180
Japan		133.5600
New Zealand		1.8622
Singapore		1.7120
Switzerland		1.4500
Germany		1.6390

Gold rates (in US\$):	
per ounce	\$368.25
per gramme	\$11.84

HIA

KAIKAI KAKARUK

**BAIM
NAU!**



**K20,000
KES MANI
WANTAIM
FRI
MEKPAS
KAKARUK**

Lukluk insait long mekpas bilong kakaruk na painim wanpela medel i hait i stap!

**NOGUT KAKARUK
BILONG YU BAI
WIN!**

**SORI TRU
TRAIM KEN**

**YU
WINNIM
A FREE
CHICKEN!**

**YU
WINNIM
K1000
CASH!**

• Bai yu painim wanpela olsem! Traim gen!

• Bai yu painim wanpela olsem! Karim i go long stoa na kisim prais bilong yu

• Bai yu painim wina prais. Salim i go bek long Niugini Tablebirds Pty Ltd, P.O. Box 962, Lae na bai yu kisim mani bilong yu!



HYUNDAI'S RUN AWAY STOCKTAKE CLEARANCE SALE



SOME OF THE GREAT BARGAINS:

Nissan Vanettes X 3 10 Seater Buses were K7950
now from ***K3500**

Mazda 626 Airconditioned, 5 speed manual was K7500
now ***K5000**

Toyota Utility 1000 was K3950 now ***K2500**



Don't miss these specials:
30 VEHICLES FOR UNDER

K5,000 EACH



plus

10 NEW STOCK DEMONSTRATOR VEHICLES

The Boss says "all stock must be sold before
31st December 1991."

HYUNDAI

THE AUTO CENTRE

Opposite Kinhill Kramer
Next to Bishop Bros and The Auto Clinic

* Plus Sales Tax and Registration, where applicable



MS91/MAZ71

Ol tewel kilim man Angoram

LONG bipo tru long ples Sarapa insait long Angoram eria bilong Is Sepik provins, i gat planti tewel i save raun. Ol i save painim ol man long kilim na go kaikai ol.

Wanpela taim wanpela man, nem bilong em Wangrukai i kisim tupela dok bilong em na ol tripela i go raun long bus. Man ya i karim ol spia na bunara bilong em na wokabout i go insait long bus wantaim tupela dok bilong em.

Ol wokabout i go na kamap long bikbus stret.

Long dispela hap Wangrukai i lukim wanpela bikpela man pik stret i wok long kaikaim kru bilong saksak i stap.

Hariap tasol em kolim tupela dok bilong em na tupela i mekimsave long pait wantaim pik ya.

Tasol dispela pik i no liklik samting. Olsem na tupela dok i no win em hariap. Wangrukai i sanap i go no gat na em apim bunara na i laik tromoi long pik ya.

Kirap no gut, pik ya i tanim na kamap olsem man, na bihain sanap olsem traipela diwai kafing we ol Sepik i save katim long en.

Wangrukai i no tingim wanpela samting nau. Em pret nogut tru na

lusim ol samting bilong em i stap, na tekov stret long ples. Em kamap long ples na pundaun long haus bilong ol yangpela boi. Ol boi i lukim em na askim long wanem samting i kamap long em.

Wangrukai i sot win wantaim na stori long dispela tewel pik ya. Em i tokim ol olsem em i laik sutim pik ya long spia, tasol samting nogut ya i kirap tanim na kamap olsem man, na bihain olsem bikpela diwai kafing bilong ol Sepik.

Long nait Wangrukai i go slip long haus bilong em i stap na dispela tewel pik husat i tanim olsem diwai kafing i kam painim em long ples. Em i kamap long ples na go stret long haus bilong Wangrukai long nait, na i paitim dua bilong haus i stap.

Wangrukai i slip na harim nais long dua na ting olsem ol manki long ples yet ya, olsem na em i kamap long dua na opim. Taim em opim dua, ai bilong em i op stret long lukim traipela diwai kafing i sanap long dua bilong em.

Tewel ya i kilim Wangrukai long dispela taim na karim i go bek long ples bilong em long bikbus. Em i go singautim ol arapela



tewel long go painim ol kaikai long gaden i kam na ol bai mumu long dispela abus ya.

Olsem na ol tewel i mekim bikpela mumu na holim bikpela pati stret long bodi bilong

Wangrukai long dispela nait.

Camulus Mori
ANGORAM

Meri i no save long wok gaden, bai mi mekim wanem?



Dia Laiplain,
Long kastom bilong mipela, ol meri i mas wok olgeta taim long gaden. Meri i mas planim olgeta kaikai bilong famili na tu lukautim gut gaden na famili. Tasol meri bilong mi no save lukautim gaden, na tu i no save mekim wanpela wok. Mi bin askim mama bilong mi long solem wok bilong na tasol em i no save lik long wok gaden.

Emari long olgeta wok, mama i painim aut olsem meri ya i no save wok. Olsem na mama i gat bikpela laik long mi lusim meri ya, na maritim nupela meri. Tasol mi laikim meri bilong mi na, mi no

laik lusim em. Mitupela i gat wanpela pikinini man. Olsem na mi no laik lusim meri bilong mi. Sampela taim mi save go wantaim em long gaden, na helpim em long klinim gaden. Na planti manmeri long ples i tok mi brukim pinis kastom long wok klostu wantaim meri long gaden.

Planti taim meri i no save mekim wok long bihainim laik bilong mipela. Olsem na mi save kros na paitim em taim em i tok, "Mama bilong mi i karim mi olsem." Inap Laiplain i painim sampela gutpela rot we meri bilong mi i ken wok gaden gut.
HUMBLED

Dia Pren,
Planti manmeri i gat wankain tingting olsem long ol manmeri we ol i laikim tumas.

Planti i laikim olsem ol i mas mekim ol samting bihain laik na save bilong ol. Dispela i bihainim wan wan kastom bilong ol yet. Narapela samting tu bai yu no amamas sapos sampela man i lukim wanem samting ol i mekim rong. Mi laik askim yu long lusim tingting bilong yu, na lukluk long wanem hevi meri bilong yu i gat.

Nau yet mipela i no save long meri bilong yu. Tasol mipela i save olsem em i no laikim sampela samting yu wantaim famili bilong yu i save mekim. Sapos meri bilong yu i raitim pas i kam long Laiplain, ating em bai raitim kai samting olsem.

"Mi wanpela marit meri na mi gat wanpela pikinini boi. Na tu mi laikim man bilong mi tumas. Mitupela wantaim i laikim pikinini bilong mitupela. Tasol mi no save amamas. Bikos man bilong mi i laikim mi long wok

gaden olgeta taim. "Mi no lainim dispela wok taim mi kamap wantaim famili bilong mi. Na tu mi no save long wok gaden.

"Planti taim em i save kros na paitim mi. Bikos mi no wok gaden olsem em i laikim.

"Long ol arapela taim, em i save salim mi go wantaim mama bilong em long gaden. Mama bilong em i save soim mi long wok, tasol olgeta taim em i save tok baksait olsem mi no save wok gut.

"Mi laik tokaut olsem mi i gat bel long dispela taim. Olsem na mi no save wok gut. Long olgeta moning mi save pilim sik. Sampela taim mi pilim sik na sindaun anget long olgeta pikinini bilong mi. Bikos man bilong mi no save wok gaden. Na em ba askim pikinini bilong em ong lusim mi.

"Mi save traim long mekim samting long laik bilong man bilong mi. Tasol em i no laikim wanem samting mi mekim. Sampela

taim mi tingting long lusim man bilong mi na go bek long famili bilong mi.

"Tasol olgeta taim man bilong mi save holim pasim liklik boi i stap wantaim em. Mi i no inap lusim pikinini bilong mi. Bikos mi laikim pikinini bilong mi tumas.

"Sampela taim mi pilim olsem mi laik kilim mi yet long pasin ol i mekim long mi. Inap Laiplain i tokim mi wanem samting bai mi mekim na kliaim tingting bilong man bilong mi, na em inap larim mi mekim samting long laik bilong mi?"

Meri bilong yu bai rait olsem sapos em i laik rait long Laiplain. Sapos em i raitim pas olsem, yu bai bekim olsem wanem long pas bilong man bilong yu?

Lukluk long Laiplain sampela taim bihain na painim gutpela rot Laiplain bai tokaut long en. Dispela rot bai inap helpim yutpela long stretim hevi bilong yupela.

MI LAIPLAIN



Wanpela taim Kanage i grisim ol yangpela meri i kam sindaun raunim em, na em i stat long stori long ol. Em givim sampela giaman stori i go na pilim olsem em i laik kapupuk.

Hariap tru em i stapim stori na i laik kalap, long narapela stori olsem: "Hei! Hei! Yupela harim nupela musik bilong Julie Toliman tu?" Em askim olsem na putim yau i stap.

I no longtaim em i bomim traipela mama bilong kapupuk stret.

Ol yangpela meri i harim na kirap ranawe nabaut.

Y. Andom
RABAU

Kanage na Demdem i kisim bas na i go long Pumlop Hotel. Kanage wokabout i go long kaunta na slekim K20 pepa mani. Em kisim wanpela katen bia na tupela i go drinkim. Tupela drinkim pinis na go bek kisim narapela.

I no longtaim tupela spak nogut ru na wokabout i go bek long ples. Kanage wokabout i go pas na pekpek namel stret long rot. Bihain em kisim wanpela lip bilong wel taro na karamapim.

Demdem i mekimsave long pinisim olgeta tumbuna singsing i kam long bihain. Em wokabout i kam na krungutim stret pekpek bilong Kanage. Em bel hat na tok nogut: "Man i pekpek long ya, as bilong em i gat sin." Kanage i harim na save pinis olsem em i bagarapim stret poroman bilong em.

Norman Noah
KIMBE

Meri Niugini i go long stua na askim meri Papua olsem, Hamas long kiau bilong yu ya?" Meri Papua ting olsem meri Niugini i tok nogutim em, na em i tok, "Em marailas ... yu ting yu too good a?"

Em bel hat nogut tru na ringim ol plisman i kamap, na kisim tupela i go long Boroko plis sesin.

Meri Papua i putim komplek olsem meri Niugini i askim hamas long em. Ol plisman i lap nogut tru na salim tupela i go bek long haus.

Jerry Nonie
ARAWA

Wanpela teksa draiva i go lusim wanpela meri husat i pinis wok na i laik go long haus. Olgeta taim teksa draiva i laik senisim gia, bai han bilong em i wel na pundaun antap long lek bilong meri ya.

Meri ya i no toktok na sindaun isi tasol i stap. I no longtaim na teksa draiva i laik senisim gia, tasol han i abrus na pundaun antap long lek bilong meri ya. Olsem na meri i kirap na tokim draiva ya, "Mathew 14: 14." Taim teksa draiva i harim olsem, em i no gat toktok moa na sem no gut tru. Em draivim teksa tasol i go inap em lusim meri ya long haus bilong em.

Hariap tasol em tanim teksa na draiv i go long haus bilong em. Em lusim teksa i stap na ron i go insait long haus na kamautim buk Baibel long lukim Mathew 14: 14.

Buk i tok, "askim na bai yu kisim". Het bilong teksa draiva i bruk na em longlong olgeta.

Leni Zero
MOSBI

WANPELA boi Nuku laik go lukim poro bilong em. Em wokabout i go na kamap long kona rot we ol meri i salim kaikai i stap. Em kirap na askim ol meri sapos poroman bilong em i stap long haus o no gat. Wanpela meri kirap na bekim, "Poroman bilong yu i go lukim wan nem bilong yupela long gaden." Boi Nuku i paut na kirap askim. "Husat em wan nem bilong mipela long gaden?" Kwiktaim olgeta meri i bekim, "Em ya, tapiok bilong kaikai long gaden." Boi Nuku harim olsem na skrapim het wantaim na tekov i go long haus.

Emil Lowl
WEWAK

Nupela buk stori long ol Kandingei pipel

LAS WIK Fraide, David Yangin na Peter Laki bilong ples Kandingei insait long Is Sepik provins i amamas long kisim tupela buk.

Nem bilong dispela buk em *The Song of the Flying Fox*, na i toktok long pasin na tumbuna singsing bilong ol pipel bilong ples Kandingei namel long Is Sepik provins. Rijonel memba bilong Is Sepik na Minista bilong Foren Afeas, Sir Micheal Somare i tokaut long kam aut bilong dispela buk long wanpela liklik bung, em i bin kamap long Kalsarel Stadi Divisen bilong Nesenel Risets Institut.

Dispela buk em gavman bilong Jemani yet i givim mani long printim. Olsem na Embasida Herbert Kemps i kamap tu long makim gavman bilong Jemani.

Tupela arapela bikman husat i kamap tu long lukim kam aut bilong dispela buk em Hai Komisinsa bilong Ingran, John Guy wantaim Embasida bilong Saina, Madam Wang Nong Scheng.

Dispela buk em Dokta Jurg Wassmann bilong Ethnoloji Dipatmen bilong Yunivesiti ov Basel long Swisilan i raitim. Em i bin raitim dispela buk long tokples Jemani. Tasol Dennis Stephenson i tanim long tok Inglis. Na Don Niles bilong bilong Nesenel Risets Institut i stretim tok Inglis ya.

Buk ya i stap long Papua Niugini bikos Wassmann yet i katim singsing long redio kaset wantaim helpim bilong ol gutpela pipel bilong Kandingei. Buk i toktok

long wanem hap ol tumbuna i wokabaut, na tu long wanem hap ol i mekim haus.

Olgeta dispela stori i stap long tokples Kandingei. Planti i toktok long pukpuk i kamapim graun na heven. Insait long dispela stori ol i tokaut olsem daunbilong long tit bilong pukpuk i kamapim graun na antap bilong tit i kamap heven. Na tu tupela tit bilong pukpuk i stori long wanem as na ol pipel bilong Kandingei i bruk i go long tupela hap. Buk ya i tokaut tu olsem win bilong pukpuk i kamapim lait olsem san long dispela graun.

Na tu i toktok long laip bilong ol pipel bilong Kandingei. Dispela em long wanem samting ol pipel i save mekim long olgeta de.

Buk i tokaut tu olsem ol yangpela man husat i laik save moa long tumbuna pasin i mas i go insait long haus tambaran. *The song of the Flying Fox* em namba tu volum bilong narapela buk ol i kolim *Apwitihire*. Dispela buk ya i stori long musik bilong Papua Niugini.

Nambawan volum bilong *Apwitihire* em Regis Stella yet i raitim. Dispela buk i bin kam aut long 1990. Na namba tri volum bilong dispela buk bai i kamap bihain. Tasol ol bai lukluk long yusim long tok Pisin. Planti wok i kamap long prinim ol arapela buk pastaim. Olgeta buk ya bai toktok long wanem samting ol pipel i save yusim long mekim musik o singsing. Na tu bai i stori long as bilong olgeta singsing bilong Is Sepik, na bilong Papua Niugini



• David Yangin lephan na Peter Laki i makim ol pipel bilong Kandingei Viles na kisim tupela buk, "The Song of the Flying Fox." long Fraide 13 Desemba, 1991. Dispela buk i toktok long pasin na singsing tumbuna bilong Kandingei Viles long Is Sepik provins.

wantaim.

Nau yet ol i lukluk long tanim sampela gutpela buk bilong PNG em sampela saveman i bin raitim long tok Jemani, Frans na Dats long bipo. Ol i lak tanim ol dispela buk i go long tok Pisin na Inglis.

Mista Wassmann i tokaut olsem em i bin raitim *The Song of the Flying Fox* long tokples Jemani. Tasol nau em i amamas olsem long ol i tanim i go long Inglis pinis.

Planti manmeri bilong Sepik bai i amamas long lukim dispela buk. Wassmann i tok *Sagi pati* em i wanpela bikpela samting long laip bilong ol manmeri long Sepik. Olgeta tumbuna i save olsem dispela em i pasin bilong ol. Nau dispela pasin i stap insait long buk ya. "Mi raitim dispela buk tasol dispela *Sagi* em i no tokples bilong mi, em i tokples bilong ol pipel bilong Kandingei.

Wassmann i tok buk ya bai i no

inap kamap, tasol planti hatwok i kamap. Olsem na dispela buk i stap long ol pipel bilong Papua Niugini i ken lukim. "Mi laik salim bikpela tok amamas bilong mi i go long ol pipel bilong Kandingei wantaim David Kisonde mi husat i sekim tokples, Taduma Minja husat i singsing na givim mining bilong tok *Sagi*.

"Nau yet pikinini Patrick Minja i kisim ples bilong David long mekim ol dispela samting.

6,000 moa pipel amamasim Sandaun provinsal de

NAMBAWAN taim tru ol pipel bilong Vanimo i lukim ol Asaro man i bilas long graun malumalu bilong ol. Dispela em long amamasim 13 yia bilong Sandaun provinsal gavman long Desemba 4, 1991.

Ol pipel bilong Asaro i lukim tru ol man bilong Asaro long Isten Hailans provins i soim tru tumbuna bilas bilong ol wantaim graun malumalu ol i wokim na putim long het bilong ol.

Dispela grup bilong Asaro i gat 5-pela komyuniti olgeta husat i putim kamap tumbuna danis bilong ol. Ol i gat 6-pela lida i go pas long ol.

Ol arapela provins tu olsem Madang, Manus, Morobe, Hailans na Sandaun yet i bung wantaim long dispela bikpela de na singsing na soim tumbuna samting bilong ol.

Long dispela de yet, ol skul i soim tu samting ol i lainim long en. Ol 5-pela komyuniti skul insait long provins i bin soim ol samting ol i wokim long en long makim kalsa na arapela tumbuna pasin bilong provins.

Tupela printing kampani long Vanimo em Walsa Print na Steve Nikengu Printing long ples Waromo. Tupela i soim ol wok printing ol i save mekim long ol siot na ol arapela samting. Ol i soim ol disain na piksa ol i droim na penim long en.

Baro Vokesinel skul tu i soim ol samting em i save wokim long skul long dispela taim. Em i soim ol samting olsem bilas bilong putim, siot, trausis na bilum. Ol yet i save mekim ol pen bilong yusim long rait na penim ol piksa long ol samting ol i wokim.



• Ol soldia i bes long Vanimo i mas long amamasim provinsal de bilong Sandaun provinsal gavman



• Ol studen tu bilong hai skul i bung wantaim ol provinsal bikman na meri na ol papa na mama long taim bilong amamas

Gavana bilong Jayapura i kamap tu

NAMBA WAN gavana (primia) long provins bilong Irian Jaya long Indonesia i bin kam lukluk raun long taim Sandaun provinsal gavman i amamasim 13 yia bilong em. Gavana Bus Suebu i kam wantaim

namba tu Seketeri bilong Foren Afeas long Jayapura, Mista Surianto. Bihain long Wes Sepik primia, Egbert Yalu i tok, em i kisim gavana wantaim seketeri na i go raun lukim ol tumbuna bilas ol pipel i wokim.

International Direct Dialling (I.D.D.)

Now Available to

MAURITIUS

Country Code for Mauritius is 230. Time difference of -6 hours. Calls are chargeable at K3.50 per minute. Subscriber numbers are as follows:-

Exchange	Old Number	New Number
Abercrombie	30XXX	240-242XXXX
Abercrombie	30XXX	248XXXX
L'escalier	77XXX	636XXXX
Midlands	79XXX	674XXXX
Montagne Longue	32XXX	245XXXX
Nouvelle France	78XXX	677XXXX
Pamplemousses	33XXX	243XXXX
Souillac	75XXX	625XXXX

For IDD calls, dial:

05 + 230 + New Number

Number Queries:

Ring 013



Post & Telecom

Keeping you in touch with IDD.

WANTOK

NIUSPEPA BILONG OL PAPUA NIUGINI STRET

PABLIK NOTIS

Sapos yu laik advertais, teleppn 25 2500 na askim long

PH: Miri Alori - Ext. 203
Kosinto Fosagu - Ext. 216
Bonner Hui - Ext. 202
John Iagata - Ext. 215



"Mi laik ritim Baibel long olgeta de, tasol bai mi stat we?"

Mipela i wokim pinis wanpela liklik kalenda bilong helpim yu. Em i makim ritim long Baibel long olgeta de. Na em i gat spes tu bilong raitim ol apoinmen samting. Yu ken baim long Kristen buksop long hap bilong yu. Prais em i 60 toea tasol.

Ritim Tok
Bilong God

1992

Liklik Kalenda
Bilong Ritim Baibel
Long Olgeta Day



CHRISTIAN BOOKS MELANESIA
P.O. BOX 488, WEWAK

FAX
252579
WORD PUBLISHING



**AMALGAMATED
GENERAL WORKERS
UNION**

Amalgamated Jenerel Wokas Yunien i laik tok save long olgeta memba bilong en na pablik olsem opis bai pas long Fraide 20 Desemba, 1991 i go inap long Nu Yia. Opis bai op gen long Fonde 2 Janueri, 1992.

Menesmen na ol wok manmeri bilong Yunien i laik tok bikpela "Meri Krismas na hepi Nu Yia" long yupela olgeta.

LOST & FOUND

K5,000 REWARD

Sapos yu kisim bek olgeta

SKIN BILONG PUKPUK

em i bin lus long hap bilong mipela. Ol skin ya i no ken bagarap taim yu kisim i kam bek.

K1,000 REWARD

Sapos yu givim mipela ripot long sampela lain yu save i mekim dispela stil pasin.

Ringim Mark long telepon namba 42-4362 long opis aua.

**All
the
league
news**

**When it
happens
every
week**

**in your
Wantok
&
Times**



PABLIK NOTIS

Dispela tok save i go long olgeta woka bilong Burns Philip PNG Limited, husat i bin aplai long kamap memba bilong "Rejistresen bilong Nesenel Mesen Tredas." Tok save olsem olgeta aplikesen bilong yupela i kikkik na i stap nau wantaim Amalgamated Jenerel Wokas Yunien opis bilong skelim.

Ol intarim eksekutiv i kisim ol dispela aplikesen long Novemba, 1991. Na ol eksekutiv bilong Amalgamated Wokas Yunien i laik tokaut olsem ol i amamas long kisim nem bilong yupela.

Mipela bai amamas toktok wantaim ol nupela memba husat i laik aplai long kamap memba. Yu ken aplai long wanem taim yu laik long en.

Sapos yu laik save moa, no ken pret long toktok wantaim Jenerel Seketeri, Andrew Kandakasi long telipon namba: 25 3758.

Bikpela amamas bilong mipela i go long olgeta lain husat i aplai na i memba wantaim yunien.

**Andrew Kandakasi
Jenerel Seketeri**

PNG's only business newspaper

PNG

BUSINESS

40¢

Inc. PNG Trade Monthly



**January issue
on sale this week
at your favourite newsagency**

POM

Jacksons News

Boroko News

Tabari News

Post News

Steamships



1. Andersons Foodland - Rabaul

2. Arawa Enterprises - Rabaul

3. Bulae News - Lae

4. Arawa Enterprises - Lae

5. John Forsters - Mt Hagen

6. T Tam Yan - Madang

7. Arawa Enterprises - Goroka



SOFBAL



Ketsa bilong Karanas paitim ampaya long Madang softball



BEN TAUMAI i raitim

MADANG Sofbal Asosiesen i saspensim o tambuim pinis wanpela pilaia bilong Karanas Sofbal Klap long i no ken pilai long tripela wiken olgeta. Bikos dispela pilaia i bin paitim wanpela ampaya.

Nem bilong dispela pilaia em Albert Kereku. Em i save pilai olsem ketsa bilong Karanas A gret tim bilong ol man.

Ripot i tok Kereku i bin paitim ampaya Peter Pat Kisokau long Sarere Desemba 7, 1991. Dispela trabel i bin kamap taim Kisokau i lukautim wanpela junia divisen gem namel long Karanas na Kabiu.

Long Mande Desemba 9, Madang Sofbal Asosiesen i salim wanpela leta i go long presiden bilong Karanas Sofbal Klap, na toksave long em olsem Kereku em ol i tambuim em long pilai long tripela wiken olgeta. Dispela leta em Makis Patonga i sainim nem bilong em long makim asosiesen.

Leta i tok moa olsem ol eksekyutiv bilong asosiesen i no amamas long wanem samting Kereku i mekim. Na em (Kereku) i mas sem bikos em i wanpela sinia pilaia, na i no junia pilaia.

Leta i tok moa olsem Kereku i bin tokaut olsem Madang Sofbal Asosiesen i no ogenais gut. Olsem na asosiesen i askim em moa insait long dispela leta olsem em (Kereku) i laikim wanem samting stret long asosiesen, na wanem samting em i bin mekim long helpim asosiesen.

Tasol Kereku i bekim olsem em i no mekim wanpela hap toktok olsem asosiesen i no ogenais gut. "Mi no mekim dispela toktok olsem asosiesen i no ogenais gut. Dispela toktok em ol i giman," em i tok.

"Mi no amamas long dispela saspensim bikos ol eksekyutiv bilong asosiesen i no singautim mi, long givim stori bilong mi. Ol i harim stori long wanpela sait tasol na givim dispela tambu long mi."

"Mi kosa bilong junia Karanas tim. Olsem na mi gat rait long kolim taim na kwestenim disisen bilong ampaya. Dispela em i rong bilong ampaya. Em i tok nogut long mi orait mi slepim em."

Kereku i kisim bikpela sapot i kam nau long ol pilaia long Karanas Sofbal Klap. Olgeta i no amamas long asosiesen i tambuim wanpela sinia pilaia bilong ol long i no ken pilai long tripela wiken olgeta.

Ol i komplem olsem dispela tok orait bilong asosiesen em wanpela eksekyutiv tasol i mas mekim, na i no olgeta eksekyutiv bilong asosiesen i bung na mekim. Nau yet ol i raitim wanpela apil leta i go pinis, na wetim tasol asosiesen long givim wanpela gutpela bekim.

Long resis yet em Madang softball resis i pinisim las gem bilong raun namba 5 long las wiken. Dispela em long resis bilong ol man na meri wantaim.

Na nau bai ol i malolo long tripela wik long amamasim Krismas na Nu Yia holiide. Dispela 1991/92 softball sisen bai stat gen long Janueri 11, 1992.

MENS LADDER				MADANG SOFBAL ASSOCIATION POIN LATA			
A GRADE		B GRADE:		A GRADE		B GRADE:	
1.	Kaeiu	26		1.	Waterboard	19	
2.	W/Board	21		2.	Newtown	15 + 2 more games	
3.	Kinhill	19		3.	Kabiu	14 + 1 more game	
4.	Karanas	13		4.	Karanas	12 + 1 more game	
5.	Newtown	11		5.	Bismark	5 + 1 more game	

WOMENS LADDER					
A GRADE:		B GRADE:			
1.	Karao	25 + 1 more game	1.	Kabiu	22
2.	Kabiu	24	2.	Karanas	22
3.	Kalibobo	22 + 1 more game	3.	Kalibobo	17 + 1 more game
4.	U/Sisters	14	4.	Royals	17 + 1 more game
5.	W/Board	13	5.	Tarangau	15 + 1 more game
6.	Watabag	10	6.	Melanesian	10
7.	Godowan	4 + 1 more game	7.	Waterboard	9
8.	H/Niugini	4 + 1 more game	8.	Godowan	4 + 1 more game


NOTE: Junior ladder is not available as yet as a lot of washout matches are still outstanding.

PORT MORESBY WOMEN'S SOFBAL ASSOCIATION INC.					
SATURDAY 21ST DECEMBER, 1991.					
ROUND ONE DRAW: - GAME SEVEN					
DIAMOND 1	TEAM	TEAM	GR	UMPIRE	SCORER
0900	Bomana Police	vs JJ Garamut	D		
1030	GI Gazelle	vs Yokomo	A	Simitap/Mesak	E. Moses
1200	Mazda Carps	vs Chebu	A	K. Paivu/Paivu	N. Tokiel
1330	Fuji	vs Elcom	A	Talim/Evald	P. Tonga
1500	A/United	vs Malangan	A	Duba/Terra	M. Tako
1630	Wantoks	vs NGI	A	Knox/Sorang	P. Tonga

DIAMOND 2	TEAM	TEAM	GR	UMPIRE	SCORER
0900	Royals	vs Aviat	D	W. Peni	
1030	NGI	vs Karanas	D	Terra	
1200	Malagan	vs A/United	C	Sorang	
1330	DTI	vs Yokomo	C	Tadigu	
1500	Karanas	vs Chevron	C	Avuchulas	
1630	Elcom	vs GI Gazelle	C	Naron	

DIAMOND 3	TEAM	TEAM	GR	UMPIRE	SCORER
0900	Chebu	vs Dodgers	D	Misiel	
1030	Medics	vs Wantoks	B	Mesak/Misiel	
1200	Hanza Bay	vs Aviat	B	Naron/Tadigu	
1330	Royals	vs Dodgers	B	Pasok/Peni	
1500	Mazda Carps	vs UPNG	B	Talim/Evald	
1630	Tarangau	vs Fuji	B	Terra/Simitap	

UPNG 'D' grade - Bye



• Sofbal resis bilong ol man long Mosbi namel long Chebu na Brown Eagles long las wiken. Eagles i nekim stret Chebu 11-1. Poto Ivan Bayagau.



BENSON and HEDGES

Mosbi pablik sevis soka lata i senis gen pinis

LAS wiken soka resis bilong Mosbi pablik Sevis i bin kamap gut tru. Ol strongpela tim i win na ol slek tim i lus.

Bikpela gem namel long PNGBC na DCA i bin soim tru husat em strongpela tim long sanapim banis na lukautim balwok. DCA i bin yusim gut tru tupela sans bilong em long

brukim umben bilong PNGBC. Yangpela Paul Albert i bin kisim gutpela sapot bilong Winter Foster na Eric Petrus long midfil. Na em i kikim tupela gol wantaim.

PNGBC i gat gutpela midfil long stapim ol ron bilong DCA. Tasol em i abrusim liklik long i no yusim gut ol sans

em i painim long golmak bilong DCA. Olsem na long fultaim, DCA i sutim tupela gol na abrusim wanpela bilong PNGBC, 2-1.

NPF inap kikim planti gol long gem bilong en egens long Hom Afeas. Bikos ol boi bilong Hom Afeas i no sanapim gutpela beklain difens bilong ol.

Tasol hevi tu i stap long ol boi NPF yet. Ol i no bin redi gut pastaim long ol i kamap long fil. Olsem na skoa i bin 2-1 tasol.

Edukesen i bin autim gut tru tiket bilong Helt 2-0. Edukesen i winim pinis planti arapela gem na em i gat dispela tingting bilong win i stap yet. Olsem na em i autim dispela gem isi tasol long han bilong ol bai Helt.

DPM i bungim Taxation na autim tiket bilong em long las gem bilong Sarere. Klostu taim Taxation i

stapim win bilong DPM tasol gutpela save bilong David Geame yet na em i kikim gol bilong DPM hariap. Dispela gol i kamap liklik taim tasol na fultaim wisel i kra. Skoa i sanap 2-1 we DPM i win.

Long Sande gem, NATRES na Lands i bung long wanpela strongpela gem stret. Olgeta manki bilong John Mogi i lusim pinis EPC tonamen na kamap soim pes gen long Kiab Jemenia. Olsem na klostu tru bai ol winim gut

NATRES. Tasol strong bilong NATRES na tupela i dro, 1-1 long fultaim.

Atoni Jenerel i winim namba wan gem bilong em egensim POSF. Dispela gem i soim kain stail bilong Francis Kasau na ol kas bilong em bihain long ol i wok long lusim planti gem i kam.

Luke Mongo tu i sanap long golmak na givim bikpela het pen long POSF. Man ya i bagarapim tru ol gutpela kik na sans bilong POSF long sutim gol.

NPF winim Hom Afeas wantaim 7 pilaia tasol

NESENEL Providen Fan (NPF) i bin winim soka gem bilong las wiken wantaim stail.

Long kik resis bilong ol man long Mosbi pablik sevis, olgeta pilaia bilong tim i no bin kamap. Olsem na NPF i go insait long fil wantaim 7-pela man tasol. Na ol i sutim namba wan gol long Hom Afeas

Dispela gol i bin kam yet long tek bilong stail manki, Simon Wanji. Bihain liklik na Hom Afeas i bekim dispela gol. Orait long dispela taim i go inap long hap-taim, tupela tim i ron wantaim long 1-1 skoa.

Na long namba tu hap bilong gem nau, olgeta NPF pilaia i kamap na go insait long fil. Tasol dispela i no kamapim planti senis. Bikos no gat inap taim bilong toktok na pilai i go het tasol. Pilai i go olsem inap taim Wanji i sutim gen narapela gol long kona. Dispela namba tu gol bilong Wanji i mekim NPF i go pas, 2-1 inap fultaim.

Long dispela gem, ol lain husat i bin givim bikpela han tru long helpim NPF i win em kosa Dickson, Ken Darius, Erastus Kamburi, Jackson, Jeffrey Aisoli na golkipa bilong ol yet. Sapos dispela ol lain boi i no bin kamap, i go moa long pes 23

MOSBI PABLIK SEVIS SOKA POIN LATA

MEN'S DIVISEN							
TIM	P	W	D	L	GF	GA	PTS
DCA	7	5	1	1	24	15	11
DPM	7	5	1	1	11	7	11
PTC	7	5	0	2	20	6	10
Elcom	7	4	2	1	17	6	10
PNGBC	7	5	0	2	14	7	10
NPF	6	3	3	0	10	5	9
Nat/Res	6	3	2	1	10	6	8
Taxation	7	4	0	3	12	12	8
Education	7	3	0	4	9	9	6
Lands	6	2	2	2	8	9	6
Home Affairs	7	2	1	4	9	11	5
Health	7	2	0	5	13	23	4
NCDC	6	2	0	4	9	20	4
POSF	6	1	1	4	3	9	3
Att/Gen	6	1	1	4	7	14	3
UPNG	7	1	0	6	8	16	2
NHC	6	1	0	5	6	15	2
WIMEN'S DIVISEN							
TIM	P	W	D	L	GF	GA	PTS
Education	7	5	2	-	14	2	12
PTC	7	4	3	-	9	2	11
UPNG	7	3	4	-	10	3	10
Lands	6	3	3	-	11	6	9
Health	7	3	3	1	11	6	9
DPM	7	3	2	2	7	6	8
Elcom	7	2	3	2	9	6	7
H/Affairs	7	2	2	3	9	8	6
Att/General	6	2	2	2	7	11	6
Teachers	6	2	2	2	6	8	6
Taxation	7	1	4	2	2	4	6
NPF	6	2	1	3	5	8	5
DCA	7	1	3	3	3	10	5
PNGBC	7	-	5	2	5	10	5
PMD	6	1	1	4	3	9	3
NBC	6	-	3	3	5	9	3
NHC	6	-	2	4	1	7	2

NOTE: • Dispela em opisal poin lata bihain long namba 7 raun bilong resis. Sapos yupela i laik save moa long poin lata bilong ol man orait, ringim John Mogi long telepon namba 276413. Na long poin lata bilong ol meri, yupela mas ringim Jenny Silikara long telepon namba 272407.



• Em Adam Lema bilong Elcom tim yet i holim pas dispela bal long nek bilong em na abrusim fulbek bilong UPNG long las wiken. Elcom win 3-0.

Kabiu winim las 1991 gem long Madang

KABIU i soim yet strong taim em i bagarapim sindaun bilong Newtowns, 10-3 long las Sande. Dispela gem tu i pinisim pilai bilong Madang sofbal resis bilong ol man long 1991.

Dispela las A gret gem i bin kamap gut bikos ol pilaia i soim stail bilong ol gut tru. I no bin gat kros o trabel long dispela taim.

Ol lain husat i helpim Kabiu long winim las gem bilong 1991 em pitsa Alan Tomang na ketsa bilong em, Sialis Taman, Leo Kamara, Mina na Rucky Harry.

Ol boi bilong Newtown i bin kamap wantaim strongpela bekim bihain long stail manki bilong ol, Balti i kam bek.

Ol man bilong paitim bal bilong Newtown olsem Murray Kuku, Ken Aiti na Alan Valuve i bin trailhat tru long helpim tim bilong ol.



• Wanpis susa bilong NBC yet i traim olgeta strong bilong em long soka resis bilong Pablik Sevans long las wik Sande. NBC i dro wantaim Atoni Jenerel 0-0.

Osenia laikim PNG soka gat fultaim seketeri

YAKAM KELO i raitim

OSENIA Futbal Konfederesen (OFC) i laikim Papua Niugini i mas gat wanpela fultaim soka seketeri.

Na em bai lukautim olgeta wok bilong soka long kantri.

Ol mausman bilong ol soka kantri insait long Osenia rion i bin autim laik bilong ol long dispela. Ol i mekim olsem long OFC kibung long Nadi, Fiji long mun Oktoba, 1991.

Kibung i bin kamap long taim bilong Anda 23 soka sempionsip long hap. Andrew Waho i bin makim Papua Niugini Futbal Asosiesen (PNGFA) long dispela kibung.

Em i tok olgeta memba kantri i toktok strong olsem PNG i mas gat fultaim opis na seketeri. Long wanem, dispela bai helpim ol wok na toktok bilong soka long kantri na Osenia rion long kamap gut. Na bai i gat gupela wok bung wantaim tu long ol kain kain senis nau i kamap long soka.

Dispela em wanpela bikpela samting ol eksekutiv bilong PNGFA bai skelim long kibung bilong ol long 15 Janueri, 1992.

Ol arapela samting bilong toktok tu long dispela kibung em; olgeta asosiesen i mas salim fi wantaim nem na adres bilong ol eksekutiv i kam long

Papua New Guinea Football Association, P.O. Box 1716, Boroko, N.C.D. Mani i ken kam long beng sek o mani stret,

- toktok bai sut tu long ol asosiesen husat i no baim o pinisim yet afiliesen fi, rejistresen fi na ol arapela fi nabaut,
- tingting bilong kirapim aidi (I.D.) kat sistem long olgeta pilaia. Na i min olsem olgeta asosiesen long kantri bai givim I.D. kat long ol pilaia. Ol pilaia i ken yusim ol dispela kat bilong kik long ol lokal resis, nesanel, rijonal na intanesenel kik resis. Wan wan senta bai i gat namba bilong ol yet,

- long apim pilaia rejistresen fi i go antap long K4 long olgeta hap bilong kantri,

- kirapim wanpela yut akademi o skul bilong lainim ol yangpela manmeri long kik na soka,

- long insurens na kompensesen (bekim mani) bilong ol pilaia.

K1 bilong helpim wok junia soka

Waho i tok sapos ol toktok i go orait long apim rejistresen fi bilong ol pilaia i go long K4, K1 bai go long wok bilong Junia Developmen Program. PNGFA i opim wanpela pasbuk akaun pinis wantaim K1,000.

Em i tok wok bilong junia developmen pro-

grem bai helpim dispela yut akademi. Wanpela fultaim nesanel Anda 14 skwat bai kamap long dispela yia. Long olgeta skul holide, dispela tim bai bung long trening na holim ol kik resis wantaim ol Anda 14 tim bilong ol arapela senta.

Long 1993, dispela nesanel junia skwat bai go long Anda 15 na nupela Anda 14 skwat bai kamap. Dispela program i ken go yet inap long Anda 20 we

ol i ken strong long go insait long ol bikpela skwat.

Ol bai toktok strong tu long wok bilong ol referi. Na wanem samting PNGFA inap mekim bilong helpim na strongim ol soka referi. Tripela saveman bilong ovasis long wok bilong soka referi bai kam long kantri long helpim ol referi bilong yumi long neks yia.

Ol bai toktok tu long painim sponsa bilong helpim wok bilong

PNGFA.

Waho i tok i gat tokwin na ripot i stap pinis long wokabaut bilong biknem tumbuna bilong soka, Pele long kam hia. Pele em biknem soka pilaia bilong kantri Brasil. Na nem bilong em i bikpela tu long wol.

Tasol planti toktok moa bai kamap. Bikos wokabaut bilong Pele bai kosim PNGFA samting olsem K50,000.

MOSBI SOKA ASOSIESEN (PMSA) 1992 KALENDA

24 Jan - Hara Kap K50. rejistresen fi bai i pas.

31 Jan - Klap afiliesen fi bai i pas. (K350)

18 Feb - Mosbi wimens skwat trening. (Kosa, Bobby Hemboring).

22 Feb - Hara Kap resis stat.

28 Feb - Rejistresen fi bilong ol pilaia bai i pas. (K20).

12 Mas - Sinia men skwat trening long Rijonel tonamen (kosa Joe Turja)

15 Mas - PMSA Jenerel Miting

16 Mas - Mosbi wimens skwat go long Goroka long Nesanel Wimens Taitel.

28 Mas - Hara Kap fainol.

11 Epril - PMSA 1992 propa sisen i stat.

25 Epril - Rijonel Tonamen bilong Sauten rjon bai kamap long Mosbi.

• Tupela susa bilong Atoni Jeneral tim i redi long memeim wanpis bilong NBC long namet long Pablik Sevans soka resis long las wik Sande. Tupela tim wantaim i dro 0-0.



Moa stail bai kamap long ol PSSA kik

i kam long pes 23

helpim ol long paulim kain stail bilong pilaia em PTC i save yusim.

Bikpela tingting bilong ol i mas stap tu long skoa na i no long holim bal tumas long midfil. Popat i mas grisim Colin long sutim moa ol longpela kik i go long golmak. Ating dispela inap tu long bagarapim isi futbol em PTC i save laikim long en.

PTC i stap long 10 poin long lata nau na em bai tingting long kisim narapela tupela poin gen bilong kalap i

go antap. Tasol PTC i no ken ting bai em i winim Yunivesiti long isi gem bikos Yunivesiti i ken tanim plet gen na stapim PTC long win.

Ol boi NPF bai bungim ol smok balus bilong DCA long namba wan gem bilong ol man long Sande. Dispela gem bai i wanpela gutpela gem tru. Long wanem tupela tim wantaim i gat strongpela fowat, midfil na fulbek. Husat bilong tupela i yusim gut het na bihainim gem plen

MOSBI PABLIK SEVAN SOKA DRO				
Sarere Desemba 21, 1991				
No.	Taim	Divisen	Pilai	
1	8.00	Men	UPNG	v PTC
2	9.10	Women	UPNG	v PTC
3	10.10	Men	NCDC	v Att/Gen
4	11.20	Women	Prim/Min	v Att/Gen
5	12.20	Men	Hat/Res	v NHC
6	1.30	Women	Teachers	v NHC
7	2.30	Women	NBC	v Lands
8	3.30	Men	POSF	v Lands

Sande Desemba 22, 1991				
1	8.00	Men	NPF	v DCA
2	9.10	Women	NPF	v DCA
3	10.10	Men	PNGBC	v Taxation
4	11.20	Women	PNGBC	v Taxation
5	12.20	Men	DPM	v Education
6	1.40	Women	DPM	v Education
7	2.40	Women	Health	v Elcom
8	3.30	Men	Health	v Elcom

Weekends Bye: Home Affairs (Men/Women)

Lido winim taitel . . .

i kam long pes 23

kik bilong Lido. Olsem na long namba wan hap bilong gem, no gat wanpela tim i skoa.

Long namba tu hap, ol fowat bilong Waromo, Thomas na Luis Kwantiki, Gerald Piakru na Bonny

Wasemo i painim hat tru long brukim banis bilong Lido. Long wanem David Moihe na Robby Dati i banisim ol gut tru. Thomas na Luis Kwantiki i no inap sutim gol.

I no longtaim na Robert Babia bilong Lido i givim wanpela pawa kik i go stret long umben bilong Waromo. Dispela i kam bihain long wanpela gutpela bal em Junia Paul Langro i kikim.

Fulbek bilong Waromo, Paulinus Habauk i stap yet long namel olsem na i gat spes long Lido i sutim gol.

Waromo i kisim wanpela gutpela penalti bihain liklik. Yangpela Gerald Piakru i traime umben tasol golkipa i paitim i go ausait. Olsem na long fultaim, Lido i autim Waromo long 1-0 skoa.

Long arapela gren fainal bilong A risev, Lido i nekim Asikai, 2-1 bihain long ekstra taim. Long resis bilong ol meri, Lido i autim Waromo 2-1. Moa long 500 manmeri i bin kamap bilong lukim ol dispela gren fainal kik.

OLSEM WANEN . . . SAPOS MI NO WIN

DISPELA bikpela kwesten i wok long kamap strong long tingting bilong planti tim insait long pablik sevans soka tonamen hia long Mosbi.

Olsem tasol, long kolum bilong mi las wik, yupela i ritim olsem planti tim i save komplem olgeta wik. Dispela samting i bin kamap long PSSA jeneral miting long las wik Trinde. Na wanpela eksekutiv memba, John Mogi i no wanbel wantaim dispela samting.

Em i tok aidia bilong Pablik Sevans Soka i wok long senis bikpela tru. Tingting bilong ol tim em i stap tasol long win. Olsem na bai planti trabel moa i kamap sapos yumi olgeta i no stat senisim tingting bilong ol pilai na sapota bilong yumi. Senisim ol long bihainim as tingting tru

bilong dispela tonamen.

TINGTING KAMAPIM HEVI

Ol saveman bilong spots saikoloji i tokaut pinis olsem, sapos dispela tin ting bilong win tasol i stap long ol pilai, em bai kamapim kain kain hevi insait long ol pilai o spotman. Dispela tingting bilong "mi mas win, mi mas win" i go na karampaim ol skil o we bilong wokim gut ol samting em yu i bin tren long en. Dispela em ol samting olsem 'kikim bal, tromoi gut ragbi bal, o ron gut long kolta rot'.

Taim dispela tingting bilong win tasol i karamapim ol samting yu tren gut long en, bai yu popaia na mekim mistek klostu klostu. Sapos yumi i strongim tingting



bilong ol spotman bilong yumi long kik gut tru, o pasim gut tru bal, em bai gutpela tru.

Long taim bilong trening, em bai traim hat tru long lainim gut ol we bilong kamap gutpela spotman. Orait, long taim bilong gem tru tru, ol pilai bai traih hat tru long kik gut bihainim we yu skulim ol long trening. Aidia bilong win i stap - tasol, em i stap namba tu. Namba wan samting em i bilong wan wan man i mas kik gut na kik gut tu

olsem tim. Sapos dispela tupela samting i go gut, bai yu lus olsem wanem?

IVAN LENDAL - TENNIS

Ivan Lendal em i wanpela biknem bilong tennis. Em i stap namba wan pilai bilong wol. Na tu, em i winim planti mani tru long dispela spot. Em i winim olgeta bikpela tennis tonamen. Wimbledon tasol, em i no winim.

Olgeta yia, em i save tren hat tru long ol gras kot (pilai graun bilong tennis). I gat spesel program em i save yusim long trening. Tasol, oltaim em i save lus. Watpo?

Dispela i bikos tingting bilong em i stap strong tru long winim Wimbledon taitel. Na dispela

tingting i pasim tru tingting na ol stail em i tren hat tru long en. Olsem na em i stap lus yet.

Planti ol dispela samting i stap insait long wanpela liklik buk em David R Boorer A Troy H. Engle i raitim. Nem bilong dispela liklik buk em "Peak Performance - A Mental Preparation Handbook For Sportsmen And Sportswomen In The South Pacific". Buk stua long Yunivesiti bai gat dispela buk. Em i wanpela gutpela liklik buk we ol pilai, ol spot kosa na ol edministreta i mas ritim.

Saut Pasifik Gems i bin givi-maut planti ol dispela buk tu long taim Gems i bin stap. Sapos yu putim long kona, plis ritim o givim ol arapela lain long ritim.

Lido winim olgeta taitel bilong Vanimo

OL biknem soka klap olsem Waromo, Lido, Yako, Guria na Sandaun i stap na apim nem bilong soka long Vanimo. Ol i save kamapim ol kain kain stail bilong soka na pulim planti manmeri bilong kam lukim.

Long dispela yia 1991, bikpela gren fainal long Vanimo soka i bin kamap long las wik Sarere. Dispela fainal i kamap namel long tupela olupela sempion na biknem klap, Lido na Waromo.

Pilai i bin stat stret long 5 klok apinun. Referi em Baltaza Kipit.

Planti manmeri i no klia long husat tim bai winim fainal. Long wanem tupela tim wantaim i gat ol stail manki na gem bilong ol i gutpela.

Taim pilai i stat, tupela tim wantaim i banisim na lukautim gut ron bilong bal. Lido i gat ol gutpela straika olsem Bonny Tulu, Junia Paul Inagro, Tonny Babia na Luis Warike. Ol straika bilong Lido i bin pairapim golmak bilong Waromo klostu klostu. Na i bin gat planti sans bilong skoa.

Tasol fulbek bilong Waromo, Paulinus Hababuk i wok hat na stapim ol strongpela

i go moa long pes 22

Moa stail bai kamap long ol PSSA kik

NAMBA 8 raun kik bilong Mosbi pablik sevans soka resis bai kamap long dispela wiken.

Na ol bai kamap wantaim moa stail gen. Long wanem i gat bikpela senis i kamap gen long poin lata bilong resis. Na dispela bai kirapim tu bel

bilong wan wan klap long pilai hat na winim ples antap long arapela tim i stap klostu long ol.

Mosbi Pablik Sevans Soka Asosiesen i autim pinis opisal poin lata bilong ol long dispela wik.

Na lata i soim planti senis long ol top tim bilong ol man. PTC i

lusim tupela poin long sampela asua. Na DCA wantaim DPM i go pas long namba wan ples nau. Nupela tim PNGBC tu i kalap i kam daun gen.

Long resis bilong ol meri, Edukesen em kwin bilong kik. Na olgeta arapela tim i bihainim. I gat sampela

senis tu we olgeta tim i gat poin nau long lata. Na no gat wanpela i karim draipela kiau yet. Dispela emi gutpela.

Long Sarere, 21 Desemba 1991, Atoni Jenerel bai bungim Nesenel Kapitel Distrik Komis (NCDC).

Kik bilong dispela tupela tim bai kirapim liklik paia tu. Long wanem ol boi bilong Francis Kasau na Luke Mongo i soim pinis gutpela stail bilong kik las wiken long winim namba wan gem bilong ol. Na dispela i kirapim pinis bel bilong ol long winim olgeta arapela gem bilong ol i stap yet.

NCDC i mas lukaut gut long Kasau long wanem dispela mani save wel olsem malio. Na i save stap long olgeta kona bilong fil bilong mekim NCDC i kirap nogut na umbem i meknais.

Tasol long narapela sait, pawa bilong NCDC i kirap nau. Olsem na sapos Mongo i no samsam gut long golmak, umben bilong Atoni Jenerel bai solap.

Long narapela gem, Yunivesiti bai bungim PTC. Ol boi bilong pulim telipon waia i pundaun i go long namba tu ples nau. Olsem na bikpela ting-

ing bilong Gabriel Pise na ol kas bilong PTC em long win, win, win tasol.

Tasol PTC i no ken traim pilai kaskas long Robert Popat na ol Yunivesiti poro bilong em. Bikos ol tu i save long kik na i ken tanim plet na mekim PTC sapos PTC i no banisim gut golmak.

Popat i mas toktok oltaim long fil long ol wanpilai bilong em. Em i no ken pasim maus na tokim ol boi long no ken pulim bal longpela taim tumas. Ol i mas traim sampela stail bilong 'wantas' futbol. Ating dispela inap i go moa long pes 22



• Biknem soka pilai, Adam Lema i abrusim gut tru pilai bilong UPNG long las wik Sande long Pablik Sevans soka resis. Elcom i winim UPNG long 3-0.

NPF winim Hom Afeas wantaim 7 pilai tasol

i kam long pes 21

ating NPF inap lusim nating tupela poin long fofit. Na dispela bai kamap olsem namba wan fofit bilong sisen. Na namba wan lus bilong NPF.

Wanpela narapela gutpela gem bilong wiken i bin kamap long Sarere. Dispela em



long taim ol yangpela kauboi bilong DCA i nokim het bilong nupela tim na lain husat i bin go pas long resis, PNGBC. DCA i winim PNGBC 2-1. Na dispela i bin wanpela gutpela gem tru.

Win bilong DCA i givim sans long en long go antap nau long

namba wan ples wantaim DPM. Tupela wantaim i stap long 11 poin. PNGBC, Elcom na PTC i ron long bak-sait bilong tupela wantaim 10 poin. NPF i bosim namba 3 ples wantaim 9 poin na Taxation wantaim Natres i lukautim namba 4 ples long 8

poin. Edukesen na Lands i kam antap lukautim nau namba 5 ples.

Olsem na resis bilong ol man long namba wan 5-pela sia long lata i paia nau. Dispela i min olsem kain kain samting i ken senisim ol top tim.



pes 24

Ol balus boi i gat bikpela wok bilong skelim gen NPF

DIPATMEN bilong Sivil Eviesen (DCA) i gat bikpela wok long dispela wiken.

Em bai bungim ol yangpela boi bilong Nesenel Providen Fan (NPF) long namba 8 kik bilong ol man long Mosbi pablik sevansoka. Na dispela kik bilong Sande, 22 Desemba bai i gutpela tru bilong lukim.

DCA nau i go pas long resis lata bilong ol man. Na DPM i ron wankain tasol wantaim em. Tasol long skelim namba bilong ol gol em tupela tim i kikim, DCA i go pas long dispela.

Na long dispela wiken, i gat bikpela traime stret bai i kamap. Sapos ol boi bilong DCA i no plai antap tumas, ol paitman nogut bilong NPF bai bomim ol.

Long ol 7-pela gem em DCA i kik pinis, em i bin winim 5-pela, dro long wanpela na lus long wanpela. Long ol dispela kik, ol straika bilong en i bin sutim 24 gol. Na ol birua tu i bekim wantaim 15 gol.

Tasol long NPF em i narakain stori liklik. Ol i pilaim tasol 6-pela gem pinis. Na dispela wiken egens long DCA bai

MOSBI PABLIK SEVAN SOKA RIPTO


FRANCIS ULIAU i raitim

makim namba 7 gem bilong ol. Long ol dispela gem ol boi NPF i kik, ol i bin winim tripela na dro long tripela. Ol i no lus long wanpela gem yet.

Olsem na bikpela kik egens long DCA long dispela wiken i samt-ing bilong traime bun. Bikpela laik bilong win i stap yet long ol boi NPF. Na tu i gat planti kain kain toktok i kamap long tim. Olsem na ol kauboi bilong NPF bai strong tru long winim gem.

Olsem presiden Augerea Rage i tok bihain long ol i autim Hom Afeas, 2-1 las wiken, "Sapos yupela inap winim gem bilong neks wiken (min long dispela wiken), em i soim ples kliia olsem NPF bai resis long fainal bilong dispela yia."

Tasol dispela olgeta samt-ing i stap long wanem kain tingting ol boi NPF yet i gat long soka. Sapos ol i laikim dispela toktok i kamap



tasol. Na dispela i no gutpela.

Olsem na sapos ol boi bilong NPF i no inap tingting strong

long kik na laik kam bihain olsem long Sarere, DCA bai bagarapim gutpela tim spirit bilong ol long win nau i stap.

tru, ol i mas kamap long fil wan aua pastaim long gem i stat. Na dispela i min long 7 klok moning. Na i no ken bihainim kain stail bilong las wiken we 7-pela pilaia wantaim golkipa tasol i go insait long fil.

Narakain samt-ing olgeta i bin kamap las wiken long ol boi NPF. Ol i bin winim Hom Afeas, 2-1 las wiken. Tasol long lukluk bilong planti sapota, dispela win i no bin gutpela. Bikos planti lain i ting NPF bai winim gem long bikpela skoa. Tasol em i win long wanpela gol

• Fulbek bilong Atoni Jenerel i solm stail.

Difens na Verave lusim primia divisen long Mosbi soka resis

BUANG Futbol Klap (BFC) bai kik namba tu taim gen long prima divisen resis bilong Mosbi Soka Asosiesen (PMSA) long 1992 sisen.

Seketeri bilong PMSA, William Vui tok tupela klap long prima divisen i go daun pinis long namba wan divisen. Tupela klap ya em Difens na Verave soka klap. Tupela tim long namba wan divisen husat i kamap top long dispela yia em BFC na Koupa. Tupela bai traime strong bilong ol arapela primia tim.

Koupa em nupela tim long kamap long prima divisen.

BFC i bin pilai long prima divisen long 1990. Tasol em i lusim dispela divisen na go daun long namba wan divisen gen long dispela yia. Olsem na neks yia bai em i go antap na traime gen.

Long namba wan divisen, Mou Kaisi na Korion i winim ples pinis long dispela divisen. Tupela i stap long seken divisen tasol PMSA i luksave long win bilong tupela, na apim tupela i go antap long namba wan divisen.

Tupela tim long namba wan divisen husat bai i go daun long namba tu divisen em Maset na Milen Be Yunaitet.

PMSA i bin pusim Maset i go daun bikos long ol trabel em i kamapim long dispela yia long ol fainal raun bilong resis.

INSAIT

• Pilaia paitim ampaya long Madang sofbal p20

• Mosbi Wimens sofbal dro p20

• Madang sofbal lata p20

• NPF win wantaim 7-pela pilaia tasol p21

• DCA bosim Mosbi Pablik Sevis lata nau p21

• Mosbi Pablik Sevis lata p21

• Osenia laikim PNG gat ful taim seketeri p22



• Mosbi Pablik Sevis dro ... p22

- PES 23

• Lido winim olgeta stail long Vanimo p23

• Moa stail bai kamap long PSSA kik p23

NPF laikim Mune tasol . . .

SAMPELA tim bai painim taim gen bihain tasol long Isten Papua Kanivel (EPC) soka i pinis. Bikos ol pilaia bilong hap bai laik go kik long pablik sevis soka resis gen.

Dispela bai kamapim hevi. Long wanem, sampela bilong ol dispela pilaia i no laik go kik stret wantaim dipatmen o ogenaisesen ol i wok long en. Ol i laik go kik long ol arapela tim. Na dispela i kamapim bikpela hevi. Bikos sampela klap i no laik lusim tasol ol pilaia i go.

Wanpela kain hevi olsem i stap yet namel long NPF na PTC long pilaia, Steven Mune.

Ol ripto i kamap long Wantok i tok Mune i laik go kik long NPF soka klap. Tasol em i no inap mekim olsem bikos PTC i no givim tok orait. Bikos ol i tingting long insurens bilong em.

Wanpela mausman bilong PTC i tok aninit long ol bilong ogenaisesen, i gat insurens i karamapim olgeta wokman na meri bilong ol. Na dispela i bilong 24 aua olgeta. Olsem na sapos NPF i laikim Mune long go pilai wantaim ol, orait ol i mas sekap long insurens namba bilong Mune. Sapos dispela i stap, ating ol samt-ing bai go het.

Klab presiden bilong NPF, Augerea Rage i raitim pinis wanpela pas i go long PTC soka klab menemen na askim long kliaim Mune. Na dispela pas i stap nau wantaim presiden Peter Tiran na Jonathan Mohang. Tupela man ya bai skelim pas na autim tingting bilong ol long kliaim Mune o no gat.

Rage i tok sapos PTC i bin kliaim Savo Paulus long go kik long narapela tim, "bilong wanem na ol i no laik mekim wankain samt-ing long Mune?"

Long bekim, dispela mausman bilong PTC i tok ol i kliaim Paulus bikos tim husat i laikim em i mekim olgeta wok bilong go sekap pastaim long ol samt-ing na bihain salim pas. Tasol NPF i no mekim olsem long kisim tok orait bilong pilaim Mune.

Tasol maski wanem samt-ing i kamap, tupela tim wantaim i gat ol gutpela pilaia nau i stap. Na ol i wok long resis strong tu long lata. Olsem na ating no gat planti senis bai kamap sapos Mune i kik o no gat.

Printed and published by Anna Bernadette Solomon, of Bitten Place, Gordons, at Allotment 2, Section 209, Hohola.

BENSON and HEDGES

KRISMAS



MARIA

KARIM JISAS

LUKIM:

Mathew 1: 18-25
Luke 2: 1-7

JAY 2011

Krismas em taim bilong painimaut long Jisas na ol pipel - Rev. Kidu

KRISMAS em taim nau bilong mipela long painimaut long Jisas, na laip bilong ol pipel long dispela graun: Mama Maria i bin karim Jisas olsem wanpela rabis pikinini, tasol long gutpela we. Em i kamap olsem wanpela pipia man, tasol em i stap long gutpela

Krismas toktok i kam long Rev. Edea Kidu Modereta Yunaitet Sios long Papua Niugini na Solomon Ailan

amamas laip. Em i sanap wantaim ol rabis pipia pipel na bringim gutpela toktok i go

long ol pipel. Dispela em long ol mani na rabis pipel wantaim.

Long Jisas yet, God papa i soim em yet long gutpela pasin em ol manmeri bilong

dispela graun i mas bihainim, long kamapim gutpela sindaun.

Taim bilong krismas i soim dispela taim. Santu Paul i tokaut olsem dispela em i taim bilong ol mani pipel husat i lusim ol dispela gutpela samting na kamap olsem ol pipia wok boi.

Dispela em God husat i save kamap long ol pipia manmeri long mekim ol i pilim amamas na gutpela.

Na ol mani pipel bai painim hat long bilip long stap wantaim Jisas. Taim mipela i tok Jisas em pikinini bilong God, mipela i min olsem God yet i poroman bilong painim pis long Galili, ol man bilong kisim takis, ol manmeri ol pipel i no laikim, bilong ol sin manmeri.

God i lukim pasin bilong wan wan pipel, i no long bikpela masin bilong lukim ol liklik samting em ol i save kolim teleskop. Em i save glasim wan wan pipel long graun long save na laik bilong em.

Wanem samting i mekim laip bilong Jisas (man bilong Nasaret) i kamap moa gutpela, em God yet i painim taim wantaim em olsem wanpela man em ol pipel long sosaiti i no laikim, na raunim i go stap long narapela hap bilong em yet.

God i no inap long larim ol pipel husat i laik givim pen o bagarapim Sperit bilong Jisas long senis, na tu gutpela pasin bilong em.

Long Jisas i gat pawa bilong egensim dewel nogut, pasin nogut, ol pasin we i egensim o i no bihainim lo na griti pasin.

Krismas i soim stret dispela olsem Jisas em wanpelas man husat i gat moa fridom, na i laikim pasin bilong laikim ol pipel. Krismas i soim salvesen bilong God long Jisas. Dispela salvesen i no bilong bihain taim tasol, no gat. Dispela salvesen i bilong nau yet tu we i kamap pinis long kamap bilong Jisas Kraus.

Sperit bilong Krismas i mekim mipela i luksave long ol pipel husat i no gat gutpela sindaun, em sosaiti i no laikim ol, i gat sik na i no save amamas long pilim gutpela na amamas olsem ol arapela manmeri bilong graun.

God i mekim ol samting long graun wantaim man. Na i no long man i kamap narakain we em i no inap wankain olsem ol arapela manmeri.

Your overseas Christmas call could win you K105!

From now until January 1st, Business and Residential subscribers on the Ela Beach and Gerehu exchanges making IDD calls to Band 3 countries, could win one of 30 Phone Bill credits valued from K50 to K105!

10 PRIZES of K105
10 PRIZES of K 85
10 PRIZES of K 50

To be drawn on January 29th, 1992. Winners will be announced in the press, on 31st, January 1992 and informed by mail.

Here's What To Do:—

- ★ Make any number of IDD calls to any country on the K3.50 per minute IDD rate.
- ★ Each of the call duration must be 15 minutes or more.
- ★ Calls must be dialled between the 18th & 31st December 1991
- ★ At the back of an envelope, write your: Name; Phone Number; IDD Country Code & No. you dialled; Date of call and call Duration
- ★ Then mail envelope to:

**Dial an IDD Competition,
Post & Telecom,
c/o P.O. Box 6079,
BOROKO, NCD.**

NB. PTC employees and their families are not eligible to take part.



Post & Telecom

Keeping you in touch

Ol Irian Jaya pipel long Is Awin refuji kem redi nau long amamasim 1991 "Hari Natal"

IAN KAKARERE | raltim

KRISMAS i kam klostu nau na planti manmeri long Kiunga, Westen provins i redi long amamasim Krismas na Nu Yia.

Planti memba bilong ol kain arapela sios i redi nau long Baibel stadi, na redi long putim kamap ol Baibel pilai bilong Krismas we i soim mama Maria i karim pikinini Jisas long haus bilong ol bulmakau.

Siaman bilong Kiunga Yunaitet Sios, Leana Moere i tok olsem ol memba bilong sios bai mekim Baibel stadi bilong Krismas i go inap long Nu Yia.

Bihain ol bai stadi long stori bilong Olpela Testamen na kamap long laip bilong "John the Baptis" na Jisas yet. Moere i tok ol memba bilong sios bai stadi moa long laip bilong Jisas taim mama i karim em i go inap long namba wan wok bilong em long Kenan.

Long Nu Yia stret, ol sios memba bai traim ol wan na sios memba long holim pasim Jisas i stap olgeta taim long laip bilong ol. Moere i tok ol memba bilong Yunaitet sios i mekim dispela stadi bikos olgeta memba i mas strongim bilip bilong ol pastaim long taim bilong Krismas na Nu Yia.

Em i tok nau planti manmeri i yusim Krismas bilong amamasim ol pren na mekim pati nambaut. Planti i toktok long amamas bilong Krismas long redio na televisen. Na i no gat wanpela gutpela stadi bilong

Baibel i kamap namel long ol sios memba. Mama bilong Jisas i karim em long smel ples. Tasol pikinini husat i kamap long dispela ples nogut bai kisim yumi i go long Heven.

Katolik sios

Wankain Baibel stadi na pilai em olgeta memba bilong Katolik sios long Kiunga bai kamapim tu long amamasim krismas. Pater Gilles Cote i tok olsem olgeta memba bilong Katolik sios long St. Gerald Sios na St. Bridgids Sios i putim moa taim nau long stadi long Baibel.

Is Awin refuji kem


Pater Cote i tok em wantaim ol arapela pater bai traim long mekim lotu long olgeta sios insait long Not Flai eria bilong Westen provin. Tasol nau yet long Is Awin refuji kem, ol pipel i ogenaisim nau saplai bilong ol long Krismas.

Menesa bilong Is Awin refuji kem, Chris Kati i tok olgeta manmeri insait long refuji kem i redi long kukim planti flaua bilong Krismas. Kati i tok ol manmeri bilong Irian Jaya husat i ranawe long gavman bilong Indonesia i save laikim tru long amamasim Krismas "Hari Natal" wantaim lotu na pati.

Em i tok bikpela samting we ol pipel bilong Irian Jaya i save amamas long mekim long dispela taim em long kukim flaua. Olsem na ol i bungim suga, flaua, na ol arapela samting pinis. Olgeta dispela samting i kam long ol arapela refuji husat i stap long Kiunga. Nau yet planti i salim kaikai long Kiunga maket long kisim inap mani bilong amamasim dispela bikpela bung.



• Arthur Iral i stretim ol Krismas Diwai em planti manmeri bai mangalim tru. Planti haus bai yu lukim i gat ol Krismas Diwai we i makim bikpela mining long taim bilong krismas.



HOHOLA
softdrinks

Manufacturers of Softdrinks & Cordials throughout PNG

We wish our Valued Customers a Merry Christmas and a Prosperous 1992.

Authorised

Tarax

Bottlers

Hepburn
Spa
Mineral Waters

SPARKA

SUNCRUSH
CORDIALS
& JUICES

25 4435

FAX (254029)

HOHOLA SOFTDRINKS PTY. LTD.

Cnr. Koani & Gabaka Streets, Gordons,
P.O. Box 5642, Boroko, 25 4366
Port Moresby, 25 4045
Papua New Guinea. 25 4990



• Joe Lohori i soim ol "toy" o ol presen bilong ol pikinini insait long "toy" seksen bilong Burns Philp supamakot long Mosbl.

Sampela bai mekim promis long stap smok o drink bia

LEO WAFIWA i raitim

KRISMAS i kam klostu nau. Na planti manmeri long dispela graun i tingim olsem kris-mas em i taim bilong amamas, pati na holide.

Kain kain samting i save kamap long amamasim dispela taim we mama Maria i karim Jisas long ples slip bilong Bulmakau long Bettle-hem.

Planti 1,000 manmeri long kantri na wol bai tingim bilip

bilong ol long dispela na go long lotu, o stap insait long wanem kain ol bung sios bilong ol i ogenaisim long amamasim dispela de.

Planti manmeri i save yusim dispela taim tu long mekim kain kain promis. Ol manmeri husat i save smok na drink bia bai mekim promis olsem ol i no inap drink o smok moa, o stap long sampela yia samting.

Promis em wanpela bikpela samting. Mi no save hamas pren bilong mi bai bihainim

dispela promis. Mi yet mi no wanpela man bilong bihainim promis.

Sampela bai yusim dispela bikpela taim bilong amamas long planim ol diwai olsem kokonas.

Narapela bikpela samting em ol manmeri long Mosbi siti husat i lusim ples na kam stap hia long wok raun nating bai tingim amamas bilong ples.

Mi ken tok amamas long ples i moa gutpela long ol siti na taun. Sampela em ating ol i rere nau long kisim balus na

go holide long ples wantaim famili bilong ol.

Ol manmeri bilong ol ples ausait long Mosbi siti bai kisim ka na go pulap long ples. Em sans nau bilong sampela manmeri husat i no bin lukim ples na lukim stret long ai bilong ol.

Ol lain bilong Kerema bai pulapim ka na go daun long solwara ples. Ol lain long Sentrel bai bihainim haiwe i go olsem long Hiritano o Magi haiwe.

Bikpela samting em tingim

laip bilong yupela. Bikos planti birua pasin olsem ka i pam, na ol raskol i stapim ka na hen-sapim pasindia i save kamap tu long dispela taim.

Mipela ol lain bilong Ingwe provins olsem Is na Wes Sepik bai kisim taim liklik long go long ples. Bikos pe bilong baim balus na i go i bikpela moa.

Mi bilip dispela em wanpela bikpela hevi planti wantok bilong mi i bungim nau. Bikpela prais bilong Air Niugini i stapim planti pipel bilong ausait provins long go holide long ples liklik.

I gutpela long mipela ol kain lain olsem long bungim ol wantok bilong mipela yet na holim liklik kaikai. Bikos dispela em wanpela taim long olgeta yia em mipela i ken yusim long lukim olsem mipela i stap yet o indai pinis.

Long wanem Mosbi em bikpela ples tumas na i hat tru long go raun long haus bilong ol wantok long olgeta wiken. Olsem na ol i no save sapos mipela i stap laip yet o indai pinis.

Tasol bikpela samting em tingim laip bilong yupela. Nogut yupela i lusim mak bilong amamas na painim birua, na yupela i no inap bungim sans bilong lukim Nupela Yia, 1992.

Em taim bilong ol pikinini long amamas gut

TUPELA gutpela taim bilong ol pikinini long amamas em long Krismas na Betde bilong ol. Dispela em tupela taim, planti pikinini i save amamas tru.

Mi ken tingim taim mi pikinini na save go long lotu wantaim papa na mama bilong mi. Mi bai amamas long lukim ol gutpela bilas long haus lotu.

Na tu long wokabaut i go long alta insait long haus lotu, na lukim Krip i soim piksa we Maria i karim Jisas long haus kaikai bilong ol bulmakau.

Na tu em i taim bilong putim gutpela klos laplap.

Ol famili husat i no gat planti mani, dispela em wanpela taim bilong yia ol i save baim nupela klos laplap. Bikos ol i laik go lotu wantaim nupela klos laplap long amamasim kamap bilong Jisas.

Long ol pikinini, ol bai i no inap lus tingting long ol gutpela pati em i save kamap long ples. Na tu ol i save rere long lukim bikpela brata o susa o ol arapela famili memba husat i stap longwe. Ol i save olsem em i taim nau bilong bungim ol famili memba gen.



We share and care nationwide

No ken tingim amamas bilong nau tasol, nogut bilong bihain i bagarap

DAVID WAMBI i raitim

LONG ples bilong mi, i gat wanpela hap toktok olsem: "Maski sapos yu pulimapim gut wara long sospen na karim long longpela rot i kam, tasol sapos yu mekim wanpela liklik asua taim yu laik go antap long haus, dispela sospen wara i ken pundaun o kapsait long dua bilong haus."

Dispela em hap tokbokis ol bikman long eria bilong mi i save tokim ol yangpela man long lukautim ol yet long bihain taim. Ol i min olsem maski yu statim gut laip bilong yu, wanem samting i kamap long bihain em bikpela samting, na i ken bagarapim laip bilong yu. Na tu sapos yu lukluk gut na statim laip bilong yu, yu ken bagarapim long bihain taim.

Long bihainim dispela tokbokis, wanpela yangpela man Papua Niugini i bin skul long wanpela yunivesiti long Australia. Bihain long em i skul gut long 6-pela mun, em i pinis long skul wantaim bikpela namba ol i kolim "masters degree".

Na long nait bihain long gre-

Taim bilong go bek long ples

SAM YAKAM i raitim

KRISMAS em i bikpela de bilong olgeta kristen manmeri bilong dispela graun long amamasim de bilong Jisas.

Planti i redi long kaikai na amamasim ol yet. Planti pati bai kamap long amamasim ol nupela marit na ol nupela man husat i soim fes long ples.

Yangpela na lapun bai amamas na bihain sori bilong lusim ol yet bai bikpela tumas long amamas ol i gat long taim bilong krismas. Pig, kakaruk na ol manmeri bai i no gat nais. Dispela bai soim klia long sori bilong ol mamapapa na ol arapela famili memba husat bai i stap bek gen long ples.

"Klostu long krismas mi bin i gat bikpela tingting long kamap long ples na lukim olgeta dispela samting. Tasol nau mi bai i no inap lukim olgeta amamas ya. "Mama na papa bai i no inap amamas long lukim ol arapela manmeri wantaim olgeta pikinini na ol i no gat." Tupela bai i gat bikpela sori long lusim mipela ol famili memba husat i stap long we long Lae.

Nau yet mi i no amamas long lusim papa na mama bilong mi. Na tu ol arapela gutpela pren husat bai kamap long ples long lukim krismas. Taim mi liklik manki, mi save amamas long harim pig karai, kakaruk singaut na ol manmeri amamas long moning taim tru. Karuk karai long moning bai kirapim olgeta manmeri wantaim bikpela amamas.

"Nau mi sindaun tingting planti long olgeta amamas bilong krismas long ples." Planti pren bai askim long mipela ol arapela husat i no kamap long ples. Mi yet bai lusim olgeta amamas bilong dispela krismas.

duesen, dispela yangpela man wantaim sampela pren draiv i go long wanpela klap long amamasim greduesen bilong ol. Sampela aua bihain, ol draiv i go bek long yunivesiti. Tasol ka i ran i go ausait long rot, na dispela yangpela man PNG i dai.

Las wik long Mosbi, 10-pela pipel i bin dai long tupela birua long rot. Long namba wan birua, 5-pela memba long wanpela famili i dai wantaim wanpela pikinini em mama i no karim yet. Dispela birua i

bin kamap long Gerehu.

Wanpela Mazda Utility ka bilong NCDC i pam wantaim wanpela Toyota station wagon long wanpela kona bilong rot. Na ran i go ausait long rot na kilim olgeta famili ya. Dispela famili i bin wok long kontrak wantaim NCDC long klinim sait bilong rot.

Long namba tu birua, tripela pipel i dai stret long Morata bihain long wanpela PMV bas i pam wantaim narapela ka. Ol dispela birua i kamap long Mosbi. Ol kain birua olsem i

mas kamap long ol arapela eria bilong kantri tu.

Long namba wan birua, wanpela i ken tingim olsem wanpela liklik famili husat i no gat planti mani, tasol i redi na wok hat long lukim na amamasim Krismas na Nu Yia.

Papa i tingting long baim liklik 6 peks bia bilong em wantaim ol arapela liklik krismas presen ol i plenim long baim, mama i wetim kamap bilong nupela pikinini long nu yia, na ol pikinini i redi long narapela skul yia.

Tasol ol dispela plen bai i no inap long kamap bikos long birua nogut em i bin tupela wik bipo long Krismas.

Ol bikpela toktok i no gat bikpela mining long tude. Olsem na bai mi stap long hia. Tasol Krismas i kam klostu long givim liklik aidia long yu sapos yu ritim dispela stori: "Plis stap laip long dispela Krismas long amamasim narapela krismas long 1992."

Meri Krismas na Hepi 1992 Nu Yia long yupela olgeta.



Siaman, ol memba bilong Bod na ol wokman na meri bilong Papua Niugini Benking Koperesen i laik tok

Meri Krismas na Hepi Nu Yia

long olgeta Kastomas bilong ol.

Tenkyu tru long stap yet wantaim Nambawan Benk bilong Papua Niugini.



PAPUA NEW GUINEA BANKING CORPORATION

Krismas toktok i kam long ol bikman bilong Pogera join Venja

Pogera Join Venja laik kisim moa lokol wokman long 1992

DISPELA yia, 1991 em i wanpela gutpela yia bilong Pogera Join Venja kampani we em i kamapim planti gutpela samting long wok bilong em. Na tu em i wanpela gutpela yia long ol wokman bilong em.

Long sait bilong prodaksen, kampani i mekim nupela rekot long prodaksen bilong gol long Papua Niugini na arapela hap

tu.

Kampani i go insait long Stet 2 bilong mekim Pressure Oxidation Plant. Dispela em i namba wan taim bilong mekim wanpela kain masin olsem insait long Saut Pasifik rijon.

Na tu wok bilong mipela long kisim gol aninit long graun (underground mining) i gutpela olsem bilong ol arapela

hap long wol. Bikos mipela, i yusim ol nupela kain masin we ol pipel i no inap long pret taim ol i wok.

Mi bilip olsem Stet 1 na 2 Konstraksen Progem em wanpela bilong ol namba wan bikpela konstraksen projek em mipela i bin pinisim aninit long baset long Papua Niugini.

Long luksave long gutpela

wok em ol Prodaksen Dipatmen na Grup i kamapim long dispela yia, mipela i luksave olsem sapos i no gat sapot bilong ol kain kain Main Dipatmen olsem Len (Graun) na Komyuniti Rilesen, Sekyuriti, Edministresen na Bisnis Developmen, ol dispela senis bai i no inap long kamap.

Wantaim kamap bilong Stet 3

Konstraksen na Projek bilong mipela i groa yet i go bikpela.

Mipela lukluk i go het olsem long 1992, gutpela wok bai kamap insait long kampani.

Long trenim ol lokol pipel long kisim ples bilong ol waitman insait long kampani em bikpela samting o senis kampani bai lukluk long en.

Mipela i mas strongim yet wok bilong mekim gutpela pren wantaim ol pipel, provinsal gavman, papa graun na kain kain grup insait long provinsal na lokol komyuniti long nupela yia.

Mas i gat gutpela sapot long dispela projek i kam long ol pipel bilong Enga provins, wantaim bilong Papua Niugini. Bikos dispela em bikpela samting long mekim wok bilong dispela projek i kamap gut na groa bikpela moa.

Long pinisim toktok bilong mi, mi laik tok amamas i go long olgeta wokman bilong Pogera Join Venja wantaim famili bilong ol olsem, Meri Krismas na Hepi Nu Yia long yupela olgeta.

**Victor V. Botts
Jenerel Menesa
Pogera Join Venja**

Wok long Pogera karim kaikai long 1991

Mi laik kisim dispela sans long tok tenkyu.

Long olgeta wokman long wok gutpela wok i kamap long Pogera long 1991.

Yumi winim planti samting tru em yumi tok long winim long dispela yia long projek. Olgeta rul bilong maining long lukautim ol wokman i wankain long intanesenel lo. Na long wankain taim tu yumi laik stretim moa.


Wok bilong yumi aninit long graun na tu long fektori i bihainim ol plen. Ol saveman bilong gol i makim stretim hamas gol bai yumi kamapim. Ol enjinia bilong yumi i kamapim ol samting bai yumi yusim long daunim namba bilong ol wokman bilong yumi. Dispela i mekim isi long yumi long bekim ol mani yumi yusim long wokim projek.

Ol lain i painim gol antap long graun i mekim gutpela wok tu. Ol i painim gol na tu rausim ol pipia. Olsem superintenden bilong ol dispela lain, Arthur Hood i tok, "Mipela inap long wokim olgeta samting." Mi bilip olsem olgeta seksen bilong projek i wankain.

Mi bilip olsem bai nogat wanpela hevi i kamap nau na long bihain taim. Mi ting dispela em gutpela long wok bilong yumi. Yumi gat ol gutpela wokman na namba wan gol main long wol.

Meri Krismas na Hepi Nu Yia long yupela olgeta.

**Peter Harris
Production Manager**



More power to the people, that's exactly what Elcom is doing under our rural electrification programme and with our new Minimum Supply Kit, a power box designed especially for the Papua New Guinean village house, we will give villagers an easier and cheaper access to electricity.

The Minimum Supply Kit, a new Elcom concept to boost rural electrification.



ELCOM

Living better electrically

Krismas long Wirui Peris, Wewak bai i wankain tasol

LEO WAFIWA i raitim

NO GAT bikpela senis bai kamap long lotu na ol samting olsem em bikpela Katolik peris long Is Sepik, Wirui bai i oge-naisim long amamasim kamap bilong Jisas Kraus.

Pater John Dwyer i tok olgeta lotu na amamas long Wirui Peris insait long Wewak taim bai i wankain olsem long bipo. "Amamas long Wirui bai i wankain tasol," em i tok.

Long redi long Krismas, bikpela Karol Nait bai i kamap long Mande Desemba 23. Dispela bung bai i kamap ausait long bikpela haus lotu long Saunsel.

I gat bilip olsem planti 1,000 Katolik manmeri na pikinini

Spesel yia bilong Pogera

1991 em wanpela spesel yia bilong Pogera Join Venja.

Dispela yia em mipela makim long statim operesen bilong mipela bai pinis nau. Mi bilip mipela i winim olgeta samting mipela i laik mekim.

Mi bilip bai ol wokman bilong PJV i amamas wantaim mi long gutpela wok i kamap long dispela projek long taim yumi stat i kam inap nau. Olgeta seksen bilong wok i bungim stret mak ol i laik bungim.

Em i gutpela samting tru olsem olgeta wokman bilong kain kain hap i wok bung wantaim long kamapim dispela wok. Long makim PJV menesmen, mi laik tenkim olgeta wokman long mekim 1991 i kamap wanpela gutpela yia.

Mipela i laik salim amamas bilong Krismas na Nupela Yia i go long yupela olgeta.

1992 bai bringim planti ol nupela samting na senis. Mi gat strongpela bilip olsem wantaim dispela gutpela wok bung wantaim i stap pinis, mi ting yumi inap long mekim wankain long 1992. Mi laik tok tenkyu gen long gutpela wok yupela mekim long 1991.

Doug Fraser
Resident Mine Manager

Taim bilong ol pikinini long amamas

i kam long pes 4

Olsem na long toksave long ol mama na papa, tingim dispela na rere gut long mekim pikinini blong yupela i amamasim dispela taim. Tasol skulim pikinini long mining bilong dispela taim, ol i kolim Krismas.

insait long Wewak taun, na ol lokol ples arere long taun bai i kam bung long dispela nait. Na singim ol krismas singsing em grup bilong Meni na Usuruk bai i go pas long en.

Long Tunde Desemba 24, em bikpela lotu bilong Krismas Nait bai kamap. Ol lain husat bai lukautim dispela lotu bai i kam long Kreer Heights (bai singsing na bringim pater i go antap long Saunsel), Sambri (Baibel Prosesio), Torembi na Yamok (Ofa), na Antiok (bai go pas long ol singsing).

Ripot i no tokaut long wanem taim dispela bikpela Krismas Nait lotu bai i stat. Na tu long wanem pater bai i go pas long holim dispela bikpela lotu. Pater Dwyer i tok peris i no mekim stretpela program yet.

Na long Trinde Desemba 25, bai i gat tupela lotu tasol long moning. Na bai i no gat lotu bilong nait. Dispela lotu em Bisop Leo Arkfeld bai i mekim.

Nau yet wok rere i kamap nau long Wirui Saunsel we bikpela Krismas Nait lotu bai kamap.

WIRUI PERIS KRISMAS PROGRAM

REDI LONG KRISMAS:


Mande Desemba 23	Karol Nait 7.00pm	Musik
	Saunsel	Meni/Usurek

KRISMAS

Bringim Pater	Nait (24 Desemba)	
Baibel Prosesio	Kreer HTS.	Arkfeld
Ofa	Sambri	Sassoyo
Musik	Torembi/Yamok	Kreer Comp.
	Antiok	

WOK LONG REDI:

Saunsel:	Top	- Eria 1
	Graun	- Eria 2
	L/win	- Eria 3
	R/win	- Eria 4
	Haus lotu	- Eria 5
	Boken	- Eria 6


NATIONAL PROVIDENT FUND
 of Papua New Guinea
TOK SAVE IGO LONG NPF MEMBAS
 Long dispela wik NPF bai salim ol 1990 stetmen bilong yupela igo long ol Kampani bilong yupela.
 NPF opis bai pas long 12 kilok long Tunde 24 Dei bilong Decemba 1991 igo inap bai opis i op gen long Mande numba 6 dei bilong Jenuari 1992. NPF i laik tok amamas na wisim olgeta membas, Meri Krismas Na Hepi Nu Yia.
NPF MENESMEN NA STAF



RADHO DEVELOPMENTS PTY. LTD.

PANORAMA ESTATE, 15 MAIL, ROUNA ROT

Ol Broiler kiau
Stock Feed

Stud Piggery
Ol Agrikalsa Prodak

Spesel X-mas Ofa!

Day Old Kakaruk

K45 tasol long wanpela bokis we i gat 50 pikinini kakaruk insait long en. Dispela ofa bai i stap inap Desemba 31, 1991.

Kam baim sapos yupela tingting long holim wanpela famili pati.

Mipela salim tu ol laip pik sapos yupela i laikim.

Kam na lukim mipela long Radho Developmen o ringim mipela long:

Telepon Namba : 28 - 1267

Fax Namba: 28 - 1296

Port Moresby

FLOORS

We wish all our valued customers A Merry Xmas and A Prosperous 1992

"Excellence in Floor Coverings!"

• Phone 253471 •
• Facsimile 25 3495



P.O. Box 2259
Boroko,
Papua New Guinea



WANTOK - Fonde Desemba 19, 1991 pes 8

Ol pipel i ting wanem:


KRISMAS em i taim bilong amamas. Taim ol famili, pren na wantok i kam bung wantaim long amamasim kamap bilong Jisas Krai. Planti i save givim prensen i go i kam long ol pren long dispela taim. Long sampela em i taim bilong go bek long ples long bung gen wantaim ol famili na wantok. Sampela i laik stap amamas isi long haus bilong ol yet. Na long sampela, Krismas i no gat wanpela mining long ol.



• Julie Irogi

Yangpela Julie Irogi bilong Milne Be provins i gat 15 krismas. Em i tok krismas em i taim bilong amamas na holide.

Dispela gret 7 studen long Poreporena haikul i no save long wanem samting famili bilong em i plenim long krismas, tasol em i amamas long lukim 1992.



• Jack Koa (PMV draiva)

Samson Pawa i gat 19 krismas na i bilong Dei eria long Westen Hailans provins. Em bai go bek long ples long amamasim Krismas. "Bai i gat pati na danis long ples, na mi rere nau long lukim dispela taim," Samson i tok.

Samson em boskru bilong wanpela PMV bas long Mosbi. Em save wok wantaim wantok bilong em Jack Koa, husat i save draivim bas.

Long Jack, Krismas de bai i wankain olsem ol arapela de. Em bai kisim ol pasindia, na famili bilong em bai kukim sampela kaikai na amamasim ol yet long haus.



• James Keu

James Keu bilong Nomane long Simbu provins i tok krismas i bin wanpela taim bilong singsing na lotu.

Tasol ol samting i bin senis taim em i kam long Mosbi long las yia. Keu i lusim 5-pela pikinini long ples wantaim mama, na i kam long Mosbi long lukim wanpela pikinini man bilong em.

Em i bilip long go bek long ples long neks yia. James bai i go lotu long Krismas de.



• Samson Pawa

Helen Lelesi i gat 24 krismas na i bilong Galp provins. Em bai amamasim gut dispela krismas we em i no inap lus tingting long en.

Em bai go amamasim krismas long Australia. Em i tok dispela bai i wanpela gutpela ekspiriens. Tasol famili bilong em bai i no inap stap long amamas wantaim.

Helen i wari tru long hevi bilong lo na oda em i kamap bikpela nau long kantri.

Kevin Sigi i marit na i gat wanpela pikinini.

Em i bilong Henganofi insait long Isten Hailans provins. Na i save wok olsem sekyuriti wantaim Stop N Shop.

Em i tok ating em bai wok long dispela gutpela taim bilong amamas. Sapos no gat bai em kisim famili bilong em i go lotu long Krismas de.

Edward Aubudi i save wok long sip. Olsem na em i amamasim Krismas long kain kain kantri pinis.


Krismas kek, Pater Krismas em sampela samting em i lukim pinis long sampela kantri long Yurop. "Long PNG mipela i gat pasin bilong mipela yet long amamasim krismas.

Na em i kamap wanpela gutpela taim sapos wan wan i plenim gut," Edward i tok.

Anne Newari i gat 16 krismas. Na em i wanpela bilong ol Engligen yut husat i wokabout long Milen Be i kam kamap long Mosbi long kibung bilong ol Engligen Yut long Bomana.

"Dispela em i namba wan taim bilong mi long Mosbi, na mi no save sapos mi bai amamas krismas long-we long ples o no gat. Mi harim planti ripot long raskol pasin insait long siti, na tu long ol indai em i save kamap long rot. Mi bai i no inap stap insait long gutpela amamas em bai i kamap long ples," em i tok.

Anne i bilong kep Vogel.



• Jenny

Jenny Tetara i gat 27 krismas, na i save wok long telepon swits bilong Span Treding.

Em i tok pasin bilong singim ol krismas singsing em wanpela samting em i save laikim long krismas. Em bai i go lotu long krismas de.



• Tomai Lolove i lukiuk long ol krismas kat bilong baim long Arawa Enterprises supamakot long Erima, Mosbi. nau em i taim bilong ol stua long mekim gutpela mani long krismas kat.

WANTOK - Fonde Desemba 19, 1991 pes 9

ILIMO NEW HALF BIRD

6% MORE MEAT



HALF BIRD SIZE 14

HALF BIRD BEST QUALITY BEST FLAVOUR

SIZE 14 MIN NET 700g

HALF BIRD MORE WHITE MEAT!

We wish our Valued Customers a Merry Christmas and a Prosperous 1992.

Choose Country Choice Chicken at your store or supermarket, fresh or frozen, whole birds or chicken pieces.





The Management and Staff of Lae International Hotel would like to wish all our valued clients a MERRY CHRISTMAS and a PROSPEROUS NEW YEAR.

LAE INTERNATIONAL HOTEL

Luxury accommodation, good food excellent service.

- A la carte Restaurant for that special dinner.
- Buffet Lunches for that quick business discussion.
- Poolside BBQ on Sunday, a restful way to spend the day.
- Function rooms for all of your conference and party needs.

All reservations phone 42 2000

LAE INTERNATIONAL HOTEL



The Board, Supervisory Committee, Management and Staff of PSA Savings and Loan Society wish to take this special opportunity to wish all our valued financial members and their families a Merry Christmas and a Happy and Prosperous New year.

**T. TOBOI
CHAIRMAN**



HIT

Bread

FOR ALL OCCASIONS



- CAKES
- PASTRIES
- PIES
- WHOLESALE —
RETAIL

42 2499 FAX: 42 1524

Mula St. (Cnr. Morobe Ave.), Lae
P.O. Box 1331, Lae

Burns Philp pinisim yia 1991 wantaim gutpela bung long Ela Bis

BURNS Philp (PNG) Limited i pinisim yia (1991) we ol i lukim 100 yia bilong sevis i go long Papua Niugini wantaim narapela gutpela stail gen we moa long 200 yangpela manmeri. Ol dispela yangpela manmeri em pikinini bilong ol wokman long Mosbi opis long las Sarere.

Ela Bis Si Pak i bin laip stret wantaim amamas stat long 30 minit i lusim 10 klok moning (10.30am).

Ol pikinini i stap insait long kain kain spot em akaunten bilong Burns Philp Menesmen, Mista John Thomas na ol wokman bilong em husat i givim gutpela helpim.

Ol i pilaim ol spot olsem sek resis, lime na spun, wilbaro na resis long tripela lek we ol i amamas nogut tru.

Sampela mita longwe long hap ol pilai i kamap em ol kuk bilong dispela de i malolo gut tru aninit long diwai. Tasol ol i no malolo.

Ol i mekimsave long kukim ol kaikai i stap. Nem bilong ol em Mista Ross McDonald [Menesing Dairekta bilong Burns Philp (PNG) Limited], Mista Richard Dixon [Jenerel Menesa bilong Atomotiv Divisen], Mista Brian Dennis [Pesenel Edministretiv Menesa], na Mista Bill Campbell [Operesen Menesa (PNG), Atomotiv Divisen].

Nau olgeta samting i stap long han bilong yu Bos, ol papa na mama husat i wok

long BP i tok olsem taim olgeta pilai i pinis long 30 minit i lusim 12 klok apinun (12.30pm).

Ol menesa i kam bung na tilim kaikai long ol wokman na ol pikinini husat i hangre nau. Ol pikinini i amamasim ol yet tu wantaim loliwara na ol arapela swit olsem loli.

Long samting olsem 2 klok apinun (2.00pm), ol pikinini i wetim Pater Krismas long kamap. Bikos dispela em taim ol i makim em long kamap. Tasol em i no kamap hariap na ol pikinini i no amamas tumas nau.

Bihain tru toktok i kam olsem Pater Krismas i no inap long kamap long pati. Bikos em i malolo i na groa bikpela tumas. Olsem na yunifom i no fit long em.

Tasol dispela i no bagarapim dispela gutpela de bilong amamas. Ol kuk i sambai yet na senis i go hariap long yunifom bilong Pater Krismas, na opim samting olsem 11-pela bokis we i gat ol presen tasol.

Ol pikinini i sanap long longpela lain na wet long kisim presen bilong ol. Tasol i no longtaim dispela lain i krungut na i tanim kamap raun. Ol pikinini husat i sanap bihain yet i no laikim presen long sot hariap. Olsem na ol i brukim lain na ran i go insait long Pater Krismas.

Olgeta i kisim wan wan presen na amamasim gut dispela yia, 1991.



• Ol bikpela na liklik stua insait long Mosbi siti, na ol arapela senta tu i bilasim nau ol stua olsem wantaim ol krismas presen long spesel prais.

Dispela em gutpela taim bilong ol stua long mekim planti mani. Bikos planti kastoma bal i go pulap long baim ol presen ya. Burns Philp supamaketa hia i soim stret piksa bilong ol stua nau.

Krismas inap long bringim ol nupela na olupela pren i kam bung olsem wanpela gutpela famili

Dia ol Susa na Brata,

Krismas em i wanpela bikpela de long laip bilong mipela. Na planti manmeri long dispela graun bai amamas na givim presen long ol pipel we ol i laikim tumas.

Na tu long salim krismas leta na amamasim ol yet long kamapim kainkain gutpela pasin. Krismas inap bringim gutpela na ol olupela pren long arapela hap wantaim ol nupela pren i kam bung olsem wanpela famili.

Nau mi kisim maus bilong Luteran Wol Federesen long mekim tok amamas bilong krismas i go long olgeta manmeri. Mi laik tok amamas bilong mipela olgeta wokman bilong Luteran Wol Federesen opis long Geneva opis, na ol arapela opis i stap ausait long Geneva i go long yupela ol pipel bilong dispela graun. Na tu mi laik amamasim

"Amamas bilong krismas i kam long presiden bilong Luteran Wol Federesen ..." (Is. 9:6)

yupela olgeta long nem bilong sios yupela i kam long en.

Long amamas bilong mi, mi laik askim olgeta Luteran famili long amamasim dispela bikpela de. Nau bai yumi lukim sta bilong Jisas Kraus long olgeta hap insait long wol (Matthew 2:2) na wokabaut na lotu long em.

God yet inap bringim yumi kamap long bokis bilong Jisas Kraus long ples we mama i karim em long en. Na tu bai helpim yumi long amamasim dispela yia we tripela king i bin amamas long en pastaim.

Yumi i no ken lus tingting. Yumi i mas tingting long dispela de we mama bilong Jisas i karim em insait long bokis bilong bulmakau (Luke 2:7).

Bihain mama na papa i kisim Jisas na ranawe long ol ami bilong King Herod (Matt 2:16). Sampela yia i go pinis na ol ami bilong Pontias Pailat i holim pasim em na kilim em long sin bilong yumi.

Nau yet planti pikinini i kamap long dispela graun. Na tu ol i kamapim planti hevi we i bagarapim gutpela sindaun bilong ol yet long bihain taim.

Yumi mas save olsem Krismas em olgeta man. Ol pikinini i mas i stap insait tu long amamasim Krismas. Bikos Krismas em i bikpela de bilong ol pikinini, na bilong ol bikman tu long amamasim.

Yumi i no ken lus tingting long pikinini husat i karamap i stap insait long bokis bilong bulmakau (Luke 2:12). Na tu

bringim olgeta tingting bilong yumi long ol man husat i kisim taim wantaim Jisas Kraus. Em yet bai inap bungim ol dispela manmeri, na givim presen long ol.

"Em i kam daun long graun long helpim yumi." Jisas Kraus yet i bringim bel isi bilong God papa i kam bek gen, long ol manmeri husat i lus pinis na i stap laip gen. Na tu lusim sin o pekato bilong ol manmeri.

Yumi olgeta pipel i mas tingting long senisim pasin, lukluk long gutpela na nupela laip. Jisas yet i bin kamapim nupela laip. Olgeta samting i stap long han bilong em.



Nau yumi olgeta manmeri bilong dispela graun i mas putim ai long toktok bilong God bilong kamapim gutpela

prentaim ol arapela pipel long dispela graun, (2 Korin 5:18) long gutpela pasin bilong God, (Timothy 3:4) na bel isi bilong God. Wanem samting bai yumi mekim long ol dispela samting God i mekim long yumi?

Na tu bai yumi mekim wanem samting long pikinini, ol manmeri husat i stap bilong ol yet, na ol man husat i kisim bagarap long pait o woa? Nau yet olgeta sios i gat bikpela wok long stretim ol dispela hevi.

Krismas i bringim bel isi bilong God i kam long dispela graun, we Jisas Kraus yet em mama Maria i karim em long Betlehem. Nau em i bikpela na inap lukautim yumi. Em bai inap kamapim bel isi na blesim yumi olgeta long nupela yia 1992.

Gottfried Brakemeier
Presiden
Luteran Wol Federesen



WORD

*Management and the Staff
of Word Publishing Company
wish
everyone a Merry Christmas
and a Prosperous 1992*



Ol meri bai wok strong moa long 1992

EM bai i rong sapos ol pipel i bilip olsem 1991 i no gutpela yia bilong ol meri. Em bai i rong tu sapos ol pipel i bilip olsem pait long luksave long rait bilong ol meri insait long Papua Niugini long 1991 i no karim kaikai liklik.

Long eria bilong politik, mipela i pundaun liklik taim mipela i lusim Josephine Abaijah olsem siameri bilong NCDIC, Enny Moaitz olsem primia bilong Morobe. Mipela i pundaun liklik long sampela provinsal ileksen. Mipela i lusim tu sampela biknem dipatmen het long pablik sevis, na nau yet mipela i no inap grisim strong ol man long votim wanpela meri long posisen bilong Gavana Jenerel.

Nau yet no gat inap meri i makim mipela long ol bikpela na liklik gavman bodi. Planti meri em ol i no givim ol sans long soim ol yet. Mipela i no kisim gutpela sapos long grisim ol bodi nambaut long saposim bisnis bilong ol meri long sait bilong mani. Na sapos mipela i lukluk long 1992 Baset, gavman i katim mak bilong mani long karimaut

KRISMAS NA NU YIA TOKTOK i kam long Maria Kopkop, presiden bilong Nesenel Kaunsil ov Wimen.

wok bilong ol meri (1992 Wimens progrem).

Dispela em sampela samting we i daunim liklik ol meri long dispela yia. Tasol i gat sampela gutpela samting tu.

Ol meri i kisim sinia posisen long ol ogenaisesen olsem Komisen bilong Haia Edukesen, Legal Trening Institut, na PNG Kaunsil ov Sios.

Sampela meri i mekim nem bilong ol long ol praiwet bisnis eria. Nau yet em wanpela meri i kamap olsem Rejistra bilong Yunivesiti ov Teknoloji.

Mipela i gat wan wan meri husat i stap insait long ol bod na komiti olsem Abitresen Komiti, Pisikel Plening, Sensosip, NBC na sampela moa.

Dispela yia, ol meri bilong PNG i lukim Kabinet we i pulap long ol man, tasol ol i oraitim Nesenel Wimens Polisi.

Mipela i gat Nesenel Kaunsil ov Wimen. Kaunsil ya i wok

bung moa nau, na i gat gutpela ripresentativ we i no olsem long bipo.

I no longtaim ol meri i holim wanpela bikpela protes, na askim ol pipel long dispela kantri wantaim ol bikman long luksave long rait bilong ol meri.

Ol meri long Wimen in Lo Komiti aninit long lukaut bilong siameri Josepha Kanawi i bin mekim gutpela wok long kamapim 12-pela liklik pepa buk. Ol dispela liklik toksave o kempen pepa i toktok long ol bikpela samting i karamapim laip bilong ol meri long kantri. Komiti ya i kamapim tu wanpela vidio ol i kolim, "Stap Isi".

Olgeta dispela senis i givim mipela sampela bilip. Mipela i save olsem mipela wok i go long stretpela rot nau.

Strong wantaim laik na amamas bilong mipela long mekim wok long divelopim kantri em ol bikpela opis long kantri i

save bagarapim. Ol dispela bikpela opis em ol man tasol i bosim ol, na i no save tingim rait bilong ol meri.

I luk olsem bikpela lukluk nau em long mekim ol samting stret, na i no long mekim stretpela samting. Mipela i gat planti opis wok tumas. Em i taim nau, wanpela man i rausim ol dispela pipia pepa wok long gavman opis we i stapim planti wok long kamap hariap.

Gutpela piksa long nau yet em long ol marasin. Ol i mekim mipela i bilip olsem mani i stap. Tasol pepa wok nambaut i stapim ol dispela mani long kamap hariap, na haus sik i ken yusim long baim marasin.

Long 1991, mipela ol meri bilong Papua Niugini i lainim planti hevi bilong laip. Mipela i lainim long wok wantaim ol dispela hevi. Pait long kamapim rait bilong ol meri i

no indai yet. Mipela i stap laip na bungim mipela yet.

Long promis bilong nupela yia long 1992, Nesenel Kaunsil ov Wimen i pasim tok orait pinis long strongim wok bung bilong em wantaim olgeta meri insait long kantri long kain kain level.

Long strongim wok bung bilong ol meri em bikpela samting. Namba wan samting em lida bilong ol meri i mas redi long pait long rait bilong ol meri stat long ol grasrut na kamap.

Nesenel Kaunsil ov Wimen i pasim tok orait tu long grisim olgeta meri long sanap na kisim nem na wanem kain wok ol i go pas long en. Dispela em long pablik sevis, wok politik, wok bilong sios, ekonomi o sosel laip.

Long makim maus bilong Nesenel Kaunsil ov Wimen, mi askim Blesing bilong God long kamap long olgeta pipel long dispela Krismas, na inap long Nu Yia i bringim long mipela olgeta gutpela tingting na sapos long wanem samting mipela i laik mekim.



We wish you a Merry Christmas...



...and a Happy New Year

For all your usual holiday food and beverage requirements plus a few special Christmas surprises, Andersons make it easier.

Andersons Foodland

Rabaul, Lae, Madang and Port Moresby

HOLIDAY TRADING HOURS




DEC 24TH	NORMAL
DEC 25TH	CLOSED
DEC 26TH	OPEN A.M.
DEC 27TH	NORMAL





Wrap it up for CHRISTMAS


at Brian Bell Stores



Soft Touch

SET UP A NEW BEDROOM THIS CHRISTMAS!

Come see our extensive range of: **SHERIDAN and ACTIL** Flat Sheets, Fitted Sheets and Quilt Covers in Single, Double, Queen and King with their matching pillowcases.



TOWELS

3 PIECE GIFT PACK TOWELS.

- * Bath Towel * Face Towel * Hand Towel
- * Full range of Beach Towels.
- * Personalised Towel Embroidery.




TOYS!
TOYS!
TOYS!



Surprise your Loved Ones with Gift Wrapped

Sunbeam Appliances.

The NEW VERTICAL GRILL!



Low-fat Grill for Food Lovers

Also Available

- * Classic Aluminium Frypan
- * 12" Super Gourmet Frypan
- * Gourmet Stainless Steel Frypan
- * Super Deep Frypan
- * Mini Fryer
- * Steaming Tray Accessory
- * Deep Fryer
- * Super Clean Skillet
- * Sunbeam Super Multicooker
- * Super Clean Frypan

Grill almost anything in half the time.

We have a wide range of other great electrical appliances to choose from !!


ARCOROC COOKWARE



"Heat Resistant" Electric, Gas Stoves. Removable Handle




LUMINARC GLASS SET



SETS



BOWLS




6 MUG SET



SAVE 30%

ARCOSTEE PREMIUM QUALITY

CLEARVIEW COOKWARE



- * 25 years guarantee.
- * Heavy 2mm copperbase for rapid and even heat distribution.
- * Energy saving.
- * Dishwasher Safe.
- * Attractive mirror finish inside and out for easy cleaning.

Krismas long siti bai i no inap wankain olsem long ples

RUDOLF AYU i raitim

KRISMAS em i taim bilong ol famili na pren i save bung wantaim na amamas. Em i taim bilong pati, taim bilong givim presen long ol gutpela pren, na taim bilong wan bel.

Tasol sampela manmeri bai i no inap amamas tumas. Bikos famili bilong ol stap longwe o lus pinis.

Mama i karim mi long Desemba 24, 1970 long wanpela naispela liklik Katolik helt senta insait long provins bilong mi yet, Madang. Taim mi bikpela pinis, mama i tok em i karim mi klostu long 10 klok nait. Dispela em klostu olsem tupela aua tasol bipo long betde bilong Jisas.

Olgeta Kristen manmeri i save long krismas stori long Baibel. Long Desemba 25 long nait, Maria na Joseph i painim ples bilong slip long Betlehem. Ol i no gat haus bilog slip na bihain ol i painim wanpela haus kaikai bilong ol sipsip. Na insait long dispela haus, ol i karim Jisas.

Wan tausen nain hundred na nainty wan (1991) yia i go pinis, ol Kristen i go het long amamasim betde bilong Jisas. Planti Kristen sios bai mekim

bikpela lotu. Na ol pipel is ave wokim ol pati long bungim ol famili na pren wantaim long amamasim dispela de.

Tasol olgeta krismas i save senis liklik. Bikos olgeta samting i save senis long olgeta de. Krismas bilong mi bai narakain. Bikos las yia, mi bin amamasim betde na krismas bilong mi wantaim ol lain famili bilong mi long ples.

Nau mi no save bai mi mekim wanem. Bikos em i namba wan taim tru bilong mi long lusim famili na lukim krismas long narapela province, olsem hia long Mosbi siti.

Tasol mi save pinis olsem krismas bilong mi bai i no wankain olsem ol krismas mi save amamasim long ples.

Taim mi liklik yet, wanpela Katolik misineri sista ig ivim mi wanpela liklik plastik wisil olsem krismas presen. Dispela em i namba wan presen bilong mi taim mi liklik manki yet. Bihain mi bin kisim planti ol arapela presen long olgeta krismas, tasol mi i no inap tingim olgeta dispela presen.

Sampela taim, ol misineri i save kam raun long ol ples na tromoi ol switpela loli long ol pikinini. Mi save resis wan-

taim ol arapela pikinini long kisim loli.

Na long nait, ol misineri i save pilaim ol gutpela krismas musik long wanpela bikpela piano bilong haus lotu. Ol dispela kain pasin i save bringim ol tingting bilong krismas i kam bek.

Tasol sapos yu no wok hat na redi long amamasim krismas, yu bai i no inap long kisim trupela amamas bilong krismas. Sampela man bai bungim mani bilong pati. Tasol planti Kristen bai traim long rausim pasin nogut bilong ol long amamasim betde bilong Jisas.

Long taim mi stat long wok-about, mi save stap long haus lotu long olgeta krismas. Dispela em long bilasim haus lotu bilong amamasim bikpela lotu bilong krismas.

Mi save olsem bai mi kisim amamas bilong krismas sapos mi wok hat long amamasim dispela de.

Mi wok long bihainim dispela pasin i kam inap long taim mi lusim ples long las yia. Laip long Mosbi siti i narakain long laip long ples. Na we bilong amamasim krismas tu bai narakain liklik.

Planti manmeri olsem mi bai i no inap amamas tumas bikos famili bilong ol tu i stap longwe. Krismas em i taim bilong ol famili long bung wantaim, tasol sampela famili bai i no inap lukim sampela lain bilong ol.

Kain kain samting bai kamap long krismas. Planti pati na singsing bai kamap long dispela taim. Tasol planti hevi na trabel tu i save kamap.

Tingting bilong mi long krismas i senis pinis taim mama bilong mi i dai 7-pela de bihain tasol long Krismas. Em i bin dai long Janueri 1, long dispela yia.

Mi no amamas moa long tingting long krismas. Tasol bihain mi tingim gen olsem olgeta samting i save senis, na laip bilong man tu i gat mak.

Famili bilong mi i stap longwe. Tasol mi bai stap wantaim ol pren bilong mi long Mosbi na amamasim krismas.

Betde bilong Jisas i save kamap long wanpela taim tasol long olgeta yia. Na yumi mas wok hat long amamasim dispela de. Sapos yu laik amamas, orait amamas long gutpela pasin.



• Ol mama bai mekimsave nau long baim ol presen bilong ol pikinini long stua. Olsem mama ya i mekim long Stop N Shop supermarket long Mosbi.

Ring in a MERRY CHRISTMAS with a personal, Office, or back to school gift from,

ALU SIGNS

CASIO WATCHES

COLLEGE & 1000 CALCULATORS

WATER COLORS

SUITCASES

CORRECTING FLUID FOR OFFICE & SCHOOL

EXERCISE BOOKS

RUBBER

PENCILS & BIROS

GLUE

PARKER PENS SHAEFFER PENS

BRIEF CASES

MEMORIAL PLAQUES

SPORTS TROPHIES for sale

Engraving Service Available

• Mail Orders welcome

ALU SIGNS PTY LTD

P O BOX 7081, BOROKO TEL: 25 4600

STORE NEAR BOROKO POLICE STN

We will be closed from 25th/12/91 to 12th/01/92 incl.

Buy before Christmas while we are giving 25% to 50% off most stationery, school and artists supplies.

Mipela mas redi wantaim amamas

KRISMAS i kam bek gen nau. Mi laik toktok wantaim yu sampela tingting long Jisas Krai, husat em mipela i redi nau long amamasim betde bilong em.

Husat em dispela man Jisas? Mipela i save olsem em i bringim bek pren bilong em Lazarus long laip (John 11: 1 - 44), na em i givim kaikai long 5,000 man (Mark 5: 30-44), em i stretim wanpela meri husat i gat bikpela sik tru (Luke 3: 42 - 48) - long ol dispela samting, wanem samting mipela i save long dispela man Jisas?

Neks wik mipela bai amamasim betde bilong Sevia bilong mipela, tingim taim Em i kamap na wok antap long pes bilong dispela graun, man husat i kamap long wanpela namel famili, husat i bihainim kastom na sios bilip bilong papa na mama bilong Em, na i go bilong em yet na painimaut wanem samting God papa i laikim Em long mekim long dispela graun, na bihain ol i kilim em long Diwai Kros na em i kirap gen bihain long indai.

Tude mi askim yu long kam

Krismas toktok i kam long Katolik Asdaiosis bilong Mosbi, Peter Korongku DD KBE



• Peter Kurongku

na painimaut long glori we i bilong mipela - long dispela bikpela presen we "olgeta kain kain man long dispela graun i ken lukim salvesen bilong God" (Luke 3: 6). Husat em dispela Jisas bilong Nasaret? Em i salvesen bilong God. Mi tingim gen ol toktok bilong propet Baruch: 'splendour and glory, a cloak of justice, peace and justice' (Baruch 5).

Mipela em lotu bilong wanem samting mipela i tingim na laikim, bilong amamas, bilong kamap gutpela na karim kaikai, na bilong gutpela sindaun. Dispela em wanpela lotu we i strong long sapot bilong komyuniti - wanpela bilong narapela.

Long dispela krismas, mipela olgeta i mas skelim wok bilong mipela olsem ol Kristen, na soim insait long laip bilong mipela olsem, em i tru Jisas em i salvesen bilong God.

Mipela i redi nau long Krismas. Mipela i mas redi olsem i gat gutpela tingting na laik i stap long mipela, na long ol pikinini bilong mipela, na bilong dispela graun wantaim.

I gat planti dewel long dispela graun. Ol dispela dewel nogut i holim tingting bilong sampela pipel hia long Papua Niugini. I gat dewel ol i kolim 'materialism', dispela em hat wok ol pipel i putim i go insait

long traim kisim moa na moa gutpela samting na mani, na traim long kisim gutpela sevis long ol samting em ol i no inap kisim moa long en.

Long mi yet, mi lukim olsem moa mani na samting wantaim pawa em ol pipel i kisim i bilong lukautim ol yet.

Sampela top pipel tasol long kantri em ol i save apim pe bilong ol. Long dispela as na prais bilong ol sevis i goap moa insait long kantri. Ol grasrut pipel i save kisim taim bikos long dispela.

Dispela pasin bilong griti i no bihainim kristen pasin.

Mipela i no inap painim gutpela amamas laip sapos mipela tingting planti olsem mipela i laikim bikpela pe, taim planti pipel long kantri, wantaim ol dispela husat i no save kisim pe, i hat wok long baim ol sem sevis long bikpela prais long stap laip.

Na tu mipela i no inap long amamas sapos mipela i tingting planti long kisim wanpela

posisen we i gat moa pawa. Na yusim dispela pawa long askim long sevis na bikpela kompensesen mani. Long Jisas, mipela i ken lukim trupela mining bilong laip.

Lotu bilong mipela i sanap wantaim ol arapela lotu long wol long bilip bilong em long amamas, long bilip bilong em long givim yu yet long Lod long kamapim gutpela sindaun, na bilip bilong mipela olsem olgeta samting long dispela graun i gutpela, na givim glori long God.

Mipela i ritim long Baruch 5:9: "God bai kisim ol Isrel i go long ples. Ol bai kam bek wantaim bikpela amamas, aninit long lukaut bilong His mercy na jastis".

Long dispela taim bilong Krismas, mipela mas stap bek gen, na askim: "Husat em dispela Jisas we long 30 yia o moa i wokabout wantaim mipela?" "Inap long mipela i givim trupela ansa: Em i no wanpela pren, husat i soim mi jastis tasol, mercy, pasin bilong pogivim rong, gutpela tingting na lav!"

Peter Kurongku DD KBE
Asdaiosis bilong Mosbi.

For the Better Business Decision



The Managing Director and Staff of

Bank of South Pacific

would like to wish all of our customers a Merry Christmas and a Prosperous New Year.



Bank of South Pacific Limited

a Member of **National**
Australia Bank

Principal Office: Port Moresby. Branches: Boroko, Lae, Mt Hagen, Rabaul, Waigani, Sub-Branches: Kundiawa, Wabag

Global Representation: • Singapore • Hong Kong • Japan • New Zealand • Thailand • Malaysia • Republic of Korea • Taiwan Republic of China • Indonesia • People's Republic of China • Papua New Guinea (Bank of South Pacific) • United Kingdom (Clydesdale Bank, Northern Bank) • Republic of Ireland (National Irish Bank) • Federal Republic of Germany • United States of America • Australia

SUPER

CHRISTMAS SPECIALS



NESCAFÉ
NIUGINI
BLEND
COFFEE
75gm
K1.86




MAGGI
2 MINUTE
NOODLES
85gm
38t

Shop at
GARDEN HILLS SUPERMARKET

&

WIN

A RETURN TRIP FOR 2 TO CAIRNS !!



SUNSHINE
MILK
300gm
K1.72




ILIMO
CHICKEN
Size 12
K3.89



ILIMO
CHICKEN
BREAST
K1.99



MUTTON
F/QTR.
CHOPS
K1.95



Plus

- * Christmas Hampers
- * BMX Bikes
- * Cameras
- * 'T' Shirts
- * One years membership to our Video Library.

Merry Christmas



ACTIVE
CARE
LAUNDRY
LIQUID
1.25 ltrs.
K3.16



TANUBADA
ICE CREAM
1Ltr.
K1.58

Come on A long



GARDEN HILLS SUPERMARKET



RAGBI

Namba 10

Fonde Desemba 19, 1991

NIUS

Unagi Lig tokaut pinis long tim bilong i go pilai long Yule ailan

SAM YAKAM i raitim

OL opisal bilong David Unagi op sisen ragbi lig

resis long Godens, Mosbi i makim pinis 30 pilaia bilong pilai egen-sim tupela tim bilong Yule Ailan. Dispela gem bai i kamap long

Fraide Desemba 27-28, 1991.

Tim tu i gat 15 opisal olgeta.

Kodineta bilong dispela resis, Felix Tapie i tok dispela em i namba wan taim bilong wan-pela kain resis i kamap ausait long siti olsem long Yule Ailan. Na tu em i namba wan taim

bilong David Unagi lig i makim wanpela tim i go pilai ausait long Mosbi.

Tapie i tok ol pipel bilong Yule ailan i amas long dispela askim i kam long Yule ailan.

Tupela tim bai kamap long Fraide apinun. Na bai i malolo long tupela bikpela gem ol bai pilai long Sarere Desemba

Unagi. Em yet bai i go wantaim tim bilong em long Yule ailan wantaim sampela niusman na potograpa.

Long Sande Desemba 22, 1991 ol pilaia bilong David Unagi Lig bai kam bek gen long Mosbi siti. Dispela em bihain long bikpela lotu.

DAVID UNAGI LIG SKWAT - YULE AILAN

- | | |
|------------------------------|--------------------------|
| Sam Yambe (E/Wallabies) | Linson Kopu (L/Youth) |
| Billy Benny (N/East) | Manoa Solomon (Furigi) |
| Katario Maiho (E/Kipo) | Mark (E/United) |
| Tom Tapie (L/Youth) | Hawksy Hogumo (E/United) |
| Micheal Karu (S/Goi) | Pilaus Pilaka (S/Goi) |
| Skippy Ricky (M/Roosters) | Simon Anemo (Kanite) |
| Joe Marara (W/Kongo) | Simeon Oke (H/kens) |
| Tom Noah (G/Nomads) | Ol risev pilaia: |
| Martin Hurutove (9M Angaras) | Rex Gaima |
| Paul Yori (W/Kongo) | Rocky Bandi |
| Siko Lufa (G/Roots) | Sam Bako |
| Brown Kai (K/Raiders) | John Bulax |
| Jonathan John (5M/Spiders) | Rendy James |
| Moses Wayamo (E/Kipo) | SK Kari |
| Martin Pore (K/Rocks) | Leonard Kaupa |
| Michael Pee (Muruks) | Nelson Fumi |
| Amitora Mako (PTC Deve) | Paul Mack |
| Simon William (S/Panthers) | Bonny Poka |
| Allan Veialo (S/Panthers) | Isaac Genaboro |
| David Pureigi (L/Stone) | Jimmy Sinko |
| Anton Kuri (L/Stone) | Simon Ningal |
| Heron Awari (M/Tigers) | Bal Konz |
| Bonny Sime (Warasua) | Ben Wai |

OL TIM OPISAL:

Philip Kumanal (kosa), Micheal Kiagi (kosa), Rocky Katuma (trena), Delu Sine(trena) na, Simon na John (tim menesa).

28, 1991.

Man husat i spon-sarim dispela gem em Nesene! Memba bilong Mosbi Not Is, David

Tapie i tok David Unagi Lig bai askim tu Yule ailan tim long kam pilai egensim ol long Mosbi long Nu Yia o Ista Wiken.

Kas bilong Emei: Eri Emei wantaim bal i bungim salens long Mosbi Pablik Sevan lig resis las wiken-Poto Misako Elemiah.

INSAIT

- Mosbi Pablik Sevan Lik na Unagi op sisen lig poto p1-4
- Dragon gat pawa long Hohola Lig p2
- Mosbi Pablik Sevan Lik poin lata p2

- Saut Setelmen Lig dro na poin lata p2
- David Unagi op sisen lig dro p3
- Sogeri lig lata p3
- Ella daunim kompetisen lida stret p4

- Emil na Nelson stap insait long ragbi yunien 7 asait tim p4



"Em nau, bihainim tasol bos bilong fil ya"



• Ol pilaia bilong Kiro Raiders i bihainim tasol bos bilong fil (referi) long kisim wampela penelti kik egensim Muruks long resis bilong pul A, las wiken. Dispela em long op sisen David Unagi ragbi lig resis long fil hapsait long Discount Mart long Godens, Mosbi. Foto Ivan Bayagau.

SOUTH SETTLEMENT RUGBY LEAGUE ROUND SEVEN:

SATURDAY 21ST DECEMBER, 1991

OVAL 2

Time	Grade	Pool A
10.00 am	C	Panthers v Raiders
10.45 am	C	Sharks v Brothers
11.30 am	C	Seagulls v Bulldogs
12.15 pm	C	- v -
1.00 pm	B	Seagulls v Bulldogs
1.35 pm	B	- v -

OVAL 1

Time	Grade	Pool A
11.00 am	B	Panthers v Raiders
11.55 am	B	- v -
12.50 pm	A	Panthers v Raiders
1.57 pm	A	Sharks v Brothers
3.04 pm	A	Seagulls v Bulldogs
4.11 pm	A	- v -

Bye: Jets

SUNDAY 22ND DECEMBER, 1991

OVAL 2

Time	Grade	Pool B
10.00 am	C	Knights v Roosters
10.45 am	C	Eagles v Broncos
11.30 am	C	Eels v United
12.15 pm	C	Hornets v Mosquitoes
1.00 pm	B	Eels v United
1.55 pm	B	Hornets v Mosquitoes

OVAL 1

Time	Grade	Pool B
11.00 am	B	Knights v Roosters
11.55 am	B	Eagles v Broncos
12.50 pm	A	Knights v Roosters
1.57 pm	A	Eagles v Broncos
3.04 pm	A	Eels v United
4.11 pm	A	Hornets v Mosquitoes

Bye: -

NCD - EASTERN HIGHLANDS COMMUNITY "OTTIO" RUGBY LEAGUE

Round One - Weekend Draw - Week Four: 15/12/91
"B" Grade

GAME NO.	TIME	TEAMS	REFEREE
One	9.00 am	H/Wallabies vs Y/Eagles	to be appointed
Two	9.30 am	Kokofox vs J. Warriors	to be appointed
Three	10.00 am	I/Panthers vs Gege-Iyo Br	to be appointed
Four	10.30 am	B/Hegis vs HK Mosquitoes	to be appointed
Five	11.00 am	Siane vs Essa	to be appointed

"A" Grade

One	11.30 am	H/Wallabies vs Y/Eagles	
Two	12.40 am	Kokofox vs J/Warriors	
Three	1.50 am	I/Panthers vs Gege Iyo Br	
Four	3.00 pm	B/Hegis vs HK Mosquitoes	
Five	4.10 pm	Siane vs Essa	

NB: All "B" Grades to turn up and play according to time schedules. Failure and lateness will result in lose of match points. There won't be any more time changes during the games.

SOUTH SETTLEMENT RUGBY LEAGUE

TEAM	Pts	Pool A	Pool B
1. Kogeva Jets	9	Koki Eels	12
2. Kaugere Bulldogs	8	Kaukana United	10
3. Kaugere Seagulls	7	Mahuru Eagles	5
4. CT Raiders	5	Gimaune Broncos	5
5. Taikone Sharks	5	HD Mosquitoes	5
6. SS Brothers	1	Korobosea Hornets	4
7. IB Panthers	1	Waikus Knights	4
8. -	-	Keda Roosters	3

"B" Grade

1. Kaugere Bulldogs	8	Kaukana United	11
2. SS Brothers	6	Koki Eels	10
3. IB Panthers	6	Keda Roosters	9
4. Kaugere Seagulls	5	Mahuru Eagles	8
5. Taikone Sharks	4	Korobosea Hornets	6
6. CT Raiders	3	Gimaune Broncos	2
7. Kogeva Jets	3	HD Mosquitoes	2
8. -	-	Waikus Knights	2

"C" Grade

1. Kaugere Seagulls	10	Kaukana United	11
2. Kaugere Bulldogs	7	Koki Eels	9
3. CT Raiders	7	Gimaune Broncos	7
4. Kogeva Jets	6	Mahuru Eagles	6
5. SS Brothers	4	Korobosea Hornets	6
6. Taikone Sharks	2	HD Mosquitoes	4
7. IB Panthers	0	Waikus Knights	3
8. -	-	Keda Roosters	2

Finhaus/NBC i win yet long pablik sevan lig

LIONEL YOGOMIIN I rattim

MITA Ella i lusim sampela gem pinis. Tasol ol i kam bek gen nau. Bikos las wiken ol i autim rana ap bilong las sisen, Phonecard PTC 25-5 long Mosbi

Pablik Sevan ragbi lig resis.

I luk olsem ol pilaia bilong PTC i no fit long pilai. Bikos ol i no bin pilai long tupela wiken

olgeta. Ol boi bilong Ella i pilaim gutpela gem stret stat long referi i blosim namba wan wisil bilong kik op.

Long narapela gem, Finhaus/NBC i strongim yet win bilong em bihain long em i autim strongpela Edukesen tim 20-16.

Long hap taim, Finhaus/NBC i go pas long skoa 10-4.

Bihain long hap taim, Finhaus/NBC i skoarim tupela moa trai long bringim poin i go antap long 20. Ol boi Edukesen i stat paia na skoarim tupela trai, na ran bihain 20-16. Dispela skoa i bin stap olsem inap ful taim.

Long ol arapela A gret gem, Leo Woo Primed i kisim tupela isi poin long han bilong Natres, na Trensport i nekim NCDC 12-10. Natres i no inap long kamapim wampela tim long go insait long fil, olsem na Primed i win long fofit.

Narapela gem namel long Nam Raiders na Works em Works i winim 18-14.

PUBLIC SERVICE RUGBY FOOTBALL LEAGUE

LATEST POINTS LADDER

TEAM ONE (1)	P	W	L	D	F	A	%	PTS
Phonecard - PTC	8	5	2	1	149	87	171	11
Leo Woo - Primeds	8	5	2	1	124	78	159	11
Patrick Transport - Finhaus	8	5	3	-	127	96	132	10
Nam - Raiders	8	5	3	-	127	90	141	10
NCDC	8	5	3	-	125	116	108	10
Ella	8	3	5	-	125	155	81	6
Works	7	3	4	-	90	87	103	6
Transport	8	2	5	1	90	98	92	5
Education	7	2	4	1	84	102	82	5
Natural Resources	8	2	6	-	54	186	29	4

TEAM TWO (2)

Phonecard - PTC	8	7	1	-	148	45	329	14
Transport	8	6	2	-	78	55	142	12
Nam Raiders	8	5	3	-	102	82	129	10
Works	7	5	2	-	106	38	279	10
NCDC	8	4	3	1	89	50	178	9
Primeds	8	3	5	-	53	104	51	6
Patrick Transport - Finhaus	8	2	5	1	104	106	98	5
Natural Resources	8	2	6	-	84	156	54	4
Ella	8	2	6	-	52	110	47	4
Education	7	2	5	-	46	116	40	4

CLUB CHAMPIONSHIP

TEAM 1	TEAM 2	POINTS	
Phonecard - PTC	30	28	58
Nam - Raiders	30	20	50
NCDC	30	16	46
Leo Woo - Primeds	30	12	42
Patrick Transport - Finhaus	30	8	38
Works	18	20	38
Transport	12	24	36
Ella	18	8	26
Education	12	8	20
Natural Resources	12	8	20

Sampela klap brukim mamalo

MOSBI PABLIK SEVAN RAGBI LIG RIPOT

PABLIK Sevan ragbi lig resis bilong ol pablik sevan long Mosbi (NCDP-SRL) i gat bikpela hevi yet i stap long rejistresen bilong ol pilaia bilong em.

Presiden bilong Mosbi Pablik Sevan Ragbi Lig, Madicks Haro i tokaut olsem sampela klap i no rejistarim inap pilaia long pilai insait long tim wan na tim tu. Na dispela pasin i kamapim planti het pen stret long ol opisal bilong lig.

Haro i tok olgeta klap i mas rejistarim 26 pilaia inap long kamapim wanpela tim. Em i tok planti taim ol klap i save putim ol sem pilaia long pilai long tim wan, na bihain pilai gen long tim 2. Dispela pasin i brukim pinis mamalo bilong asosiesen.

Tupela klap husat i kisim mekimsave pinis long brukim dispela hap bilong mamalo em Natres na Works. Tupela i lusim pinis tupela poin bilong resis.

Haro wantaim ol opisal bilong asosiesen i bin tokaut long olgeta klap long stretim dispela hevi bipo long las de bilong Novemba, na

namba wan wik bilong Desemba, 1991.

Tasol dispela hevi i stap yet. Em i tok ol wankain pilaia i bin kamap long fil long tupela tim wantaim. Works na Natres em tupela bilong ol dispela klap we i no rejistarim inap namba bilong ol pilaia long pilai long resis bilong dispela yia. Works i bin winim tupela gem pastaim. Tasol em i lusim tupela poin long dispela hevi.

Natres i no bin pilaim tripela gem bikos em i sot long ol pilaia. Nau yet, Haro na ol opisal bilong em i no amamas long Natres i lusim tupela poin nating long ol arapela klap. Ol opisal bilong asosiesen bai holim wanpela kibung long lukluk long dispela hevi, na pasim tingting sapos ol i ke rausim Natres o no gat.

Works bai bungim wankain mekimsave sapos em i lusim tupela poin olgeta taim. Haro i tok asosiesen i westim mani nating long baim ol referi long K30, tasol i no save lukautim gem bikos long rabis fofit long dispela hevi.

Olsem na ol i stapim pasin bilong fofit pinis. Em i tok tupela fofit em inap, na bihain long tupela fofit em asosiesen bai rausim klap inap long wanpela sisen olgeta.



• Stail bilong Unagi op sisen ragbi lig resis long Mosbi namel long Warasua Eels na Lufa Yut long resis bilong pul B las wiken.

Tripela kas nogut bilong Gogodala i sta long win bilong Hoks 5 Dragon

HOHOLA LIG RIPOT

HOKS 5 Dragon i gat moa pawa taim ol i autim Hoks 3 Raiders 12-0 long Hohola op sisen ragbi lig resis long las wiken.

Long namba wan hap bilong pilai, tupela tim wantaim i pait strong tru. Olsem na no gat wanpela skoa i bin kamap.

Bihain tasol long stat bilong namba tu hap, Dragon i stat long putim moa pawa na stail long pilai bilong em.

Ol tripela kas nogut bilong Gogodala, hap bek Kensi Mawa, faiv et Dugi Kupal na stail fulbek Gaegae Baga i bungim wantaim stail bilong pilai. I no long-taim ol i salim winga bilong ol, Roy i go skoa. Na dispela i putim ol i go pas long skoa 4-0, bihain long kik bilong tupela poin i no karim kaikai.

Raiders i stat long pait bek na bekim wantaim wanpela trai. Tasol ol i no inap. Bikos ol pilaia bilong Dragon i sanapim strongpela banis stret wantaim ol gutpela takel.

Klostu long pinis bilong pilai, lok Luke Andrew i kisim wanpela gutpela bal long dami hap na givim i go pundaun long trai lain. Dispela i pusim Dragon i go pas moa long skoa 12-0. Dispela skoa i stap olsem inap pinis bilong pilai.

Ol pilaia husat i pilaim

gutpela gem long sait bilong Dragon em Gaegae, Dugi, Kensi na Luke.

Narapela gem namel long Wanderers na Dorido em ol i stapim long 10-pela minit bipo long hap taim. Bikos ol sapota long sait lain i statim pait.

Long dispela sisen, em i namba wan taim bilong dispela kain bikhet pasin i kamap. Na ol eksekutiv bilong asosiesen i no inap larim dispela long kamap moa.

Narapela gutpela gem i bin kamap namel long Erima Knights na

Sea Eagles. Ol lain Erima wantaim kam bek bilong namba wan pilaia bilong ol, John Ovia i pilai strong tru. Tasol ol i go daun long ol kas nogut bilong Sea Eagles 10-0.

Olpeka Kumul winga, Mafu Kerekere i pilaim gutpela gem long ol Eagles. Em i skoarim wanpela trai we kik bilong tupela poin i karim kaikai, na setim ol arapela.

Gem bilong Mutrus Brothers na Boderline i em ol i stapim bikos sampela paul i bin kamap long dro.

Mosbi Pablik Sevan ragbi lig resis bai i stat bihain long Nu Yia

SAM YAKAM i raitim

OP sisen ragbi lig resis bilong ol pablik sevan long Mosbi bai i mamalo long Krismas na Nu Yia. Dispela toksave i kam long presiden, Madicks Haro.

Haro i tok bai i no gat gem inap long namba wan wiken bilong mun Januəri, 1992.

Haro i givim bikpela tok amamas long olgeta mamba bilong Mosbi Pablik Sevan Ragbi Lig resis long gutpela sapot bilong yia 1991.

Em i salim tu gutpela na bikpela Meri Krismas na Hepi Nu Yia i go long wan wan pilaia ba famili bilong ol.

Lukim yupela long yia 1992!



• Pilaia bilong Lufa Yut i laik kisim bal na birua bilong Warasua Eels i kamap pinis long baksait. Dispela em long David Unagi op sisen lig resis bilong pul B long Mosbi, las wiken.

DAVID UNAGI LEAGUE DRAW December 21st and 22nd, 1991 Round One: Game Eight

All "A" games on Sunday
All "B" games on Saturday

POOL A

Time	East Kipo	vs	Kiki Rocks
10.00	East Kipo	vs	Kiki Rocks
11.20	Kiro Raiders	vs	West Kongo
12.40	Hella Kens	vs	Muruks
2.00	PTC Deve	vs	Grass Roots
3.20	Sigoi Bros	vs	SM Spiders
4.40	Eno United	vs	Aeroto Tigers

Bena Youth dismissed from competition.

POOL B

Time	Kanite	vs	Meuro Tigers
10.00	Kanite	vs	Meuro Tigers
11.20	Limestone	vs	East Wallabies
12.40	Nupa East	vs	9 Mile Angaras
2.00	Furiki	vs	Gouna Nomads
3.20	Megusa Roosters	vs	Warasua Eels
4.40	Siko Panthers	vs	Lufa Youth

NOTE: Aeroto Tigers move to Pool A.
Junipi Warriors dismissed from competition.

SOGERI VALLEY OFF-SEASON RUGBY FOOTBALL LEAGUE DRAW

Sunday December 22, 1991.
Laioki High School Oval.

B GRADE

TIME	Radho	vs	Panthers
9.00 am	Radho	vs	Panthers
9.50 am	H/Cannery	vs	17 Mile
10.40 am	Tanubada	vs	Mala United
11.30 am	S/Tigers	vs	K/Raiders
1.20 pm	Bluff Inn	vs	Ilimo Keras

A GRADE

TIME	Radho	vs	Panthers
2.00 pm	Radho	vs	Panthers
2.50 pm	H/Cannery	vs	17 Mile
3.40 pm	Tanubada	vs	Mala United
4.30 pm	S/Tigers	vs	K/Raiders
5.20 pm	Bluff Inn	vs	Ilimo Keras

The results from Sogeri Valley League are as follows matches played on Sunday (1/12/91).

"B" Grade

Sogeri Tigers	36	def	Ilimo Keras	4
Hugo	12	def	Radho	6
9 Mile Brothers		forfeited	Mala	

"A" Grade

Ilimo Keras	16	def	Sogeri	4
5 Mile Raiders	16	drew	Taroguda	16
9 Mile Panthers		forfeited	Mala	
Bluff	22	def	17 Mile	0
Radho	8	def	Hugo	4

Emil Aquila na Paul Nelson stap insait long nesenel ragbi yunien trening tim

BARBARA TOMI i raitim

DISPELA hap toktok: "yu ken wok long wanpela masta tasol" i pasim olgeta toktok.

Long tupela ragbi lig sta bilong Mosbi Winfield Lig resis, Emil Aquila na Paul Nelson, em i hat tru long stretim tingting long pilai ragbi lig yet na kalap i go long ragbi yunien.

Tupela wantaim i stap insait nau long trening tim bilong ragbi yunien 7 asait tim bilong go pilai long Dawin, Australia long Janueri, 1991. Nau yet tupela i no save long lusim o stap insait long dispela tim.

Aquila em i wanpela namba wan faiv et bilong Mosbi ragbi lig resis husat i save pilai long A gret tim bilong Brothers Ragbi Lig Klap. Na Nelson em i wanpela namba wan fulbek, husat i save pilai wantaim A gret tim bilong Paga Panthers Ragbi Lig Klap.

Tupela wantaim i no gat strongpela tingting long pilai ragbi yunien. Tasol tupela i traim laik liklik long namba wan ragbi yunien 7 asait resis long Oktoba, 1991 na ol i makim tupela insait long dispela tim. Dispela em long winim Steamships Kap.

Na dispela em bikpela sans we tupela i no laik long lusim.

Long Aquila, dispela em i wanpela hatpela disisen liklik. Bikos em i kisim toksave pinis long stat trening nau, sapos em i laik stap insait long 7 asait tim bilong Mosbi Winfield Lig, long go pilai long Nissan Wol ragbi lig 7 asait resis long Sidni, Australia long Februeri, 1992.

Aquila i tokim RLN olsem "sapos ol i askim mi long mekim tingting, mi bai stap insait long 7 asait ragbi lig tim."

"Em bai i wanpela hatpela tok orait long mekim sapos bai i stap long kot bilong mi. Tasol mi bai amamas tasol sapos ol kosa bilong mi i oraitim mi long pilai insait long dispela tupela tonamen wantaim. Dispela em sapos ol i makim mi insait long fainal tim."


Ragbi yunien 7 asait resis em ol i makim long kamap long pinis bilong mun Februeri. Na Nissan ragbi lig 7 asait resis bai i kamap long wiken bilong Februeri 7 na 8 long Sidni Futbol Stadium.

Long fulbek bilong Paga Panthers husat i gat planti gutpela sans long ragbi lig long bihain taim, dua i op tasol long em.


Ragbi yunien i holim pasim lewa bilong em nau. Na em i traim hat long save gut long dispela gem long wanpela mun tasol, long winim wanpela posisen insait long fainal nesenel 7 asait ragbi yunien tim.

"Sapos bihain taim bilong ragbi yunien i gutpela long mi, mi bai amamas tasol long kisim," Nelson i tok.


Nelson i gat bikpela laik tru long winim wanpela ples insait long tim, na em i tok, "Sapos mi winim wanpela ples long go pilai long Noten Teritori bilong Australia, mi bai amamas tasol long traim winim wanpela ples gen long go pilai long namba tu tes gem em bai i kamap long Singapo long Februeri, 1992. Na sapos mi gat moa sans, bai i traim strong long stap insait long Hong Kong 7 asait tim bilong Mas."



• Paul Nelson



• Emil Aquila



• Klia long ol kas nogut ya: Stall bilong David Unagi op sisen ragbi lig resis long Mosbi. Ol pilala ya i holim pas narakain stret.

Ella daunim kompetisen lida

MITA Ella wantaim PTC Phonecard i bin traim bun long bikpela gem bilong Mosbi Pablik Sevan Ragbi ragbi lig resis long Steamships Oval long Sande Desemba 15, 1991.

Insait long dispela gem, Mita Ella i bagarapim stret sindaun bilong kompetisen lida, PTC Phonecard 29-5. Tasol PTC i stap antap yet long lata bilong dispela op sisen resis.

PTC i lusim dispela gem bikos ol i sot long ol pilala. Dispela em wanpela as PTC i bin slek liklik, na lusim dispela gem isi tasol long han bilong Mita Ella.

Ol kas nogut bilong PTC i no givim dispela gem isi tasol long han bilong Mita Ella. Tasol ol i bin givim strongpela salens stret long Ella. Olsem na dispela i no wanpela isi gem bilong Ella long winim.

Taim gem i kik op, Mita Ella i kamapim strongpela gem na skoarim namba wan trai bihain long 8-pela minit tasol. Dispela skoa i strongim tingting na supim bel bilong ol pilala long skoarim moa trai.

Wanpela minit bihain long kik op, Obert Batia i kisim bal na sisti i go long namel bilong fil. Em i tromoi bal i go olgeta long Simon Maila, na em yet i ran bihainim Simon.

Simon i tromoi bal bek gen long Batia na em givim sisti olgeta i go long sait na skoarim namba tu trai bilong Ella. Batia i save pilai long A gret tim bilong Wes Ragbi Lig Klap long Mosbi Winfield Lig resis.

Luke Waldiat i kikim gut kik bilong tupela poin na bringim skoa i goap long 12-0. Waldiat em faiv et bilong Paga Panthers A gret tim long Mosbi Winfield Lig resis.

Sampela minit i go pinis na Waldiat

yet i kikim wanpela fil gol. PTC Phonecard i putim strongpela banis bihain long dispela skoa na stapim Ella long skoarim moa trai inap long hap taim.

Tasol ol i no stapim Ella olgeta, bikos tupela minit bipo long hap taim, Guy Avea i skoarim las trai bilong Mita Ella. Luke Waldiat i stretim lek gut na kikim gut kik bilong tupela poin long skruim skoa i go long 19-0 long hap taim.

Bihain long hap taim, 11-pela minit i lus pinis na Weka Lae bilong PTC i kikim wanpela fil gol. Bihain long dispela fil gol, ol fowat beklain pilala bilong tupela tim wantaim i kamapim strongpela gem. Olsem na i no gat moa skoa i kamap.

Sampela minit i ranawe pinis na hap bek bilong PTC, Timothy Sakete i holim bal na stretim pilai long beklain. Em i tromoi bal i go olgeta long lep winga, Alphonse Vunta long skoarim narapela trai bilong PTC arere long kona bilong fil.

Vunta yet i abrusim kik bilong tupela poin na ol i ran bihain, 19-5. Bihain long dispela trai, PTC i strongim gem na holim pasim olgeta pilala bilong Mita Ella inap klostu long fil taim.

Ella i kapsaitim tupela moa trai hariap tru aninit long gol pos bilong PTC. Dispela em long samting olsem 4-pela minit bipo long ful taim.

Erimas Mines i skoarim namba wan trai, na Agisa Asie i skoarim narapela stret long ful taim. Luke Waldiat yet i stretim lek na kikim tupela konvesen kik i go insait long bringim skoa i goap long 29-5. Dispela em fainal skoa.

SIPAK MAIK

EM I GO HAIT ANANIT LONG BET...



NAU ISI ISI TASOL EM KAMAUT NA LUKLUK I GO ACIT... TASOL NOGAT WANPELA POLISMAN I STAP...



EM LUKIM WANPELA DOK I SINDAUN I STAP NA EM GO ACITIM OLGETA KROS BILONG EM LONG TARANGUDOK...



PAPA MAIK I KISIM TAIM STRET LONG PLES, TASOL PIKININI BILONG EM HENRI, I AMAMAS RAUN WANTAIM FEMILI LONG AUSTRALIA...

OL I GO RAUNIM ZOO... PES TAIM TRU OL I LUKIM OL LAION...

NA OL MONKI TU...



PERSONAL LOANS

Husat i halivim yu long kisim ol samting yu laikim tru?

Sapos yu laikim nupela ka o ol samting bilong haus, PNGBC ken givim yu dinau long baim ol dispela samting.

Yu mas gat gupela wok na sampela seving long haus moni. Na i no hat tumas long bekim dispela dinau.

Askim long haus moni bilong PNGBC. Bai mipela halivim yu long kisim ol samting yu laikim emi tru!



REBO

LONG HAUS REBO SINDAUN LUKIM TELEVISION I STAP NA EM TINGIM TOKTOK, YA...

HEY, LEWAZ?.. YU LAIK YUMI GO STAP LONG KIUNGA LIKLIK NA KAM BEK?

GO KIEZ? GO LONG KIUNGA?

1YIA!!

HAMAS DE BAI YUMI STAP LONG HAP?

1YIA?

TARANGU EMILY I LONG LONG OLGETA... EM KAMAUT LONG HAUS KUK NA ASKIM REBO GEN...

LEWAZ? 1-YIA I LONG TAIM TRU... BAI YUMI GO NA MEKIM WANEM?

BAI YUMI GO NA MI WOK LONG HAP.. MENESIM BENK LONG HAP!

WOK LONG HAP?

TASOL AUDA NA EMILY I WARI LONG SKUL BILONG TUPELA...

TASOL? SKUL BILONG AUDA BAI OUSEM WANEM? MI TISA BILONG EM TU YA!

EM NAU PAPA! SKUL BILONG MI BAI OUSEM WANEM?

ER.. LUKIM PRINSAPOL BILONG YUPELA NA KISIM TRENS FE SETIFIKET BILONG 1-YIA TASOL..

TARANGU EMILY I TING-TING PLANTI..

OKE.. TUMORA BAI MI LUKIM PRINSAPOL BILONG MI...

"RINGIM MI TUMORA NA TOKSAVE, OKE?"

"HARIAP LONG KAIKAI, YA! MI HANGERE!"

LONG TEN KILOK SAMTING NA EMILY RINGIM REBO OUSEM PRINSAPOL BILONG OL I ORAITIM TRANSFE BILONG OL...

GUTPELA TRU, EMILY...

HEY, BOS! MISIS I TOK ORAIT LONG GO"

EM NAMBA-KIAN STRET! KAM LUKIM MI LONG KOPI HAUS.

REBO BUNGIM BOS LONG KOPI HAUS.. TUPELA DRING KOPI NA TOKTOK LONG WOK BILONG KIUNGA...

"BAI YU MENESIM OPIS LONG HAP, NA LUKAUTIM OL WOKAS LONG HAP.. EMI ORAIT?"

EM I ORAIT, NOSAT SAMTING!.. EMI HAT WOK LIKLIK LONG LUKAUTIM OPIS, YU SAVE?

OL SAVEMAN BILONG BISNIS YUSIM OL!

Lister

LT1 5 K.V.A.
 • TOTALLY PORTABLE ENERGY SOURCE
 • IDEAL UNIT FOR VILLAGE LOCATIONS

TS2 8.5 K.V.A.
 • 3 PHASE OR SINGLE PHASE POWER
 • COMPACT AND EFFICIENT

HR3 28.25 K.V.A.
 • IDEAL COMMERCIAL BACKUP SYSTEM

CS6 58 K.V.A.
 • INDUSTRIAL CAPACITY
 • WILL HANDLE MAXIMUM DEMAND FOR POWER ANYTIME

Brian Bell Stores

- BOROKO — 25 5411
- LAE — 42 1433
- GOROKA — 72 1098
- MT. HAGEN — 52 1999
- RABAUL — 92 1966

Phantom

Taim Phantom i kalap...

Goap hariap! ol sut ya!

Em husat ya?

Em tok.. "Mista Walker"

Em tok .. ringim presiden hariap.

Balus X-7 .. Koling stesin praim wan.

Stesin praim wan kisim yu, X-7.. kam insait.

Toksave i kam long balus bilong yu antap long juju, Presiden.

Se, i gat ami nogut long Pot Juju. Na tu .. i gat ami bilong Zabadaba na Togana stap hapsait long wara .. i luk olsem ol bai tekova.

Mista Walker we?

Em i no yusim parasut bikos ol sut. Olsem na em kalap. Las toktok em long givim toksave long yu.

.. Ol lukim em pinis .. na bomim wara .. em mas dai pinis ya ..

Devil yu harim tu, ol welkamim mitupela ya.

FOR THE GHOST WHO WALKS.

VOOM

TALK & BARRY 6-16

CONT'D

Flash Gordon

Kisim dispela man i go na wetim indai bilong em.

Lewa, No! Em sevim laip bilong mi ya!

Mi inap nau long harim toktok bilong yupela ol meri. Yu redi nau long taim bilong mitupela long marit. Yu harim!

Borac, harim mi! Mi gat witnes long soim yu! Roket bilong mi bagarap na stap aninit long be bilong yu!

Pasim maus, yu longlong! Ol sekyuriti ... Kisim ol i go!

Oh, Lewa ... mitupela bai dai wantaim nau!

JOHNS & MORROW

© 1991 by King Features Syndicate, Inc. World rights reserved.

721

MICKEY MOUSE



Yu kam insait na long Scenic Valley

I gat wanpela gutpela we long lukim kain cria ya.

... na dispela em long ran tasol na lukluk.

Pasin bilong ran isi na lukluk em top stret!

"Tanim yait long sain bilong wara "stream".

"Isi .. Isi ... No ken wel na pundaun.

"Goapim maunten na Dale ... lukluk long ol wail flaua, tasol no ken stap long smelim ol.

"Na nau, i go insait long bikipela grin bus stret.

Yu kamap nau long Haiwe 17. Tanim lep.

"Na nau, yu olsem planti manmeri husat save ran na esesais long rot ...

"... Yu bai kisim teksi na go bek!"

WALKING AND JOGGING TOURS ON TAPE SEE SCENIC GREEN VALLEY

GLICK

STREAM

(PUFF! PUFF!)

(PUFF! PUFF!)

TAXI

EAT AT GREEN INN

GREEN VALLEY

© 1991 The Walt Disney Company All Rights Reserved

9-22

Distributed by King Features Syndicate

LUSHIP

P.O. BOX 789 MADANG

FOR VESSELS CARRYING PASSENGERS DECEMBER 1991

Vessel	Voy No.	Sailing from Madang for...	Day	Date	Time	Vessel	Voy No.	Sailing from Madang for...	Day	Date	Time
Rita	101S	Wasu/Finsch/Buki/Lae/Oro Bay	Sun	01/12/91	9 am	Umboi	197N	Lorengau	Tue	17/12/91	12 mn
Total	491S	Biliau/Yara/Wasu/Sio/Finsch/Lae	Mon	02/12/91	9 am	Rita	103O	Wewak	Tue	17/12/91	4 pm
Umboi	195N	Lorengau	Tue	03/12/91	12 mn	Malalo	267N	Aitape/Vanimo	Wed	18/12/91	6 pm
Malalo	266N	Aitape/Vanimo	Wed	04/12/91	6 pm	Rita	103D	Wewak	Thu	19/12/91	4 pm
Rita	102N	Wewak	Thu	05/12/91	4 pm	Rita	103E	Wewak	Sat	21/12/91	2 pm
Rita	102A	Wewak	Sat	07/12/91	2 pm	Rita	103F	Wewak	Mon	23/12/91	4 pm
Total	492S	Biliau/Yara/Wasu/Sio/Finsch/Lae	Mon	09/12/91	9 am	Total	494S	Biliau/Yara/Wasu/Sio/Finsch/Lae	Mon	23/12/91	9 am
Rita	102S	Wasu/Finsch/Buki/Lae	Mon	09/12/91	9 am	Rita	103G	Wewak	Fri	27/12/91	5 pm
Umboi	196N	Lorengau	Tue	10/12/91	12 mn	Rita	103S	Wasu/Finsch/Buki/Lae/Oro Bay	Sun	29/12/91	9 am
Rita	103N	Wewak	Wed	11/12/91	10 pm	Madang ticket office hours: Mon to Fri 0800 - 1145 1315 - 1530 Sat 0800 - 1030					
Rita	103A	Wewak	Fri	13/12/91	5 pm						
Malalo	266S	Long Is/Lokep/Masele/Gizarum/Lablab Finsch/Lae	Sat	14/12/91	9 am	For reservations or enquiries phone Sesu on 82 2577.					
Rita	105B	Wewak	Sun	15/12/91	5 pm						
Total	493S	Biliau/Yara/Wasu/Sio/Finsch/Lae	mon	16/12/91	9 am						

PASSENGER SCHEDULE FOR DECEMBER 1991

Lutheran Shipping, P.O. Box 1459, Lae. For passenger bookings/information contact Clement or Ita ph: 42 2066. * Denotes Passenger Only Vessel.

Other vessels are cargo passenger vessels which are listed below.

Vessel	Voy No.	Sailing for	Day	Date	Time	Vessel	Voy No.	Sailing for	Day	Date	Time
*Mamose Ex	235N	Kimbe/Rabaul	Mon	02/12/91	10 am	*Mamose Ex	238X	Buki/Lae	Wed	18/12/91	8 am
Umboi	195N	Madang/Lorengau	Mon	02/12/91	4 pm	Total	484A	Finsch/Gizarum/Lae	Wed	18/12/91	8 pm
*Rita	101S	Oro Bay	Mon	02/12/91	7 pm	Nagada	251S	Oro Bay	Thu	19/12/91	12 mn
Malalo	266N	Lablab (Aitape/Vanimo)	Tue	03/12/91	4 pm	*Mamose Ex	238Y	Buki/Lae	Fri	20/12/91	8 am
*Rita	102N	Buki/Finsch/Wasu/Madang/Wewak	Wed	04/12/91	9 am	Total	494N	Finsch/Sio/Wasu/Madang	Fri	20/12/91	4 pm
Total	492A	Finsch/Gizarum/Lae	Wed	04/12/91	4 pm	*Mamose Ex	238S	Morobe/Oro Bay/Morobe/Lae	Fri	20/12/91	8 pm
Nagada	251A	Finsch/Lablab/Finsch/Lae	Thu	05/12/91	4 pm	Nagada	251O	Buki/Lae	Sat	21/12/91	8 am
*Mamose Ex	236A	Buki/Lae	Fri	06/12/91	2 pm	Nagada	252P	Wasu/Lae	Sat	21/12/91	9 pm
Total	492N	Finsch/Sio/Wasu/Madang	Fri	06/12/91	4 pm	*Mamose Ex	239A	Buki/Lae	Sun	22/12/91	8 am
*Mamose Ex	236X	Buki/Lae	Sat	07/12/91	8 am	*Mamose Ex	239X	Buki/Lae	Mon	23/12/91	8 am
Nagada	251B	Buki/Lae	Sat	07/12/91	8.30 am	Nagada	251Q	Buki/Lae	Mon	23/12/91	8.30 am
*Mamose Ex	236B	Lablab/Buki/Lae	Sat	07/12/91	8 pm	Nagada	252N	Gizarum/Maselle/Lokep/Long Is/Mad	Mon	23/12/91	9 pm
Nagada	251C	Buki/Lae	Sun	08/12/91	8 am	*Mamose Ex	239Y	Buki/Lae	Tue	24/12/91	8 am
Nagada	251D	Buki/Lae	Mon	09/12/91	8 am	<u>CHRISTMAS</u>					
*Mamose Ex	235N	Kimbe/Rabaul	Mon	09/12/91	10 am	*Mamose Ex	239N	Kimbe/Rabaul	Thu	26/12/91	10 am
Umboi	196N	Madang/Lorengau	Mon	09/12/91	4 pm	Total	495A	Buki/Lae	Fri	27/12/91	8 am
Nagada	251E	Buki/Lae	Tue	10/12/91	8 am	Total	495B	Buki/Lae	Sat	28/12/91	8 am
*Rita	103N	Finsch/Wasu/Madang/Wewak	Tue	10/12/91	7 pm	Total	495C	Buki/Lae	Sun	29/12/91	8 am
Nagada	251F	Lablab/Lae	Tue	10/12/91	9 pm	Total	495D	Finsch	Sun	29/12/91	9 pm
Total	493N	Finsch/Sio/Wasu/Yara/Biliau/Madang	Wed	11/12/91	4 pm	*Mamose Ex	240A	Buki/Lae	Mon	30/12/91	2 pm
Nagada	251G	Buki/Lae	Thu	12/12/91	8 am	Umboi	198N	Finsch/Lorengau	Mon	30/12/91	4 pm
Nagada	251H	Lablab/Lae	Thu	12/12/91	9 pm	*Rita	103S	Oro Bay	Mon	30/12/91	7 pm
*Mamose Ex	237A	Buki/Lae	Fri	13/12/91	2 pm	Total	495B	Buki/Lae	Tue	31/12/91	8 am
*Mamose Ex	237K	Buki/Lae	Sat	14/12/91	8 am	*Mamose Ex	240N	Kimbe/Rabaul	Tue	31/12/91	10 am
Nagada	251I	Buki/Lae	Sat	14/12/91	8.30 am	Please note tickets will only be sold during the following times Monday to Friday 8 am to 3.30 pm. Saturday 8 am to 9 am. No after hours tickets will be sold. All persons over one year are all persons over one year of age are required to purchase a ticket. Children up to one year travel free, children from one to 12 years and students with students I.D. cards travel at half adult rate.					
*Mamose Ex	237S	Oro Bay	Sat	14/12/91	8 pm						
Nagada	251J	Wasu/Lae	Sat	14/12/91	9 pm						
*Mamose Ex	238A	Buki/Lae	Mon	16/12/91	8 am						
Nagada	251K	Buki/Lae	Mon	16/12/91	9 am						
Umboi	197N	Madang/Lorengau	Mon	16/12/91	4 pm						
*Mamose Ex	238W	Wasu/Buki/Lae	Mon	16/12/91	8 pm						
Nagada	251L	Buki/Lae	Tue	17/12/91	8 am						
Malalo	267N	Lablab (Aitape/Vanimo)	Tue	17/12/91	4 pm						
Nagada	251M	Lablab/Lae	Tue	17/12/91	9 pm						



Agents:
Lae LUSHIP 42 2066
Madang LUSHIP 82 2577

Finschafen
Wewak
Oro Bay

LUSHIP
Sepik Coastal
Century Shipping

44 7004
86 2643
29 7268

Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.